

Gêñ Samob Nam Nabuku

Ñaê Genesis ñam gebe Nam me Namôkê. Buku tau gêjac undambê to nom ñam ñamin ma gêwa ñamalacnêñ ñam sa amboac tonanğen. Go kêpuc ñamalac sêgôm sec to sêoc gêñwapac anğa nom nec ñam sa ma kêwaka Anôtô gêjam gôlinğ ñamalac tapaônğenğ ñalêñ sa gêwiñ.

Aêac tawa buku ñamôkêlatu kêkôc gêja ñasêbu kapôenğ luagêc gebe

1. Môkêlatu 1-11 gêwa undambê to nom ñam sa ma gêjac miñğ ñamalacnêñ lêñ andanğenğña. Aêac tatap Adam agêc Ewa ma Kain agêc Abel to Noa nêñ miñğ sa ma tanğ bu kêsuñğ ñatêna to andu ñatêpôê soso baliñğ anğa Babel ñaminğ amboac tonanğenğ.
2. Môkêlatu 12-50 gêjac miñğ lau Israel nêñ mimi nêñ lêñ andanğenğña ñaminğ. Nêñ mimi ñamatanağ tau Abraham. Eñğ ñac towae kêkêñğ gêwiñğ to tanğ wamu Anôtôña. Eñğ latu Isak to dêbu Jakob nêñğ miñğ kêdaguc. Jakob, tanğ nê ñaê tenğ gebe Israel nañğ, nê latui 12 têtulu lau Israel nêñğ gôlôac 12 nêñğ ñamôkê. Êsêacnêñğ tenğ Josep. Buku tau gêjac miñğ ênê lêñğ kêgêlucgenğ ma gêwa Jakob tonê gôlôac sêngônğ gamêñğ Aiguptuña ñam sa amboac tonanğenğ.

Binğnanô, buku tonec gêjac miñğ binğ ñamalacña, mago buku tau ñamanô tau tonec gebe kêwaka kôm, tanğ Anôtô tau gêgôm nañğ, sa gêc awêgenğ. Gêjac m miñğ tau gebe Anôtô kêkêñğ undambê to nom, tanğ buku tau kêpuc miñğ tau tônğ nañğ. Ma gêjac dabinğ

ɲaminɲ Anôtô gêjac mata binɲ gebe ênam jaom nê lau Israel endenɲ tɔŋgeɲɲa.

Anôtô kêtú buku tonec ɲagôlinɲtêna. Enɲ kêmêtôc ɲamalac to gêjac êsêac kêtú nêɲ secɲa, enɲ gêwê nê lau to gêjam êsêac sa ma enɲ gêjam gôlinɲ nê lau sêsa nêɲ lêɲ sêmoa nom nec.

Êsêac teto buku lanɲgwaanô tonec ɲam gebe sênac lau-m tenɲ nêɲ sêkêɲ gêwiɲ Anôtôɲa ɲaminɲ gebe elom lau ɲamuɲa ma êpuc êsêac tɔŋ e sêkêɲ gêwiɲ tau tonanɲ mata jaligenɲ ênêc êtôm tônêgenɲ ɲapanɲ.

Anôtô kêkêɲ undambê to nom

¹ Gêdêɲ ɲamatanô Anôtô kêkêɲ undambê to nom.

² Nom tau sawa to ɲagêlêɲ ma ɲakesec kêkôm gwêc ɲamsêga auc ma Anôtônê ɲalau kêlao gêmoa bu ɲaô.

³ Ma Anôtô kêsôm gebe “ɲawê êsa”, e ɲawê kêsa.

⁴ Anôtô gêlic ɲawê gebe ɲajam. Ma Anôtô gêwa ɲawê to ɲakesec kêkôc.

⁵ Anôtô kêsam ɲawê gebe “Gelenɲa” ma ɲakesec gebe “Gêbêcauc.” Tec gêbêcauc to gelenɲa tonanɲ kêtú bêc ɲamataɲa.

⁶ Go Anôtô kêsôm gebe “Lênsanɲ tenɲ êniɲ bu êɲɲic ma êwa bu êkôc.”

⁷ Ma Anôtô kêmasanɲ lênsanɲ ma gêwa bu kêkôc, ɲagêdô kêpoac lênsanɲ ɲalabu ma ɲagêdô kêpoac ɲaô.

⁸ Ma Anôtô kêsam lênsanɲ tau gebe “Umbonɲ.” Gêbêcauc to gelenɲa tonanɲ kêtú bêc kêtú luagêcɲa.

⁹ Go Anôtô kêsôm gebe “Bu, tanɲ kêpoac umbonɲ ɲalabu nanɲ, êlêc sa naêpoac tauɲa e gamêɲ ɲakelenɲ êsa.” Ma ɲanô kêsa.

10 Ma Anôtô kêsam gamêḡ ḡakelenḡ gebe “Nom” ma bu ḡatonḡ gebe “Gwêc.” Ma Anôtô gêlic gebe ḡajam.

11 Go Anôtô kêsôm gebe “Gêḡ êlêc ḡamatac aḡga nom, gêḡ tolaunḡ taḡ êkêḡ ḡawê êtôm ḡakaiḡḡenḡ naḡ, ma ka taḡ sênam ḡanô êtôm ḡakaiḡḡenḡ naḡ.” Ma ḡanô kêsa.

12 Tec gêḡ gêlêc ḡamatac aḡga nom, gêḡ tolaunḡ, taḡ kêkêḡ ḡawê kêtôm ḡakaiḡḡenḡ naḡ ma ka taḡ sêjam ḡanô kêtôm ḡakaiḡḡenḡ naḡ. Ma Anôtô gêlic gebe ḡajam.

13 Gêbêcauc to gelenḡa tonḡ kêtû bêc kêtû têlêacḡa.

14 Go Anôtô kêsôm gebe “Ja ḡanô sêkô umbonḡ ḡalênsaḡ e sêwa gelenḡa to gêbêcauc êkôc ma têtû têm to bêc ma jala ḡabelo.

15 Ma ja ḡanô sêkô umbonḡ ḡalênsaḡ gebe sêpô nom ḡawê êsa.” Ma ḡanô kêsa.

16 Tec Anôtô kêkêḡ ja kapôêḡ luagêc, ja kapôêḡsêga teḡ gêjam gôliḡ gelenḡa ma ec saunḡ teḡ gêjam gôliḡ gêbêcauc ma utitalata sêwiḡ.

17 Ma Anôtô kêkêḡ gêḡ tau sêkô umbonḡ ḡalênsaḡ gebe sêpô nom ḡawê êsa,

18 gebe sênam gôliḡ gelenḡa to gêbêcauc to sêwa ḡawê to ḡakesec êkôc. Ma Anôtô gêlic gebe ḡajam.

19 Gêbêcauc to gelenḡa tonḡ kêtû bêc kêtû aclêḡa.

20 Go Anôtô kêsôm gebe “Bu to gwêc sêkôc gêḡ matenḡ jaliḡa palac-palacḡenḡ to moc sêlôp sêmoa nom to umbonḡ ḡasawa,” e ḡanô kêsa.

21 Tec Anôtô kêkêḡ gêḡsêga gwêcḡa to gêḡ matenḡ jali samob, taḡ sêmoa bu to gwêc palac-palacḡenḡ

ma k  k  n moc tomag   tokainj-tokainj. Ma An  t   g  lic gebe njam.

²² Go An  t   g  jam mec   s  ac ma k  s  m gebe “Asu njalatu ma atu ta  sam e anam bu to gw  c auc ma moc t  tu ta  sam s  moa nom.”

²³ G  b  cauc to geleŋŋa tonan j k  tu b  c k  tu lemen tenja.

²⁴ Go An  t   k  s  m gebe “Nom   k  c g  n materj jali tokainj-tokainj, g  n masinj ma g  n, tanj s  galab to s  l  gen nan ma b  c salenja tokainj-tokainj.” Ma njan   k  sa.

²⁵ Tec An  t   k  k  n b  c nomja tokainj-tokainj, g  n masinj tokainj-tokainj to g  n, tanj s  galab to s  l   nan, tokainj-tokainj. Ma An  t   g  lic gebe njam.

²⁶ Go An  t   k  s  m gebe “Tak  n njamalac t  t  m a  ac tauj katuŋ, t  t  m a  ac.   s  ac t  tu i gw  cŋa to moc umbonj njalabuŋa ma g  n masinj to b  c salenja samob ma g  n, tanj s  galab to s  l  gen samob, tanj s  moa nom nan njatau.”

²⁷ Ma An  t   k  k  n njamalac k  t  m enj tau katu, k  k  n enj k  t  m An  t   katu solop. Enj k  k  n   s  ag  c njac to aw  .

²⁸ Ma An  t   g  jam mec   s  ag  c ma k  s  m g  d  n   s  ag  c gebe “Aka g  l  ac las   e atu ta  sam ma anam nom auc. Nom   s   amac njalabu. Ma atu i gw  cŋa to moc umbonj njalabuŋa ma g  n materj jali samob, tanj s  moa nom nan, njatau.”

²⁹ Ma An  t   k  s  m gebe “Alicgac, a   kak  n g  n tolaun samob tanj k  k  n njaw   k  t  m njakaingenj nan to ka samob, tanj s  jam njan   k  t  m njakaingenj nan, tec k  tu amacn  m g  n aninjja.

³⁰ Mago g  gwanj to g  n matak njag  d   samob a  

jakêñ êndêñ bôc nomña samob to êndêñ moc umbonñ ñalabuña samob ma gêñ materñ jali samob, tañ sêgalab to sêlê sêmoa nom nañ.” Ma ñanô kêsa.

³¹ Ma Anôtô kêsala gêñ samob, tañ eñ kêkêñ nañ, ma gêlic gebe ñajamanô. Ma gêbêcauc to gelenña.

2

¹ Amboac tonañ undambê to nom ñagêñ materñ jali totau-totau samob ñanô kêsa.

² Ma Anôtô gêjac dabiñ nê kolen, tañ gêjam su nañ, gêdêñ bêc lemeñ teñ ñanô luagêcña ma kêlêwanñ tau gêdêñ bêc kêtú ñanô luagêcña kêtú kolen samob, tañ gêgôm nañña.

³ Ma Anôtô gêjam mec bêc kêtú ñanô luagêcña to gêjam dabuñ, gebe gêdêñ bêc tonañ Anôtô kêlêwanñ tau anga nê kolen, tañ gêjam e gêjac dabiñ nañ.

⁴ Anôtô kêkêñ undambê to nom ñanô kêsa ñaminñ tau tonec.

Biy Paradisña

Gêdêñ tañ Apômtau Anôtô kêkêñ nom to undambê

⁵ gêñ tolaunñ teñ kêpi atom to gêngaga teñ kêkô kôm atom tagenñ gebe Apômtau Anôtô kêkêñ kom kêsêp nom atom tagenñ. Ma ñamalac teñ gebe êñgalunñ nom popocña gêmoa atom.

⁶ Ma bu nom ñalêlômña kêlêni mênkêpi ma kêmalôm nom ñawambuc kêsa.

⁷ Gêdêñ tonañ Apômtau Anôtô kêkôc nom anga kôm ma kêlêsob ñamalac to gêju awajaô mata jaliña kêsô eñ lususunñ, tec ñamalac kêtú gêñ mata jali.

⁸ Go Apômtau Anôtô kêsê kôm anga Eden, tañ gêc gêmu kêsa gamêñ oc kêpiña nañ, ma ketoc ñamalac, tañ kêlêsob nañ, gêmoa kôm tau.

⁹ Ma Apômtau Anôtô kékêñ ka kêpi aña nom, ñakatu gêjac mataanô ñajam ma ñanô tau kêmoasin awasun. Ma ka dangôn maten jalinã kêpi aña kôm ñaluñ to ka tajala ñajam to secña amboac tonanğen.

¹⁰ Bu ten ñamôkê gêc Eden gebe êmalôm kôm tau. Aña kôm ñalêlôm bu tonanğ gêwa tau kêkôc gêja ñasêli aclê.

¹¹ Ñasêli ñamata ñaê gebe Pison. Bu tonanğ kêgi gamêñ Hawila, tañ gold gêc nanğ,

¹² ma gamêñ tonanğ ñagold ñajamanô. Katêkwi tonamalu ñajam ñaê gebe bedelium to pocawa kokoc ñaê gebe soham gêc gamêñ tonanğ amboac tonanğen.

¹³ Bu ñasêli kêtû luagêcña ñaê gebe Gihon. Bu tonanğ kêgi gamêñ Kus.

¹⁴ Bu ñasêli kêtû têlêcña ñaê gebe Hidekel, nanğ kêpoac Asuria ñagamêñ oc kêpiña. Ma bu ñasêli kêtû aclêña ñaê gebe Euprat.

¹⁵ Apômtau Anôtô kêkôc ñamalac ma ketoc enğ gêmoa kôm Eden gebe ênam kôm êpi nom ma ejop kôm tau.

¹⁶ Ma Apômtau Anôtô kêjatu ñamalac ma kêsôm gebe “Kañanô pebenğ, tañ kêkô kôm nanğ, ôniñmanğ.

¹⁷ Mago kañanô tajala ñajam to secña ôniñ atom. Embe ôniñ kañanô tau, oc ômac êndu êndênğ bêc tonanğ.”

¹⁸ Go Apômtau Anôtô kêsôm gebe “Ñamalac taugenğ êmoa oc ñajam atom. Aê gabe jakênğ kêpuctôño tenğ êndênğ enğ, tañ êtôm enğ nanğ.”

¹⁹ Tec Apômtau Anôtô kêkôc nom ma kêmasanğ bôc saleñña samob to moc umbonğ ñalabuña totau-totau ma kêkênğ gênğ tau gêdênğ ñamalac ma gebe êñô ñaê, tañ ñamalac ê êpi gênğ totau-totau tonanğ. Ma ñaê, tañ

ɲamalac gê kêpi gêɲ totau-totau samob kêtômgen
naɲ, tec kêtû êsêacnêɲ ɲaê.

²⁰ ɲamalac gê bôc malacɲa samob nêɲ ɲaê to
kêsam moc umbonɲ ɲalabuɲa nêɲ ɲaê ma bôc
saleɲɲa amboac tonanɲ, mago kêtap ɲamalacnê
kêpuçtôɲo teɲ gebe êtôm enɲa sa atom.

²¹ Tec Apômtau Anôtô gégôm ɲamalac tau gêc
bêc e kêliɲ tau siɲ ma kêkôc ênê ɲabi teɲ sa ma
ɲamêsôm gêôc ɲamala auc.

²² ɲabi taɲ Apômtau Anôtô kêkôc anɲa ɲamalacnê
naɲ, eɲ kêmasanɲ kêtû awê ma kêkêɲ gêdêɲ ɲamalac.

²³ Go ɲamalac kêsôm gebe
“Kecgoc, galoc katap ɲatêkwa anɲa aêɲoc sa ma
ɲamêsôm anɲa aêɲoc amboac tonanɲ.
Aê gabe jaê ênê ɲaê gebe ‘ɲamalaco’ gebe sêkôc anɲa
ɲamalacnê.”

²⁴ Kêtû tonanɲa ɲamalac êwi tama agêc têna siɲ
ma êsap nê awê tôɲ ma êsêagêc têtû ôli tagenɲ.

²⁵ Ma ɲaclagêco sêmoa ôliɲ ɲaôma ma majenɲ
gêdêɲ tauɲ atom.

3

ɲamalac sêkac tauɲ su anɲa Anôtônê

¹ Ma moacnê kauc ɲagaô kêlêlêc bôc saleɲɲa
ɲagêdô samob, taɲ Apômtau Anôtô kêkêɲ naɲ nêɲ
su. Ma enɲ kêsôm gêdêɲ awê gebe “Anôtô oc kêsôm
gebe ‘Aniɲ kôm ɲakananô teɲ atom’ me.”

² Go awê kêsôm gêdêɲ moac gebe “Aêac aniɲ kôm
ɲakananô,

³ tagenɲ ka, taɲ kêkô kôm ɲaluɲ naɲ ɲanô, tec
Anôtô kêsôm gebe ‘Aniɲ atom. Amoasac atom
amboac tonanɲ gebe amac êndu atom.’ ’

⁴ Tec moac kêsôm gêdêñ awê gebe “Op, agêc oc amac êndu atomgoc.

⁵ Mago Anôtô kêjala gebe amagêc embe aniñ, go matemanô êpoa lasê ma atôm enj tau ma ajala ñajam to sec.”

⁶ Ma awê gêlic kañanô ma taê gêjam gebe ñalêwê ñajam e gêjac mataanô ñajam amboac tonanjen. Tec têtac gêboan gebe êwa nê kauc sa ma kêkôc kañanô tau mênjen, go kêkêñ ñagêdô gêdêñ nê akwen amboac tonan, ma genj.

⁷ Tec agêc matenjanô kêpoa lasê ma sêjala taun gebe ôlinj ñaôma, tec sêginj kalaunj mênhsêkic kêtunênj ladôm.

⁸ Oc kêtun luc acgom, go Apômtau Anôtô kêsêlêñ gêmoa kômliêlôm. Agêc sênjô enj ma ñamalac agêc nê awê sêsinj taun sêsô ka, tañ sêkô kôm nanj, ñalabu gebe Apômtau Anôtô êlic êsêagêc atom.

⁹ Go Apômtau Anôtô gêmôêc ñamalac ma kêsôm gêdêñ enj gebe “Gômoa ondoc.”

¹⁰ Enj kêsôm gebe “Aê ganjô aôm gômoa kôm ñakicsêa e katêc tauc gebe aê ôlic ñaôma tec kasinj tauc.”

¹¹ Go Anôtô kêsôm gebe “Asa kêsôm gêdêñ aôm gebe ôlim ñaôma. Aôm goenj kañanô, tañ gajac jao gêdêñ aôm gebe ôniñ atom nanj, me masi.”

¹² Ñamalac kêsôm gebe “Awê, tañ kôkêñ gebe êwiñ aê nanj, kêkêñ kañanô tau gêdêñ aê, tec gaenj.”

¹³ Go Apômtau Anôtô kêsôm gêdêñ awê gebe “Aôm gôgôm asagenj tonan.” Awê gêjô enj awa gebe “Moac kêtin aê, tec gaenj.”

¹⁴ Ma Apômtau Anôtô kêsôm gêdêñ moac gebe “Aôm gôgôm tonan, tec japuc boa aôm êlêlêc bôc malacña

to bôc saleŋŋa samob su.

Aôm ôkêŋ ŋa têtac walôgeŋ
ma ôniŋ kekop e ômac êndu.

¹⁵ Ma aê gabe jakêŋ amagêc awê
to nêŋ wakuc akêŋ kisa êndêŋ taôm.

Eŋ êka aôm mômêmapac popoc
ma aôm ôŋac eŋ êsêp agêbi.”

¹⁶ Eŋ kêsôm gêdêŋ awê gebe
“Aê jakêŋ ŋandaŋ taêsam êndêŋ aôm êndêŋ noc
ôkêkam ŋapalêŋa.

Ôkôc ŋapalê tonandaŋgeŋ.

Aôm matam katu nêŋ akweŋ,
mago eŋ êtu nêŋ ŋatau.”

¹⁷ Ma eŋ kêsôm gêdêŋ Adam gebe
“Aôm kômêŋ taŋam nêŋ awênê biŋ

ma goeŋ ka ŋanô,
taŋ gajac jao gêdêŋ aôm
gebe ôniŋ atom naŋ.

Kêtu tonanŋa aê japuc boa nom êtu aômŋa.

Ônam kôm ôim taôm sugen êtôm bêc samob,
taŋ ômoa naŋ, go nom êlôm aôm.

¹⁸ Gêŋ têkwa-têkwa to waôŋ êtu nêŋ kôm ŋanô
ma ôniŋ ŋagêŋgaga.

¹⁹ Ônam kôm towaenŋeŋ,
go ôtap mo sa

e ôtu nom êtiam
gebe aôm nêŋ ŋam gêc nom.

Aôm nom,
tec ômu ôndêŋ nom ôna êtiam.

²⁰ Ma ŋamalac gê nê awênê ŋaê gebe Ewa gebe eŋ
kêtu lau mateŋ jali samob tenenŋi.

21 Ma Apômtau Anôtô kêmasan bôc ñaôlic kêtü ñakwê ma kêkêñ gêdêñ ñamalac agêc nê awê sêsô.

22 Ma Apômtau Anôtô kêsôm gebe “Alic acgom, ñamalac kêtôm aêac ma kêjala ñajam to sec. Galoc tec tajop enj gebe êmêtôc lêma naêpip kañanô anja ka danğôñ maten jaliña ma êniñ e êmoa tengeñ nec atom.”

23 Kêtu tonanña Apômtau Anôtô kêtin enj su anja kôm Eden gebe êkaliñ nom, tañ kêtü ênê ñam nañ.

24 Ma enj kêmasuc ñamalac ma kêkêñ kerub tosin ñaôsic-ôsic sêkô kôm Eden ñagamêñ oc kêpiña gebe sejop ka danğôñ maten jaliña ñaintêna. *

4

Kain agêc Abel

1 Adam gêmoa gêwiñ nê awê Ewa e taê ma kêkôc Kain. Ma enj kêsôm gebe” Apômtau gêjam aê sa, tec kakôc latuc teñ.”

2 Ma kêkôc ñapalê teñ kêtiam, lasi Abel. Abel kêtü gejobwaga bôcña ma Kain gêjam kôm moña.

3 Têm ñagêdô gêjaña, tec Kain kêkôc nê kôm ñanô kêkêñ kêtü da gêdêñ Apômtau.

4 Ma Abel kêkôc bôc teñ anja nê bôc tau ñamêcgeñ, gêjac endu ma kêkêñ ñalêsi kêtü da. Ma Apômtau gêlic Abel to nê da ñajam.

5 Mago gêlic Kain to nê da atom. Tec Kain têtac ñandan kêsä to lañôanô kêbêlê.

6 Apômtau kêsôm gêdêñ Kain gebe “Aôm têmtac ñandan to lañômanô kêbêlê kêtü asageñña.

7 Biñ tau amboac tonec me masi gebe Aôm embe ôñgôm êndêñ, go ôsa lañômanô sa. Embe ôñgôm eso,

* **3:24:** Adam ñam gebe Ñamalac.

go sec êndib aôm ênêc katamdêmôê. Sec mata katu aôm, mago aôm ôku sec tulumaj.”

⁸ Go Kain kêsôm gêdêŋ lasi Abel gebe “Tana kôm.” Agêc sêo lasê kôm su, go Kainnê ŋalêlôm gêli sa ma gêjac lasi Abel êndu.

⁹ Go Apômtau kêsôm gêdêŋ Kain gebe “Lasim Abel gêmoa ondoc.” Eŋ kêsôm gebe “Aê gajam kauc. Aê katu lasicnê gejobwaga me.”

¹⁰ Ma Apômtau kêsôm gebe “Aôm gôgôm asagen. Lasimnê dec awa gêmôêc aŋga nom kêpi gêdêŋ aê gêmêŋ.

¹¹ Ma galoc aê japuc boa aôm aŋga nom, taŋ gêŋa awasun ma gênôm lasimnê dec aŋga aôm lêmam naŋ.

¹² Aôm embe ônam kôm, go êŋgamin ŋanô êndêŋ aôm. Matam kanôŋ ôsêlêŋ ôŋôŋgen ônac laoc gamêŋgen.”

¹³ Ma Kain kêsôm gêdêŋ Apômtau gebe “Ŋoc keso ŋagêjô kapôêŋ kêlêlêc ôlicwalô su.

¹⁴ Gôlicgac me, galoc aôm kôtiŋ aê su aŋga nom ma jasiŋ tauc ôkwi aŋga laŋômnêmŋa. Matoc kanôŋ jasêlêŋ ôŋôŋgen janac laoc gamêŋgen ma lau, taŋ têtap aê sa naŋ, sênac aê êndu.”

¹⁵ Mago Apômtau kêsôm gêdêŋ eŋ gebe “Amboac tonan atom. Teŋ embe ênac Kain êndu, naŋ êtap ŋagêjô êtôm dim 7ŋa sa.” Ma Apômtau kêkêŋ ŋabelo teŋ gêdêŋ Kain gebe ŋac teŋ embe êtap eŋ sa, naŋ ênac eŋ êndu atom.

¹⁶ Amboac tonan Kain kêtaiŋ tau su aŋga Apômtau laŋônêmŋa gêmoa gamêŋ Nod, taŋ gêc Eden ŋagamêŋ oc kêpiŋa naŋ.

Kainnê wakuc

¹⁷ Kain gêmôa gêwiņ nê awê e taê ma kêkôc Enok. Ma Kain kêkwê malac teņ sa ma eņ gê latu Enoknê ñaê kêpi malac tau.

¹⁸ Enok latu Irad, Irad kêka Mehujael lasê, Mehujael kêka Metusael lasê ma Metusael kêka Lamek lasê.

¹⁹ Ma Lamek gêjam awê luagêc, teņ nê ñaê gebe Ada ma teņ nê ñaê gebe Sila.

²⁰ Ada kêkôc Jabal. Eņ kêtû lau, taņ sêngôn beco bo to sêmoa sêwiņ nêņ bôc naņ, nêņ mimi.

²¹ Lasi ñaê gebe Jubal. Eņ kêtû lau, taņ sêjac gêņ wêña to lau-sêju-gasucwaga nêņ mimi.

²² Ma Sila kêkôc gôlôac amboac tonañ, ênê ñaê gebe Tubal-Kain. Eņ kêtû lau-sêpac-kiwaga, taņ sêmasañ gêņ ña ki kokoc to jejec naņ, nêņ mimi. Tubal-Kain luo Nama.

²³ Ma Lamek kêsôm gêdêņ nê awê luagêc gebe “Ada agêc Sila, aņô aê aoc.

Lameknê awêlagêc, akêņ taņem ñoc biņ.

Biņñanô, aê gajac ñac teņ êndu gêjô ñoc kamoc ma ñapalê teņ gêjô ñoc sêmmala.

²⁴ Teņ embe ênac Kain êndu, oc sêkêņ ñagêjô êtôm dim 7ña.

Mago teņ embe ênac aê, Lamek, nec êndu, oc sêkêņ ñagêjô êtôm dim 77ña.”

Setnê wakuc

²⁵ Ma Adam gêmôa gêwiņ nê awê kêtiam ma eņ kêkôc latu teņ, taņ kêsam eņ gebe Set, ñam gebe “Anôtô kêkêņ latuc teņ gêdêņ aê gêjô Abel, taņ Kain gêjac eņ êndu naņ su.”

26 Ma Set kêka latu tej lasê ma gê enj gebe Enos. Gêdêḅ têm tonanḅ lau awenḅ gêḅjac Apômtau kêtu ḅamata. * †

5

Namalac ḅamataḅa nêḅ dênanḅ

1 Adamnê wakucnêḅ ḅadênanḅ tau tonec. Gêdêḅ taḅ Anôtô kêkêḅ Adam nanḅ, kêkêḅ enj kêtôm enj tau.

2 Enj kêkêḅ êsêagêc ḅac to awê ma gêḅjam mec êsêagêc. Ma gêdêḅ enj kêkêḅ êsêagêc nanḅ kêsam êsêagêc gebe “ḅamalac.”

3 Gêdêḅ taḅ Adamnê jala kêtu 130 nanḅ, kêka latu tej lasê kêtôm enj ma kêtôm enj tau katu ma gê ênê ḅaê gebe Set.

4 Ma Adam kêka Set lasê su acgom, go gêmoa nom jala 800 gêwiḅ ma kêka latuio to ḅac ḅagêdô lasê.

5 Adamnê jala kêtu 930, go gêmac êndu.

6 Gêdêḅ taḅ Setnê jala kêtu 105 nanḅ, kêka latu Enos lasê.

7 Enj kêka Enos lasê su acgom, go gêmoa nom jala 807 gêwiḅ ma kêka latuio to ḅac ḅagêdô lasê.

8 Amboac tonanḅ Setnê jala kêtu 912, go gêmac êndu.

9 Gêdêḅ taḅ Enosnê jala kêtu 90 nanḅ, kêka Kenan lasê.

10 Enj kêka Kenan lasê su acgom, go gêmoa nom jala 815 gêwiḅ ma kêka latuio to ḅac ḅagêdô lasê.

11 Amboac tonanḅ Enosnê jala kêtu 905, go gêmac êndu.

12 Gêdêḅ taḅ Kenannê jala kêtu 70 nanḅ, kêka Mahalalel lasê.

* **4:26:** Ewa ḅam gebe Gêḅ materḅ jali samob ḅamôkê. † **4:26:** Kerub têtû Anôtônê anjela tonḅ tej.

¹³ En kêka Mahalalel lasê su acgom, go gêmoa nom jala 840 gêwiņ ma kêka latuio to ņac ņagêdô lasê.

¹⁴ Amboac tonaj Kenannê jala kêtú 910, go gêmac êndu.

¹⁵ Gêdêņ taņ Mahalalelnê jala kêtú 65 naņ, kêka Jared lasê.

¹⁶ En kêka Jared lasê su acgom, go gêmoa nom jala 830 gêwiņ ma kêka latuio to ņac ņagêdô lasê.

¹⁷ Amboac tonaj Mahalalelnê jala kêtú 895, go gêmac êndu.

¹⁸ Gêdêņ taņ Jarednê jala kêtú 162 naņ, kêka Enok lasê.

¹⁹ Jared kêka Enok lasê su acgom, go gêmoa nom jala 800 gêwiņ ma kêka latuio to ņac ņagêdô lasê.

²⁰ Amboac tonaj Jarednê jala kêtú 962, go gêmac êndu.

²¹ Gêdêņ taņ Enoknê jala kêtú 65 naņ, kêka Metusala lasê.

²² Enok kêsa nê lêņ to Anôtôgeņ ma kêka Metusala lasê su acgom, go gêmoa nom jala 300 gêwiņ ma kêka latuio to ņac ņagêdô lasê.

²³ Amboac tonaj Enoknê jala kêtú 365.

²⁴ Enok kêsa nê lêņ to Anôtôgeņ e laņômê gebe Anôtô kêkôc eņ su.

²⁵ Gêdêņ taņ Metusalanê jala kêtú 187 naņ, kêka Lamek lasê.

²⁶ Metusala kêka Lamek lasê su acgom, go gêmoa nom jala 782 gêwiņ ma kêka latuio to ņac ņagêdô lasê.

²⁷ Amboac tonaj Metusalanê jala kêtú 969, go gêmac êndu.

²⁸ Gêdêḅ taḅ Lameknê jala kêtû 182 naḅ, kêka latu teḅ lasê.

²⁹ Eḅ gê ênê ḅaê gebe Noa ma kêsôm gebe “ḅac tonec ênam aêac kêsi aḅga nêḅ koleḅ to gêḅwapac, taḅ kêtap aêac lemeḅ sa kêtû kôm, taḅ Apômtau kêpuc boa naḅḅa.”

³⁰ Lamek kêka Noa lasê su acgom, go gêmôa nom jala 595 gêwiḅ ma kêka latuio to ḅac ḅagêdô lasê.

³¹ Amboac tonanḅ Lameknê jala kêtû 777, go gêmac êndu.

³² Gêdêḅ taḅ Noanê jala kêtû 500 naḅ, kêka Sem agêc Ham ma Japet lasê.

6

ḅamalacnêḅ sec gêḅjam sêga

¹ Gêdêḅ taḅ ḅamalac sêḅjac m gebe têtû taêsam aḅga nom naḅ, sêka latuḅio lasê,

² ma lau undambêḅa sêlic ḅamalac latuḅio gebe ḅajam, tec sêḅjalij nêḅ lauo sa aḅga êsêacnêḅ ma sêḅjam.

³ Go Apômtau kêsôm gebe “Aêḅoc ḅalau êmôa êwiḅ ḅamalac endenḅ tôḅgeḅ atom gebe eḅ toôli nomḅa tec ênê jala êtôm 120geḅ.”

⁴ Gêdêḅ têm, taḅ lau undambêḅa sêḅjam ḅamalac latuḅio e êsêac sêkôc ḅapalê naḅ, lau waso-waso kainḅ teḅ sêmôa nom. Ma gêdêḅ têm, taḅ kêdaguc naḅ, amboac tonanḅgeḅ. Lau ḅaclai towae têm andanḅgeḅanônḅa tau tonec.

⁵ Apômtau gêlic gebe ḅamalacnêḅ sec gêḅjam sêga aḅga nom ma êsêac sêlao kêtû biḅ secḅa ḅapanḅ.

⁶ Ma Apômtau geḅ oliḅ gebe kêkêḅ ḅamalac sêmôa nom wagenḅ e nê ḅalêlôm ḅawapacgosu.

7 Tec Apômtau kêsôm gebe “Aê gabe jansen ñamalac, tañ kakêñ nañ, su ança nom, ñamalac to bôc ma gêñ, tañ sêgalabgen nañ, to moc umbon ñalabuña gebe aêñoc ñalêlôm ñawapac kêtú gaim tauc su ñaômagen kêtú êsêacña.”

8 Mago Noa gêjac Apômtau mataanô ñajam.

Noa gêsô wañ

9 Noanê miñ tau tonec gebe Noa eñ ñac gêdêñ, biñ teñ kêtap eñ sa ança nê lau ñalêlôm atom. Eñ kêsa nê lêñ toAnôtôgen.

10 Ma Noa kêka ñapanj têlêac lasê, Sem agêc Ham ma Japet.

11 Mago Anôtô gêlic nom kêtú sec sugac ma biñ alôb-alôb gêjam nom auc.

12 Ma Anôtô kêtuc kêniñ nom ma gêlic gebe sec gêjam aucgen gebe gêñ maten jali samob ança nom sêsa lêñ secgen.

13 Ma Anôtô kêsôm gêdêñ Noa gebe “Aê taêc gêjam kêtú tôn gebe janac gêñ maten jali samob nêñ lêñ pep tagen gebe ñamalacnêñ biñ alôb-alôb gêjam nom samucgen auc. Kêtú tonanña aê gabe jansen êsêac tonomgen su sênaña.

14 Ônsô wañ kapôêñ teñ ña ka balan. Ômansañ tobalêm-tobalêm ma openj sip ança dêmôêña to lêlômña.

15 Ônsô wañ tau amboac tonec gebe ñalêsinj baliñ amboac saka 60, takôcña amboac saka 10 ma ñaô amboac saka 6.

16 Ômansañ wañ tau ñasalôm ma katam kapôêñ ênêc lêsinña. Ôwa ñalêlôm êkôc êna denj têlêac, denj ñalabuña to denj êtu luagêcña ma denj êtu têlêacña.

17 Gôlicgac me, galoc aê jakêñ bu êsuñ ñatêna êpoac nom gebe jansen gêñ maten jali samob, tañ sêwê kain awajaô mata jali ança umbon ñalabu nan, su sênaña, gêñ nomña samob sêmac êndu.

18 Mago aê gabe jamoatin ñoc poac êndêñ aôm. Amboac tonan ôsô wan ñalêlôm ôna, aôm taôm to latômi ma nêma awê to lawamio wakuc sêwiñ aôm.

19 Ma bôc samob to gêñ maten jali tokain-tokain nan, ôkêñ luagêc-luagêc sêsô wan sêna gebe sêmoa maten jali sêwiñ aôm, ôkêñ kapoac ten ma têna ten.

20 Moc tokain-tokain ma gêñ, tañ sêgalabgen nan, tokain-tokain ñaluagêc-luagêc sêsô wan sêna sêwiñ aôm gebe sêmoa maten jali.

21 Ma aôm ônac gêñ taniñña tokain-tokain sa, gebe êpuc aôm to êsêac samob têtñ.”

22 Ma Noa gêgôm gêñ samob. En gêgôm kêtôm Anôtô kêjatu en nan solopgen. * gebe “Ênam sa,” ma

7

Bu kêsun ñatêna

1 Go Apômtau kêsôm gêdêñ Noa gebe “Ôsô wan ôna, aôm to nêma gôlôac samob gebe aê galic aôm amboac ñac gêdêñ gômoa aê lanôcnêm ança lau tonan ñalêlôm.

2 Ôkôc bôc 7-7 ança bôc selec samob nêñ, kapoac to têna. Mago ôkôc bôc luagêc-luagêc ança bôc, tañ selec atom nan, kapoac ten ma têna ten.

3 Moc umbon ñalabuña amboac tonan. Ôkôc 7-7 êtômgen, kapoac to têna gebe sênac ñawê têtñ ança nom.

* 6:22: Noa ñam gêc awê samucgen atom. Lau ñagêdô sêwa sa

⁴ Gebe bêc 7 ênaŋa acgom, go jakêŋ kom ênac êtôm eleyenja 40 to êmbêcauc 40 ma gabe jansenj gêŋ matenj jali samob, taŋ kakêŋ naŋ, su aŋga nom.”

⁵ Ma Noa gêgôm gêŋ samob ŋanô kêsa kêtôm Apômtau kêjatu eŋ.

⁶ Noanê jala kêtû 600, go bu kêsuŋ ŋatêna kêtap nom sa.

⁷ Ma Noa to latui ma nê awê to lawaio wakuc sêsô waŋ sêja gebe sêc bu su.

⁸ Bôc selec to bôc selec atom ma moc to gêŋ, taŋ sêgalabgenj naŋ, aŋga nom samob,

⁹ kapoac teŋ to têna teŋ sêsô waŋ sêwiŋ Noa kêtôm Anôtô kêjatu naŋ.

¹⁰ Bêc 7 gêjaŋa, go bu kêsuŋ ŋatêna kêtap nom sa.

¹¹ Gêdêŋ taŋ Noanê jala kêtû 600 naajôn luagêc ma ŋabêc 17 naŋ, bumata nom ŋalêlômŋa samob kêpulu kêpi ma katam umbonŋa gêlêc su

¹² ma kom kêsêwa kêsêp nom gelenja 40 to gêbêcauc 40.

¹³ Gêdêŋ bêc tonaj Noa to latui Sem agêc Ham ma Japet ma nê awê to lawaio wakuc têlêac sêwiŋ êsêac sêsô waŋ sêja.

¹⁴ Êsêac ma bôc salenja tokaiŋ-tokaiŋ to bôc malacŋa tokaiŋ-tokaiŋ ma gêŋ, taŋ sêgalabgenj aŋga nom samob tokaiŋ-tokaiŋ to moc tokaiŋ-tokaiŋ, moc to gêŋ tomagê samob,

¹⁵ gêŋ samob tonaj ŋai sêsô waŋ sêwiŋ Noa, gêŋ matenj jaliŋa luagêc-luagêc.

¹⁶ Gêŋ matenj jaliŋa samob, kapoac teŋ to têna teŋ sêsô waŋ kêtôm Anôtô kêjatu eŋ. Ma Apômtau kêlai eŋ auc.

¹⁷ Bu kêsuŋ ŋatêna kêpoac nom gê tønjenj kêtôm bêc 40 ma bu kêsuŋ kapôêŋ ma kêsuŋ waŋ sa

kêpigen jakêpoac.

¹⁸ Ma bu kêsun kêpi-kêpi e gêjam sêga ança nom ma wanj kêpoac bu ñaô.

¹⁹ Bu kêsun ñatêna e gênôm lôc baliñ, tañ kékô umbonj ñalabu nanj auc samucgenj.

²⁰ Bu tañ gênôm lôc ñatêpôê auc nanj e amboac saka samuc têtêac.

²¹ Tec gêñ matenj jali, tañ sêmoa nom nanj, samob sêjaña, moc ma bôc malacña to bôc saleñña ma gêñ samob, tañ sêgalab to sêlêgenj sêjam nom auc nanj, ma ñamalac amboac tonanjenj.

²² Gêñ samob, tañ sêsê awenj sêmoa masanjenj nanj, sêmac êndu.

²³ Amboac tonanjenj gesenj gêñ matenj jali, tañ sêmoa nom nanj su samob, ñamalac to bôc ma gêñ, tañ sêgalab to sêlêgenj nanj to moc ança umbonj ñalabu samobgenj sêjaña ança nom. Noa taugenj gêmoa to êsêac, tañ sêwiñ enj sêmoa wanj ñalêlôm.

²⁴ Ma bu kêsun ñatêna kêpoac nom kêtôm bêc 150.

* luagêc. Tonj tenj tec sêsam gebe Bôc selec, ma tenj sesam gebe Bôc ñatêmui. Bôc selec nêñ ñagêdô gebe domba to bulimakao. Bôc tonanjenj êsêac sêkêñ têtû da, ma bôc selec tonanjenj êsêac senj kêtû nêñ gwada. Bôc ñatêmui amboac bôc susu êsêac sên atom ma sêkêñ têtû da atom.

8

Bu kêtaiñ su

¹ Ma Anôtô taê gêjam Noa ma bôc saleñña to malacña, tañ sêmoa sêwiñ enj sêmoa wanj ñalêlôm

* **7:24:** Lau Israel sêwa bôc toê-toê samob kêtôm gêja tonj

nañ. Ma Anôtô kêkêñ mu kêsêlêñ aña nom ma bu tau kêtain su.

² Ma bumata nom ñalêlômña to katam umbonña ñajaña kêsá. Kom gêjac kêtiam atom

³ ma bu kêtain su aña nom. Bu kêpoac bêc 150, go kêtain su

⁴ ma gêdêñ ajônê kêtú 7ña ñabêc 17 wañ jagêlôc lôc Ararat.

⁵ Bu kêtain-kêtain e gêdêñ ajônê kêtú 10ña. Gêdêñ ajônê tonañ ñabêc ñamataña lôc ñagêdô ñatêpôê mênkêpi.

⁶ Bêc 40 gêjaña, go Noa gêlêc wañ ñakatam saun, tañ eñ kêmasañ nañ, su

⁷ ma kêkêñ aoco teñ gêlôb kêsá gêja. Moc tonañ gêlôb gêja-gêmu, gêja-gêmu e bu kêpa aña nom.

⁸ Ma Noa kêsâê e bêc 7, go kêkêñ balôsi teñ gêlôb kêsá gêja gebe êlic bu oc kêtain su aña nom me masi.

⁹ Mago balôsi kêtap ñamala êlêwan taunã teñ sa atom, tec gêlôb gêmu gêdêñ eñ gêja kêtiam, gebe bu gacgeñ kêpoac gêjam nom samucgeñ auc. Tec eñ kêmetôc lêma kêsá jakêkôc moc kêsô wañ ñalêlôm gêja gêwin eñ.

¹⁰ Go kêsâê bêc 7 kêtiam, go kêkêñ balôsi tau gêlôb kêsá gêja kêtiam.

¹¹ Gêdêñ kêtulala moc gêmu gêdêñ eñ gêmên ma kesenêñ katêkwi ñalauñ matac teñ. Gêdêñ tonañ Noa kêjala gebe bu kêtain su aña nom.

¹² Eñ kêsâê bêc 7 kêtiam ma kêkêñ balôsi gêlôb kêsá gêja, mago gêmu gêdêñ eñ gêmên kêtiam atom.

¹³ Gêdêñ tañ Noanê jala kêtú 601 ñaajônê ñamataña ñabêc ñamataña nañ, bu kêpa aña nom. Tec Noa kêkac wañ ñasalôm su e gêlic nom ñakelen kêsá.

14 Gêdêñ ajôñ kêtù luagêcña ñabêc 27 nom ñakelen kêsá samucgen.

15 Go Anôtô kêsôm gêdêñ Noa gebe

16 “Ôwi wañ sinj ôsa ôna, amagêc nêñ awê ma latômi to lawamio wakuc sêwiñ aôm,

17 ma bôc samob, tañ sêwiñ aôm nañ, gêñ maten jaliña samob, moc to bôc ma gêñ, tañ sêgalabgen sêmoa nom nañ, samob, ôwi êsêac sinj sêwiñ aôm asa ana gebe seola nom auc ma sêsu ñalatu e têtù taêsam anja nom.”

18 Ma Noa gêwiñ nê latui to nê awê ma lawaio wakuc sêsa sêja

19 ma bôc saleñña to malacña samob, moc samob to gêñ, tañ sêgalabgen sêmoa nom nañ, samob tokaiñ-tokaiñ sêsa anja wañ sêja.

20 Ma Noa gêboa Apômtaunê altar tenj sa ma kêkôc bôc selec ñagêdô to moc selec ñagêdô ma kêkêñ kêtù daja gêsac altar ñaô.

21 Ma Apômtau gêñu ñamalu ñajam ma kêsôm gêdêñ tau gebe “Aê gabe japuc boa nom êtu ñamalacña êtiam atomanô gebe ñamalacnêñ geo ñapalêgenña tec gêc. Aê gabe jansenj gêñ maten jali êtiam amboac gagôm su nê atom.

22 Êtôm nom ñatêm samob sêsê ñawê ma sejon ñanô, malô to ñandan, ocêsa to komô, elenj to êmbêc êjô tau êjô tau.”

9

Anôtô kêmoatiñ poac gêdêñ Noa

1 Ma Anôtô gêjam mec Noa to nê latui ma kêsôm gêdêñ êsêac gebe “Aka gôlôac lasê e atu taêsam ma anam nom auc.

² Mago bôc nomŋa samob to moc umbon ŋalabuŋa samob ma gêŋ materŋ jali, taŋ sêgalabgenŋ sêmoa nom naŋ, samob to i samob, taŋ sêmoa gwêc naŋ, têtêc amac to materŋ golec êsa. Ma aê kakêŋ êsêac sêsêp amac lemem.

³ Gêŋ materŋ jaliŋa samob, taŋ sêmoa naŋ, têtê amacnêm gêŋ aniŋŋa. Aê kakêŋ gêŋ tolaunŋ gêdêŋ amac su, tec gêŋ ŋagêdô samob amboac tonanŋenŋ.

⁴ Tagerŋ aniŋ bôc ŋamêsôm tonê katugenŋ atom. Bôcnê katu tau gebe dec.

⁵ Êtu amac taôm nêm decŋa aê jaê binŋ ŋagêjôŋa tôŋ. Aê jaê binŋ ŋagêjôŋa tôŋ êpi bôc samob ma êpi ŋamalac. Aê jaê ŋamalacnêŋ katuŋ ŋabiŋ ŋagêjôŋa tôŋ êpi lau samob nêŋ lasitêwai amboac tonanŋenŋ.

⁶ Teŋ embe êkêc ŋamalacnêŋ dec siŋ, naŋ ŋamalac sêkêc ênê dec siŋ êjô, gebe Anôtô kêkêŋ ŋamalac kêtôm tau katu.

⁷ Amac tec aka gôlôac lasê to atu taêsam anam nom auc to atu nom ŋatau.”

⁸ Go Anôtô kêsôm gêdêŋ Noa to nê latui, taŋ sêwiŋ enŋ naŋ, gebe

⁹ “Alic acgom, aê tec jamoatiŋ poac êndêŋ amac to nêm wakuc, taŋ sêndanŋuc naŋ,

¹⁰ ma êndêŋ gêŋ materŋ jali samob, taŋ sêmoa sêwiŋ amac naŋ, êndêŋ moc to bôc malacŋa to saleŋŋa samob, taŋ sêmoa sêwiŋ amac naŋ, êndêŋ gêŋ samob, taŋ sêsa anŋa waŋ sêmêŋ naŋ.

¹¹ Aê gabe jamoatiŋ poac êndêŋ amac gebe Bu êsuŋ ŋatêna teŋ enseŋ gêŋ materŋ jali su êtiam atom-anô ma bu êsuŋ ŋatêna teŋ enseŋ nom su êtiam atom amboac tonanŋenŋ.”

¹² Ma Anôtô kêsôm gebe “Poac, taŋ jamoatiŋ

êndêñ amac to gêñ materñ jali, tañ sêmoa sêwiñ amac nañ, ñabelo tonec ênêc tengeñ ma tengeñ gebe

¹³ Jakêñ ñoc kasômbuc êkô tao ñasawa êtu poac, tañ kamoatiñ gêdêñ nom nañ, ñabelo.

¹⁴ Aê embe jakêñ tao êkô nom ñaô ma jalic kasômbuc ênsac tao ñaô,

¹⁵ go taêc ênam poac, tañ kamoatiñ gêdêñ amac to gêñ materñ jali samob nañ, ma bu êsa e êsuñ ñatêna ensey gêñ materñ jali samob su êtiam atom.

¹⁶ Kasômbuc embe ênsac tao ñaô, go jasala gêñ tau ma taêc ênam poac tengeñña, tañ kamoatiñ gêdêñ gêñ materñ jali samob, tañ sêmoa nom nañ.”

¹⁷ Ma Anôtô kêsôm gêdêñ Noa gebe “Poac, tañ kamoatiñ gêdêñ gêñ materñ jali samob, tañ sêmoa nom nañ, ñabelo tau tonec.”

¹⁸ Noa latui, tañ sêsa aña wañ sêmêñ nañ, nêñ ñaê tonec gebe Sem agêc Ham ma Japet. Kanaan tama Ham.

¹⁹ Noa latui têlêac tonañ. Ma êsêac têtú lau nom samucgeñña nêñ ñamôkê.

²⁰ Noa gêjam kôm kêpi nom kêtú ñamata. Eñ kêsê kôm wainña teñ.

²¹ Eñ gênôm wain e kêjanijñ eñ ma gêc nê becobo toôli ñaôma.

²² Ma Kanaan tama Ham gêlic tama ôli ñaôma ma kêsa jakêsôm binñ tau gêdêñ têwai.

²³ Go Sem agêc Japet sêkôc ñakwê teñ sêkêñ gêsac magiñm ma sêsêlêñ sênu taungeñ jasêsanñ tamenji ôli ñaôma auc. Agêc sêkac lanôñanô ôkwi sebe sêlic tamenji ôli ñaôma atom.

²⁴ Gêdêñ tañ wain ñañaclai gêbacnê ma Noa gêdi

sa nan, en gêñô biñ, tañ ñac saun gêgôm gêdêñ en nan,

²⁵ tec kêsôm gebe

“Aê japuc boa Kanaan,
en êtu lasitêwainêñ sakiñwaganêñ gêñôma.”

²⁶ En kêsôm ten gêwiñ gebe

“Apômtau, aêñoc Anôtô, ênam mec Sem
ma êngôm Kanaan êtu ênê gêñôma.”

²⁷ Anôtô êkêñ ñasawa êndêñ Japet
gebe êmoa êwiñ Sem anga né becobo.
Mago Kanaan êtu ênê gêñôma.”

²⁸ Bu kêsun ñatêna kêpa ma Noa gêmoa nom jala
350 gêwiñ.

²⁹ Noanê jala samob kêtú 950, go gêmac êndu.

10

Noanê wakuc nêñ dênan

¹ Lau tonec têtú Noa latui Sem agêc Ham ma Japet nêñ wakuc. Êsêac saka gôlôac lasê gêdêñ tañ bu kêsun ñatêna gêbacnê.

² Japet latui tonec Gomer, Magog, Madai, Jawan, Tubal, Mesek ma Tiras.

³ Gomer latui tonec Askenas, Ripat ma Togarma.

⁴ Jawan latui tonec Elisa, Tarsis, Kitim ma Dodanim.

⁵ Lau gwêcña sêsa anga lau tonan nêñ. Lau tonec têtú Japetnê wakuc têtôm nêñ gamêñ to awen gêdêñ-gêdêñgen ma têtôm nêñ gôlôac to gôlôacmôké gêdêñ-gêdêñgen.

⁶ Ham latui tonec Kus, Aiguptu, Put ma Kanaan.

⁷ Kus latui tonec Seba, Hawila, Sabta, Rama ma Sabteka. Rama latui tonec Seba agêc Dedan.

⁸ Kus kêka Nimrod lasê, tañ kêtü nom ñaapômtau toñaclai ñamataña.

⁹ Eñ kêtü ñac lêma gwadaña towae gêmöa Apômtau lañônêmña. Kêtü tonanña binðem lañgwa gêc gebe “Kêtôm Nimrod, tañ kêtü ñac lêma gwadaña towae gêmöa Apômtau lañônêmña.”

¹⁰ Eñ gêjac m nê göliñ kinña anña Babel to Erek ma Akad, tañ gêc gamêñ Sinar.

¹¹ Eñ gêwi gamêñ tonanñ siñ ma gêja Asuria ma kêkwê malac Niniwe to Rehobot-Ir ma Kala

¹² ma malac teñ gêc Niniwe to Kala ñasawa ñaê gebe Resen, tañ kêtü malac kapôêñ.

¹³ Aiguptu kêka Ludim, Anamim, Lehabim, Nap-tuhim,

¹⁴ Patrusim, Kasluhim, tañ kêtü Pilistinêñ mimi nan, ma Kaptorim lasê.

¹⁵ Kanaan kêka nê ñacsêga Sidon agêc lasi Het lasê.

¹⁶ Eñ kêtü lau gamêñ Jebus, Amor, Girgas,

¹⁷ Hib, Ark, Sin,

¹⁸ Arwad, Semar ma Hamatña tamenji. Kêtü ñamu gölôac, tañ sêsa anña Kanaannê nanñ sesewec.

¹⁹ Lau Kanaan nêñ gamêñ gêc Sidon gêmu kêsô gêdêñ Gerar ma Gasa to gêmu kêsô gêdêñ Sodom to Gomora ma Adma to Seboim e gêdêñ Lasa.

²⁰ Lau tonec têtü Hamnê wakuc têtôm nêñ gamêñ to awenñ gêdêñ-gêdêngeñ ma têtôm nêñ gölôac to gölôacmôkê gêdêñ-gêdêngeñ.

²¹ Japet têwa Sem, tañ kêtü Ebernê gölôac abenji nan, kêka gölôac lasê amboac tonanñgeñ.

²² Sem latui tonec Elam, Asur, Arpaksad, Lud ma Aram.

²³ Aram latui tonec Us, Hul, Geter ma Mas.

24 Arpaksad kêka Sela lasê, ma Sela kêka Eber lasê.

25 Eber kêka latui luagêc lasê, ηac tenj nê ηaê gebe Peleg, ηam gebe gêdêη ênê têm lau nomηa sêwa taunj kêkôc, agêc lasi Joktan.

26 Joktan kêka Almodad, Selep, Harsarmawet, Jera,

27 Hadoram, Usal, Dikla,

28 Obal, Abimael, Seba,

29 Opir, Hawila ma Jobab lasê. Lau samob tonec Joktan latui êsêac.

30 Êsêacnêη gamêη sêηgônηa gêc Mesa ma gêmu kêsô gêdêη Separ to gêdêη lôc dênaη, taη kêkô gamêη oc kêpiηa.

31 Lau tonec têtου Semnê wakuc têtôm nêη gamêη to awenj gêdêη-gêdêηgenj ma têtôm nêη gôlôac to gôlôacmôkê gêdêη-gêdêηgenj.

32 Noanê wakuc nêη gôlôac têtôm nêη ηam to gôlôacmôkê êsêac. Bu kêsuη ηatêna kêpa, tec êsêac têtου lau nomηa samob nêη ηamôkê.

11

Ŋamalac sêkwê andu baliη tenj

1 Lau nomηa samob sêsôm binj awenj tagenj to ηalô tagenj.

2 Gêdêη taη êsêac dêdi anηa gamêη oc kêpiηa naη, sêsêlêη e têtap gaboanj tenj sa gêc gamêη Sinar ma sêηgônη tonanj.

3 Ma êsêac sêoc taunj gebe “Ajôc, tamansaη nomku têkê-têkê ma tapac e ηajaηa êsa.” Ma êsêac sêkôc poc nomkuηa gêjô poc anô ma sêkôc kolda kêtου sêsap poc tônηa.

⁴ Go sêsôm gebe “Ajôc, takwê nêḡ malac teḡ sa to andu baliḡ teḡ e ḡatêpôê soso êpi undambê gebe tamboa nêḡ ḡaê sa, gebe têta aêac salinḡ-salinḡ tanam nom samuc auc atom.”

⁵ Go Apômtau kêsêp gêmêḡ gebe êlic malac to andu soso, taḡ ḡamalac latuḡi sêkwê sa naḡ.

⁶ Ma Apômtau kêsôm gebe “Kec, êsêac lau m tageḡ ma samob sêsôm awenḡ tageḡ. Ma kôm, taḡ sêjac m naḡ, oc sênac têku ma gêḡ samob, taḡ êsêac taêḡ ênam gebe sêḡḡômḡa naḡ, ḡateḡ oc êkêḡ wapac êsêac atom.

⁷ Ajôc, tasêp tana ma taḡgaluḡ êsêac awenḡ gebe sêḡô tauḡ nêḡ biḡ sapu.”

⁸ Ma Apômtau kêta êsêac salinḡ-salinḡ e jasêjam nom samucgeḡ auc ma êsêac sêpô kôm sêkwê malac saḡa siḡ.

⁹ Kêtu tonanḡa sê malac tau ḡaê gebe Babel, ḡam gebe Apômtau kêgaluḡ lau nomḡa samob awenḡ aḡa ônê ma kêta êsêac salinḡ-salinḡ e sêjam nom samucgeḡ auc.

Semnê wakuc

¹⁰ Semnê wakuc tau tonec. Bu kêsunḡ ḡatêna kêpa ma jala luagêc gêbacnê, go Semnê jala kêtú 100, ma kêka Arpaksad lasê.

¹¹ Arpaksad têna kêkôc eḡ su ma Sem gêmôa nom jala 500 gêwiḡ, go kêka latuio to ḡac ḡagêdô lasê.

¹² Arpaksadnê jala kêtú 35 ma kêka Sela lasê.

¹³ Sela têna kêkôc eḡ su ma Arpaksad gêmôa nom jala 403 gêwiḡ, go kêka latuio to ḡac ḡagêdô lasê.

¹⁴ Selanê jala kêtú 30 ma kêka Eber lasê.

¹⁵ Eber têna kêkôc eḡ su ma Sela gêmôa nom jala 403 gêwiḡ, go kêka latuio to ḡac ḡagêdô lasê.

¹⁶ Ebernê jala kêtú 34 ma kêka Peleg lasê.

17 Peleg têna kêkôc eñ su ma Eber gêmôa nom jala 430 gêwiñ, go kêka latuio to ñac ñagêdô lasê.

18 Pelegnê jala kêtú 30 ma kêka Reu lasê.

19 Reu têna kêkôc eñ su ma Peleg gêmôa nom jala 209 gêwiñ, go kêka latuio to ñac ñagêdô lasê.

20 Reunê jala kêtú 32 ma kêka Serug lasê.

21 Serug têna kêkôc eñ su ma Reu gêmôa nom jala 207 gêwiñ, go kêka latuio to ñac ñagêdô lasê.

22 Serugnê jala kêtú 30 ma kêka Nahor lasê.

23 Nahor têna kêkôc eñ su ma Serug gêmôa nom jala 200 gêwiñ, go kêka latuio to ñac ñagêdô lasê.

24 Nahornê jala kêtú 29 ma kêka Tara lasê.

25 Tara têna kêkôc eñ su ma Nahor gêmôa nom jala 119 gêwiñ, go kêka latuio to ñac ñagêdô lasê.

26 Taranê jala kêtú 70 ma kêka Abram agêc Nahor ma Haran lasê.

Taranê wakuc

27 Taranê wakuc tau tonec. Tara kêka Abram agêc Nahor ma Haran lasê. Ma Haran kêka Lot lasê.

28 Haran gêmác êndu gêmuj tama Tara aña nê malacmôkê Ur aña Kaldea.

29 Ma Abram agêc Nahor sêjam awê sa. Abramnê awênê ñaê gebe Sarai, Nahornê awênê ñaê gebe Milka, eñ Haran latuo, Haran, tañ kêka Milka agêc Iska lasê nañ.

30 Ma Sarai eñ awê kapoac, eñ kêkôc ñapalê ten atom.

31 Tara kêkôc latu Abram agêc dêbu Lot, nañ Haran latu ma lawao Sarai, latu Abram nê awê, ma êsêac sêwi Ur aña Kaldea siñ gebe sêna gamêñ Kanaan. Mago gêdêñ tañ êsêac sêô lasê Haran nañ sêngôn tônê.

32 Taranê jala kêtü 205 ma Tara gêmac êndu anğa Haran.

12

Anôtô kêkalem Abram

¹ Ma Apômtau kêsôm gêdêŋ Abram gebe “Ondec nêŋ gamêŋ to nêŋ lau sêmoa ma tamamnê andu êkôŋa ma ôna gamêŋ, naŋ aê gabe jatôc êndêŋ aôm.

² Aê gabe jaŋgôm aôm ôtu laum kapôêŋ ma gabe janam mec aôm ma jaŋgôm nêŋ ŋaê êtu kapôêŋ gebe ôtu moasiŋ ŋamôkê.

³ Aê gabe janam mec êsêac, taŋ sênam mec aôm ma êsêac, taŋ sêpuc boa aôm naŋ, aê gabe japuc boa. Gôlôac nomŋa samob têtap mec ŋamoasiŋ sa êtu aômŋa.”

⁴ Amboac tonan Abram gêdi kêtôm Apômtau kêjatu eŋ, ma Lot gêdi gêwiŋ eŋ. Gêdêŋ taŋ Abram gêwi Haran siŋ naŋ, nê jala kêtü 75.

⁵ Ma Abram kêkôc nê awê Sarai to lasinê latu Lot ma nêŋ waba samob, taŋ têtap sa naŋ, ma lau, taŋ têtü nêŋ sakiŋwaga anğa Haran naŋ, ma dêdi gebe sêsêlêŋ sêna gamêŋ Kanaan. Ma gêdêŋ taŋ sêô lasê gamêŋ Kanaan tau naŋ,

⁶ Abram kêsêlêŋ-kêsêlêŋ e jagêô lasê malac Sikem to kamem, taŋ kêkô More naŋ. Gêdêŋ têm tonan lau gamêŋ Kanaan ŋa sêŋgôŋ gamêŋ tau.

⁷ Go Apômtau geoc tau lasê gêdêŋ Abram ma kêsôm gebe “Aê gabe jakêŋ nom tonec êndêŋ nêŋ wakuc.” Tec eŋ gêboa altar teŋ sa gêdêŋ Apômtau, taŋ geoc tau lasê gêdêŋ eŋ naŋ.

⁸ Go eŋ gêdi kêpi lôc anğa Betel ŋagamêŋ oc kêpiŋa ma gê becobo kêkô Betel, taŋ gêc gamêŋ oc kêsêpŋa ma Ai, taŋ gêc gamêŋ oc kêpi ŋa naŋ ŋasawa. Ma

anğa tònê enj gêboa Apômtaunê altar tenj sa ma awa gêjac Apômtaunê ñaê.

⁹ Ma Abram gêdi kêsêlêñ lanjô gêlac Negebgenj gêja.

Abram gêmoa Aiguptu

¹⁰ Ma tóbôm kêsa gamêñ tonan. Tec Abram kêsêp Aiguptu gêja gebe êsêlêñ-êsêlêñ êmoa tònê gebe tóbôm kapôêñ gêc gamêñ tau.

¹¹ Gêdêñ tanj kêdabinj gebe êô lasê Aiguptu nan, enj kêsôm gêdêñ nê awê Sarai gebe “Aê kajala gebe aôm awê êjam.

¹² Lau Aiguptu embe sêlic aôm, go sêsôm gebe ‘Ênê awê tonec,’ go sênac aê êndu, ma oc sendec aôm ômoa.

¹³ Ôsôm gebe aêñoc luco aôm e sêlêwanj aê êtu aômña.”

¹⁴ Gêdêñ tanj Abram gêô lasê Aiguptu nan, Aiguptu waga sêlic awê tau gebe awê êjam.

¹⁵ Paraonê laumata sêlic enj ma sêlambin enj ñanô gêdêñ Parao. Ma sêkôc awê tau sêsô Paraonê andu sêja.

¹⁶ Ma kêtú enña Parao kêmoasinj Abram ma kêkêñ domba to bulimakao ma donjki kapoac ma sakinjwagao to ñac ma donjki têna to kamele gêdêñ enj.

¹⁷ Mago Apômtau gejon Parao to nê andu ña gêñwapac ñanôgenj kêtú Abramnê awê Saraiña.

¹⁸ Tec Parao kêkalem Abram ma kêsôm gebe “Aôm gôgôm aê amboac ondoc. Kêtú agenña kôsôm lasê gêdêñ aê gebe nêñ awê enj nec atom.

19 Kêtu agenña aôm kôsôm gebe ‘Aê luco en,’ tec kakôc en kêtû ñoc awê. Amboac tonan nêw awê tau tonec, ôkôc en ma ôêc ôna.”

20 Ma Parao kêjatu lau kêtû enña gebe sêsêlên sêwiñ êsêagêc nê awê to ênê waba samob.

13

Abram agêc Lot nêw bin

1 Ma Abram agêc nê awê tonên waba samob sêwi Aiguptu sin sêmu sêja Negeb. Ma Lot gêwiñ êsêac.

2 Abram kêtû ñac tolêlôm bôc ma silber to goldña.

3 Ma en kêsêlên-kêsêlên gêmoa Negeb e gêo lasê Betel e gêdên gamên, tañ gêmunjen gê becobo kêsêp, gêc Betel ma Ai ñasawa nan,

4 gêdên gamên, tañ gêboa altar sa. Go Abram awa gêjac Apômtaunê ñaé anga tônê. anga tônê.

5 Ma Lot, tañ gêwiñ Abram nan, nê domba to bulimakao sêmoa ma nê becobo sêkô amboac tonanjen.

6 Ma gamên kêtôm gebe êsêagêc lulugen sêngôn sêwiñ taunña atom, gebe êsêagêcnên waba to bôc taêsam ñanô gebe sêngôn sêwiñ taun tec kêtôm atom.

7 Ma Abramnê bôc ñagejobwaga to Lotnê bôc ñagejobwaga awensun gêoc ka tau. Gêdên têm tonan lau gamên Kanaan to Perisña sêngôn gamên tonan.

8 Go Abram kêsôm gêdên Lot gebe “Bin awensun êoc ka taunja ênêc aêagêc ñasawa to agêcnên gejobwaga ñasawa atom gebe aêagêc ñam tagen.

9 Gamên samuc tonec gôlic atom me. Ôsu taôm su anga aê. Embe ôkôc gamên gasêña, go aê jana

anôñaña. Embe ôkôc gamêñ anôña, go aê jana gasêñaña.”

10 Ma Lot gêôc mataanô sa ma gêlic bu Jordan ñagaboañ gebe nom ñalêsi ñajam kêtôm Apômtaunê kôm tau, kêtôm gamêñ Aiguptu e gêdêñ Soar. Gêdêñ tonañ Apômtau gesen Sodom to Gomora su atom tagen.

11 Tec Lot kêjaliñ bu Jordan ñagaboañ sa kêtû nê gamêñ ma Lot kêsêlêñ gêmu gêdêñ oc kêpiña gêja. Gêdêñ tonañ êsêagêc sêwa taun kêkôc.

12 Abram gêñgôn gamêñ Kanaan ma Lot gêñgôn malac gaboañña ñasawa ma gêjam bebec e gêdêñ Sodom.

13 Mago lau Sodomña lau secanô ma sêgôm gêñ alôb-alôb gêdêñ Apômtau.

14 Lot kêsû tau su anga Abramnê, go Apômtau kêsôm gêdêñ Abram gebe “Ôc matamanô sa ma ôlic gamêñ samob, tañ kêgi aôm auc nañ, gêmu kêpi go gêmu kêsêp ma gêmu kêsô to gêmu kêsaña

15 gebe gamêñ samob tonañ, tañ gôlic nañ, aê gabe jakêñ êndêñ aôm to nêw wakuc êtu amacnêw êndêñ tôngeñ.

16 Aê gabe jañgôm nêw wakuc têtû taêsam amboac gañac gwêcña. Lau embe têtôm gebe sêsa gañac gwêcña ñanamba sa, go têtôm gebe sêsa nêw wakucnêw namba sa amboac tonanげñ.

17 Ôndi ôsêlêñ e naôndêñ gamêñ ñamadiñ maken-makeñ, gebe aê gabe jakêñ êndêñ aôm.”

18 Tec Abram gêbuc nê bec sa ma jagêô lasê kamem anga Mamre, tañ kêkô Hebron ñagala nañ, ma gê nê bec, go gêboa Apômtaunê altar ten sa anga tônê.

14

Abram gêjam Lot sa

¹ Gêdêñ tañ Amrapel kêtú kiñ Sinarnja ma Ariok kêtú kiñ Elasarña ma Kedorlaomer kêtú kiñ Elamña ma Tidal kêtú kiñ Goiimña nañ,

² Êsêac sêjac siñ gêdêñ Bera, tañ kêtú kiñ Sodomña ma Birsá, tañ kêtú kiñ Gomoraña ma Sinab, tañ kêtú kiñ Admaña ma Semeber, tañ kêtú kiñ Seboimña ma gêdêñ kiñ Belaña (ñaê teñ gebe Soar).

³ Êsêac samob sêpi tagen sêsêlêñ sêwê Sidim ñagaboañ (ñaê teñ gebe Gwêc Naton).

⁴ Êsêac sêsô Kedorlaomer ñalabu to sêjam sakin en jala 12 ma jala kêtú 13ña êsêac sêkac tañ su.

⁵ Jala kêtú 14ña Kedorlaomer to kiñ, tañ sêwiñ en nañ, sêmêñ ma sêkônin Repaim anga Asterot-Karnaím to Susim anga Ham ma Emim anga Sawe-Kiriataim

⁶ to lau gamêñ Horna anga nêñ lôc Seir e gêdêñ El-Paran, tañ gêc kêsí gamêñ sawa nañ.

⁷ Go sêkac tañ ôkwi sêmu sêja En-Mispat (ñaê teñ gebe Kades) ma sêkônin lau Amalek nêñ gamêñ samob ma lau gamêñ Amorña, tañ sêñgôn Hasason-Tamar nañ, amboac tonanğen.

⁸ Go kiñ Sodomña to kiñ Gomoraña ma kiñ Admaña to kiñ Seboimña ma kiñ Belaña (ñaê teñ gebe Soar) sêja ma sêdênañ tañ anga gaboañ Sidimña gebe sênac siñ.

⁹ Sênac siñ êndêñ Kedorlaomer, tañ kêtú kiñ Elamña to Tidal, tañ kêtú kiñ Goiimña ma Amrapel, tañ kêtú kiñ Sinarnja to Ariok, tañ kêtú kiñ Elasarña. Kiñ aclê sêjac siñ gêdêñ kiñ lemeñ teñ.

10 Ma kolda ñagêsunu gêjam gaboan Sidimna auc. Ma gêdêñ tañ kin Sodom to Gomoraña sêc sin nan, nêñ ñagêdô sêu taun sêsêp gêsun tonan ma lau ñagêdô sêc sêpi lôc sêja.

11 Tec ñacjo sêjanjo Sodom to Gomora nêñ waba to nêñ gêñ taniñña samob su ma sêc sêmu sêja nêñ gamêñ.

12 Abramnê lasi latu Lot gêngôn Sodom, tec êsêac sêkôc en tonê waba amboac tonan ma sêc sêja. samob, tañ sêkôc su ma latu Lot to nê waba ma lauo to lau samob gemu gêja amboac tonanjen.

13 Ma ñac teñ kêsêp sin sawa jagêjac min gêdêñ ñac Ebolai Abram, tañ gêngôn ñac gamêñ Amorña Mamre nê kamem ñagala. Mamre lasiagêc Eskol agêc Aner. Lau tonan sêmoatin poac sêwin Abram gebe sênam taun sa.

14 Abram gêñô sêkôc latu tôn ñawae, go kêdênan nê sinwaga 318, tañ tenenji sêkôc êsêac têtú ênê sakinwaga nan, ma sêjanda êsêac e gêdêñ Dan.

15 Ma gêdêñ gêbêc en gêwa nê sinwaga kêkôc ma en to nê lau sêjac êsêac ma sêjanda êsêac e gêdêñ Hoba, tañ gêc Damaskus gêmu kêpiña nan.

16 En kêjanjo waba samob, tañ sêkôc su nan su ma latu Lot to nê waba ma lauo to lau samob gêmu gêja amboac tonanjen.

Melkisedek gêjam mec Abram

17 Abram kêku Kedorlaomer to kin, tañ sêwin en nan, tulu ma gêmu gêja. Go kin Sodomña kêpuc en tontôn anga gaboan Saweña (ñaê teñ gebe Kinê Gaboan).

18 Ma kin Salemna, Melkisedek, kékôc polom to wain gêja. Enj kêtû Lôlôc Natau Anôtô nê dabunwaga.

19 Ma enj gêjam mec enj to kêsôm gebe
“Lôlôc Natau Anôtô, tañ kékêñ undambê to nom
nañ,

ênam mec Abram.

20 Aweñ êôc Lôlôc Natau Anôtô,
tañ kékêñ nêñ nacjo sêsô aôm lêmam ñalabu.”
Ma Abram kékôc gêñ lemeñ lu-lemeñ lu ñatagen-
tagen sa kékêñ gêdêñ enj.

21 Ma kin Sodomna kêsôm gêdêñ Abram gebe” Ôkêñ
ñamalacgenj sêndêñ aê ma ôkôc waba êtu nêñ gêñ.”

22 Mago Abram kêsôm gêdêñ kin Sodomna gebe “Aê
katôc lemoc gêdêñ Lôlôc Natau Apômtau Anôtô, tañ
kékêñ undambê to nom nañ,

23 gebe jakôc aômnêm nia me lêkôñ me aômnêm gêñ
ñateñ atomanô. Moae aôm ôsôm gebe ‘Aê kakêñ
Abram kêtû ñac tolêlôm.’

24 Aê gabe jakôc gêñ teñ atom, mago gêñ tagen
tañ lau matac señ nañ to gêñ Aner agêc Eskol ma
Mamre, tañ sêwiñ aê nañ, sêwê kain, tec sêkôc nêñ
gêñmañ.” *

15

Anôtô kêmoañij poac gêdêñ Abram

1 sinj tonañ gêbacnê, go Abram katu gêlic Apômtau
ma awa gêjac enj gebe “Abram, ôtêc taôm atom. Aê
katu aômnêm lautuc. Moasinj kapôêñ êtap aôm sa.”

2 Mago Abram kêsôm gebe “O Apômtau Anôtô,
aôm gobe ôkêñ asagenj êndêñ aê. Aêñoc gôlôac

* 14:24: Melkisedek ñam gebe Binjgêdêñ ñakinj.

masianô ma Elieser anğa Damaskus êtu ɲac oc êwê kaiɲ aêɲoc gêɲlênsêm.”

³ Ma Abram kêsôm gebe “Ôlic acgom, aôm kôkêɲ gôlôac gêdêɲ aê atom ma gêɲôma ten, taɲ têna kêkôc en anğa ɲoc andu naɲ, oc êtu ɲac êwê kaiɲ aêɲoc gêɲlênsêm.”

⁴ Mago Apômtaunê biɲ gêdêɲ en gebe “ɲac tonec êwê kaiɲ nêm gêɲlênsêm atom, aôm latôm solop êtu ɲac êwê kaiɲ nêm gêɲlênsêm.”

⁵ Go gêwê en kêsâ awê gêja ma kêsôm gebe “Matam endec umbon ma embe ôtôm gebe ôsa utitalata sa, go ôsa samaɲ.” Go kêsôm gêdêɲ en gebe “Nêm wakuc oc têtôm tonan.”

⁶ Ma en kêkêɲ gêwiɲ Apômtau, tec gêlic en ɲac gêdêɲ.

⁷ Ma Apômtau kêsôm gêdêɲ en gebe “Aê Apômtau, taɲ kakôc aôm anğa Ur Kaldeanğa gebe jakêɲ gamêɲ tonec êndêɲ aôm ôwê kaiɲ.”

⁸ Mago Abram kêsôm gebe “O Apômtau Anôtô, aê jajala amboac ondoc gebe jawê kaiɲ gamêɲ tau.”

⁹ En kêsôm gêdêɲ en gebe “Ôkôc bulimakao têna ɲajala kêtû têtêac to noniɲ têna ɲajala kêtû têtêac ma domba kapoac ɲajala kêtû têtêac ma balôsi ten to monğôm ɲalatu ten, go ômôêɲ.”

¹⁰ Ma en kêkôc gêɲ samob tonan ma kêsêlê kêkôc gêja luagêc-luagêc ma kêdênanɲ maken-maken kêkanônɲ tau, mago moc, tec kêsêlê atom.

¹¹ Ma moc, taɲ sen gêɲ todec naɲ, sêpôp sêsêp sebe sêniɲ gwada, tec Abram gesoc.

¹² Oc jakêsêp ma Abram gêc bêc e kêliɲ tau siɲ ma nê ɲalêlôm ôluɲ-ôluɲenɲ to ɲakesec kêkôm en auc.

13 Go Apômtau kêsôm gêdêñ Abram gebe “Ôñô, ma ôjala êtu tøj gebe nêm wakuc oc têtù lau jaba anga gamêñ, tañ êsêac tañ sêwê kain atom nan, ma têtù gêñôma ma sêkônin êsêac êtôm jala 400.

14 Mago aê jamêtôc lau, tê sênam sakin êndêñ êsêac nê, go êsêac sêwi gamêñ tau sin towaba taêsam ñanô lasê.

15 Mago aôm taôm tec ôndêñ tamamî ôna to-binmalôgeñ ma nêm jala êtu taêsam acgom, go sênsuñ aôm.

16 Ma nêm gôlôac ñaton têtù aclêña oc sêmu sêmêñ gamêñ tonec êtiam, gebe lau gamêñ Amorna nêñ alôb-alôb gêjac pep atom tageñ.”

17 Oc jakêsêp ma gamêñ ñakesec kêsa, go ku to-jadauñ teñ ma dawen teñ gelom lasê gêmôa bôc tau ñasawa.

18 Gêdêñ bêc tonañ Apômtau kêmoatin poac gêdêñ Abram ma kêsôm gebe “Aê kakêñ gamêñ tonec gêdêñ nêm wakuc su anga bu Aiguptuña e gêdêñ bu kapôêñ Euprat,

19 gamêñ tañ lau Ken to Kenis ma Kadmon

20 to Het ma Peris to Repaim

21 ma Amor to Kanaan ma Girgas to Jebus sêwê kain.”

16

Hagar agêc Ismael

1 Ma Abramnê awê Sarai kêkôc ñapalê teñ atom. Ma ênê sakinwagao Aiguptuña teñ gêmôa, nê ñaê gebe Hagar.

2 Ma Sarai kêsôm gêdêñ Abram gebe “Aôm gôlicgac gebe Apômtau kêgamin ñapalê gêdêñ aê

gebe jakôc atom. Tec naômoa ôwiñ sakiñwagao, moae jatap ñoc ñapalê sa anğa ênê.” Ma Abram kêkêñ taña Sarai awa.

³ Abram gêmôa Kanaan jala 10 su, go Sarai kêkôc nê sakiñwagao Aiguptuña Hagar ma kêkêñ gêdêñ nê akwen Abram gebe ênam êtu ênê awê.

⁴ Ma en gêmôa gêwiñ Hagar e kêkêkam ñapalê. Gêdêñ tañ en kêsaê tau gebe taê nan, gêlic nê ñatauo ña matapanagen.

⁵ Ma Sarai kêsôm gêdêñ Abram gebe “Keso tec sêgôm gêdêñ aêma nec êpi aôm. Aê tauc kakêñ ñoc sakiñwagao kêsêp aôm lêmam. Ma galoc kêsaê tau gebe taê, tec gêlic aê ña matapanagen. Apômtau êmêtôc aêagêcnêñ bin ñasawaña.”

⁶ Mago Abram kêsôm gêdêñ Sarai gebe “Ôlic acgom, nê sakiñwagao kêtú aômnêm gêngac. Ôngôm gêñ, tañ taêm ênam nan, êndêñ en.” Ma Sarai kêkônin en, tec gêbôm gêja.

⁷ Apômtaunê anjela kêtap en sa gêngôn bumata, tañ kêpoac gamêñ sawa nan, bumata tau kêpoac intêna Surña.

⁸ Ma en kêsôm gebe “Sarainê sakiñwagao Hagar, aôm gômôên anğa ondoc ma gobe ôna ondoc.” En gêjô en awa gebe “Aê gabôm anğa ñoc ñataunê tec gamêñ.”

⁹ Go Apômtaunê anjela kêsôm gêdêñ en gebe “Ômu ôndêñ nê ñatauo ôna êtiam naôsô en ñalabu.”

¹⁰ Apômtaunê anjela kêsôm gêdêñ en gêwiñ gebe “Aê gabe jañgôm nê wacuc têtú taêsam e sêsa êsêac sa naeo.”

¹¹ Ma Apômtaunê anjela kêsôm gêdêñ en gebe “Aôm taêm ma ôkôc ñapalê ñac. Ôê ênê ñaê gebe

Ismael gebe Apômtau kékêñ taña nêrn gêñwapac.

¹² Enj êtu ñac tenj, tañ êtôm bôclai tenj ma enj lêma ejoñ lau samob ma lau samob lemenj ejoñ enj. Enj oc êngônj êwiñ tawañ atom.”

¹³ Hagar kêtú kênac tau gebe “Amboac ondoc, aê galic Anôtô, tañ gêlic aê nañ, biññanô anja tonec me masi.” Tec kêsam Apômtaunê ñaê gebe “Aôm Anôtô tomatamanô kainj tenj.”

¹⁴ Kêtú tonañña lau sêsam bumata tonañ gebe Ber-Lahai-Roi. Bumata tau kêpoac Kades to Bered ñasawa.

¹⁵ Ma Hagar kékôc Abramnê latu tenj ma Abram gê latu, tañ Hagar kékôc nañ, nê ñaê gebe Ismael.

¹⁶ Gêdêñ tañ Hagar kékôc Ismael nañ, Abramnê jala kêtú 86. * nañ.”

17

Anôtônê poac ñabelo

¹ Gêdêñ tañ Abramnê jala kêtú 99 nañ, Apômtau geoc tau lasê gêdêñ enj ma kêsôm gêdêñ enj gebe “Ñajaña ñatau Anôtô aê, ôsa ñoc lêñ ômansañ taôm ñapep.

² Ma aê gabe jamoatiñ poac tenj êndêñ aôm ma gabe jakêñ aôm nêrn wakuc têtú taêsam ñasec.”

³ Go Abram gêú tau lanñanô jagêdêñ nom ma Anôtô kêsôm gêdêñ enj gebe

⁴ “Gôlicgac, ñoc poac tau tonec gebe jakêñ aôm ôtu gôlôacmôkê taêsam tamenji.

⁵ Sêsam aôm nêrn ñaê Abram êtiam atom, sêsam aôm gebe Abraham gebe aê kakêñ aôm kôtu gôlôacmôkê taêsam tamenji.

* **16:16:** Ber-Lahai-Roi ñam gebe “Ñac mata jali, tañ gêlic aê

⁶ Aê gabe jakêḡ aômnêm wakuc têtû taêsam ḡasec ma nêm wakuc têtû gôlôacmôkê taêsam ma kiḡ sêsa aḡga aômnêm.

⁷ Aê jamoatiḡ poac êndêḡ aôm to nêm wakuc, taḡ sêndaḡguc aôm naḡ, nêḡ gôlôac to gôlôac ma poac tau ênêc teḡgeḡ ma teḡgeḡ gebe aê jatu amac to nêm wakuc, taḡ sêndaḡguc aôm naḡ, nêm Anôtô.

⁸ Ma aê jakêḡ gamêḡ Kanaan, taḡ aôm gômoa amboac ḡac jaba naḡ, samucgeḡ êndêḡ aôm to nêm wakuc, taḡ sêndaḡguc aôm naḡ, gebe êtu amacnêm endeḡ tôḡgeḡ ma aê jatu êsêacnêḡ Anôtô.”

⁹ Ma Anôtô kêsôm gêdêḡ Abraham gebe “Aôm to nêm wakuc, taḡ sêndaḡguc aôm naḡ, ma êsêacnêḡ gôlôac to gôlôac ajop ḡoc poac.

¹⁰ Aêḡoc poac tau tonec gebe sêsa ḡapalê ḡac samob. Biḡ tonaiḡ kamoatiḡ gêdêḡ aôm to nêm wakuc, taḡ sêndaḡguc aôm naḡ, gebe ajopḡa.

¹¹ Sêsa amacnêm utimôlic. Poac, taḡ kamoatiḡ gêdêḡ aôm naḡ, ḡabelo tau tonaiḡ.

¹² ḡapalê ḡac teḡ aḡga aômnêm, taḡ nê bêc êtu 8 naḡ, sêsa eḡ êtôm nêm gôlôacmôkêgeḡ. Lau, taḡ teneḡi sêkôc aḡga taôm nêm andu me ajam ôli ḡa mone aḡga lau jaba nêḡ, taḡ sêsa aḡga aômnêm ḡawê atom naḡ,

¹³ sêsa êsêagêc lulugeḡ, ḡac taḡ têna kêkôc eḡ aḡga taôm nêm andu naḡ, to ḡac, taḡ gôjam ôli ḡa mone naḡ. Tec ḡoc poac ênêc amac ôlim êtu poac teḡgeḡḡa.

¹⁴ Mago ḡac samuc teḡ, taḡ sêsa utiôlic atom naḡ, senseḡ eḡ su aḡga ênê launêḡ gebe eḡ gêgôm ḡoc poac pococ.”

¹⁵ Ma Anôtô kêsôm gêdêḡ Abraham gebe

“Aômnmê awê Sarai, nanj ôsam enj gebe Sarai êtiam atom, ênê njaê gebe Sara.

16 Aê gabe janam mec enj e aôm ôtap latôm sa anja ênê êwiņ. Aê gabe janam mec enj e enj êtu gôlôacmôkê tenenji ma lau to-m-to-m nêņ kinj sêsa anja ênêņa.”

17 Ma Abraham gêu tau lanjôanô jagêdêņ nom ma kêômac ma taê gêjam gêc taunja gebe “Aê njamalacanô, tanj njoç jala kêtû 100 sugac nanj, oc jaka njanalê lasê me. Ma Sara, tanj nê jala kêtû 90 nanj, êkôc gôlôac me.”

18 Ma Abraham kêsôm gêdêņ Anôtô gebe “Ojae, Ismael êsa nê lêņ êmoa aôm lanjômnêmņamaņ.”

19 Mago Anôtô kêsôm gebe “Masi, nênm awê Sara oc êkôc nênm latôm tenj. Ôê ênê njaê gebe Isak. Ma aê gabe jamoatiņ njoç poac êndêņ enj êtu poac ênêc tenjenja êndêņ ênê wakuc, tanj sêndanjuc enj nanj.

20 Ismaelnê biņ, tec ganjô sugac. Gôlicgac me, aê janam mec enj ma jakêņ gôlôac to gôlôac êndêņ enj e têtû taêsam njanô. Enj êka kasêga 12 lasê ma aê gabe jakêņ enj êtu laum kapôêņ.

21 Mago njoç poac, tec gabe jamoatiņ êndêņ Isakgenj. Sara êkôc enj êndêņ jala ônê natêm amboac tonec.”

22 Anôtô kêsôm biņ gêdêņ Abraham su, go gêwi enj siņ ma gêc kêpi gêja.

23 Go Abraham kêkôc latu Ismael to nê gêņôma samob, tanj tenenji sêkôc êsêac anja ênê andu ma êsêac samob, tanj gêjam ôli nja mone nanj. Enj kêkôc njaçwaga samob, tanj sêmoa sêwiņ enj anja nê andu ma kêsa nêņ utiņôlic gêdêņ bêc tônêņenj kêtôm Anôtô kêjatu enj.

24 Abrahamnê jala kêtû 99 ma sêsa eņ.

25 Latu Ismael nê jala kêtû 13 tec sêsa eņ.

26 Gêdêņ bêc tônêgeņ êsêac sêsa Abraham agêc latu Ismael,

27 ma ñacwaga samob, taņ sêmoa ênê andu, lau, taņ teneni sêkôc êsêac aņga andu tau to êsêac, taņ eņ gêjam ôli ña mone aņga lau jaba nêņ naņ, sêsa êsêac sêwiņ eņ. *

18

Anôtô gêjac mata Isak

1 Ma Apômtau gêoc tau lasê gêdêņ Abraham aņga kamem Mamreņa. Abraham gêņgôn becoo ñasacgêdô gêdêņ oc kêkô ñaluņ.

2 Eņ gêoc mataanô sa e gêlic lau têlêac sêkô eņ laņônêmņa. Eņ gêlic êsêac ma kêlêti aņga becoo ñasacgêdô gêdêņ êsêac gêja. Eņ gewec gêdêņ êsêac

3 ma kêsôm gebe “Ñoc apômtau, embe ôlic aê ñajam, go ôc lêlêc nêm sakiņwaga atom.

4 Êsêac sêkôc bu sêmêņ gebe akwasin emkain êsêpņa, go alêwan taôm aņgôn ajuņtêna,

5 go aê jakôc gêņ ñagec mênaniņ tekwem êsa. Aniņ su acgom, go asêlêņ nêm lêņ êtiam gebe mênâo lasê nêm sakiņwaga sugac.” Ma êsêac sêsôm gebe “Ôņgôm amboac kôsôm.”

6 Ma Abraham kêlêti kêsô becoo ñalêlôm gêdêņ Sara gêja ma kêsôm gebe “Ôkôc polom laclu têlêac ôņgamuc ma ôpac ñagaôgeņ.”

7 Ma Abraham kêlêti gêdêņ bulimakao gêja, kêkôc bulimakao ñalatu ñajam toņalêsi teņ ma

* 17:27: Isak ñam gebe Eņ kêômac.

kêkêñ gêdêñ sakinwaga, tañ kêkacgen gebe eno matajajagen.

⁸ Go kêkôc su gêjac anô to su ñakana ñajam ma bulimakao, tañ en kêmasañ nan, ma kêkêñ gêdêñ êsêac. Êsêac sen gen ma en tau gêjam sakin êsêac gêmoa ajuntêna.

⁹ Go êsêac sêsôm gêdêñ en gebe” Nêm awê Sara gêmoa ondoc.” Ma en kêsôm gebe “Tec gêmoa becobo ñalêlôm.”

¹⁰ Apômtau kêsôm gebe “Êndêñ ocêsa aê oc jamu jandêñ aôm jamêñ êtiam ma Sara oc êkôc latu ten êndêñ têm tonañ.” Ma Sara kêkô becobo ñakatom lêlômgen ma tanasun gêjac.

¹¹ Mago Abraham agêc Sara têtû lauo ñanô to ñac sugac, nêñ jala têtû taêsam ma lauonêñ mêtê sêjam ôli ajônña gêwi Sara sin su.

¹² Kêtu tonañña Sara kêômac kêênjingen ma kêsôm gêdêñ tau gebe “Aê kamêlin sugac ma ñoc apômtau kêtu ñamalacanô su amboac tonanjen, tec aêagêc atu samuc tauñ amboac ondoc.”

¹³ Tec Apômtau kêsôm gêdêñ Abraham gebe “Kêtu agenña Sara kêômac ma kêsôm gêdêñ tau gebe ‘Katu awêanô sugac, tec jakôc ñapalê amboac ondoc.’

¹⁴ Gêñwapac ten gêc, tañ kêlêlêc Apômtau su me. Êndêñ ocêsa aê jamu jandêñ aôm jamêñ êtiam ma Sara oc êkôc latu êndêñ têm tonañ.”

¹⁵ Sara kêpa tau ma kêsôm gebe “Aê kaômac atom,” gebe kêtêc tau. Mago Apômtau kêsôm gebe “Magobe, kêômacgac.”

Abraham keteñ kêtu Sodomña

16 Go lau tau dêdi ma sêc sêja. Ma êsêac materj gê Sodom. Ma Abraham kêsêlêj gêwiñ êsêac gebe êkêj êsêac anga intêna.

17 Ma Apômtau kêsôm gebe “Aê jansañ gêj, tañ gabe jañgôm nañ, auc êndêj Abraham oc êtôm me.

18 Kajalagac gebe Abraham êtu laum kapôêj to ñajana, ma lau tom-tom samob têtap mec ñamoasiñ sa anga ênê,

19 gebe aê kajaliñ eñ sa gebe êjatu nê latui to nê lau samob, tañ sêndañguc eñ nañ, gebe sejop aêñoc intêna ma sêñgôm ñoc biñ ñanô ésa to sêmêtôc lau naêndêjgeñ gebe aê jakêj gêj, tañ gajac mata gêdêj Abraham nañ, êndêj eñ.”

20 Go Apômtau kêsôm gebe “Ñaonda kêpi Sodom to Gomora kêtú kapôêj ma êsêacnêj sec gêjam sêga.

21 Tec aê gabe jasêp jana jalic acgom, êsêac samob sêgôm kêtôm ñaonda, tañ ganô nañ, me masi. Embe masi, mago gabe jajala.”

22 Ma lau tau sêsêlêj sepeñ Sodom, mago Apômtau gacgeñ kêkô gêwiñ Abraham.

23 Go Abraham kêtú gasuc ma kêsôm gebe “Aôm gobe onseñ lau gêdêj to lau sec su êtômgeñ biññanô me.

24 Embe lau gêdêj 50 sêñgôn malac tau, oc gobe onseñ malac su amboac tonanjen me ôsuc malac ñasec ôkwi êtu lau 50, tañ sêñgôn malac nañja.

25 Ônac jaê biñ amboac tonan, aôm ôñgôm gêj amboac tonec gebe onseñ lau gêdêj sêwiñ lau sec nañ atom. Embe ôñgôm, ñacgêdêj oc êndac êtôm ñac sec. Ônac jaê biñ amboac tonan. Ñac-kêmêtôc-nomwaga êmêtôc naêndêj-geñmanj.”

26 Ma Apômtau kêsôm gebe “Aê embe jatap lau

gêdêñ 50 sa sêngôn malac Sodom, oc jasuc malac samucgen ñabin ôkwi êtu êsêacña.”

²⁷ Abraham gêjô en awa gebe “Aêma katôm kekop to wao, mago katoc tauc sa gebe janam biñgalôm jawiñ Apômtau.

²⁸ Moae lau gêdêñ 50 solop atom, moae lemen ten masi. Aôm gobe onsen êsêac su êtu lemen ten masiña me.” Ma en kêsôm gebe “Aê embe jatap 45gen sa, oc jansen êsêac su atom.”

²⁹ Abraham awa gêjac en kêtiam ma kêsôm gebe “Moae ôtap 40gen sa anga ônê.” En gêjô en awa gebe “Êtu 40ña aê gabe jañgôm gêñ tau ñanô êsa atom.”

³⁰ Go Abraham kêsôm gebe “Apômtau, ôlic aê sec atom, aê jasôm biñ ten êwiñ. Moae ôtap 30gen sa anga ônê.” En gêjô en awa gebe “Aê embe jatap 30gen sa, oc jañgôm gêñ tau ñanô êsa atom.”

³¹ Abraham kêsôm gebe “Op, aê katoc tauc sa gebe janam biñgalôm jawiñ Apômtau, moae ôtap 20gen sa anga ônê.” En gêjô en awa gebe “Aê jansen êsêac su atom êtu 20genña.”

³² Go Abraham kêsôm gebe “O Apômtau, ôlic aê sec atom, aê jasôm biñ tagen tonec êwiñ. Moae ôtap 10gen sa anga ônê.” En gêjô en awa gebe “Aê jansen êsêac su atom êtu 10genña.”

³³ Apômtau gêjam biñgalôm gêwiñ Abraham e su ma gêc gêja. Ma Abraham tau gêmu gêja nê gamêñ.

19

Sodom to Gomora gêjaña

¹ Ma anela luagêc sêô lasê Sodom gêdêñ kêtulala. Lot gêngôn malac ñasacgêdô. En gêlic êsêagêc ma

gêdi sa gebe êpuc êsêagêc tôjtôj ma gewec lanjôanô jagêdêj nom

² ma kêsôm gebe “O apômtauagêc, aê jatej am-agêc gebe anam nêmlêj ôkwi api nêmlakinwaganê andu. Akwasinj emkainj to anêc bêc. Êndêj bêbêc kanucgej, go andi ma asêlêj nêmlintêna.” Mago êsêagêc sêsôm gebe” Masi, aêagêc anêc malacluj tonec.”

³ Mago enj kêkac êsêagêc njapanj, tec agêc sêjam nêj lêj ôkwi sêwinj enj sêpi ênê andu. Ma Lot kêmasanj moasinj gêdêj êsêagêc to kêpac polom njaluc ma agêc sej.

⁴ Êsêagêc sêc bêc atom tagej ma njacwaga malacm, njacwaga anja Sodom tau, wakuc to lanjwa sêwinj tauj. Lau samob tomalagej sêgi andu tau auc.

⁵ Ma êsêac sêmôêc Lot ma sêsôm gebe “Njacwaga, taj sêo lasê aôm gêdêj gêbêc nanj, sêmoa ondoci. Ôkôc êsêagêc sêsa sêndêj aêac sêmênmanj gebe ajala êsêagêc.”

⁶ Go Lot kêsa gêdêj êsêac gêja gê katam gêc munja

⁷ ma kêsôm gebe “O lasitêwaiac, anjôm sec am-boac tonanj atom.

⁸ Alicgac me, latucoagêc sêmoa, taj sêjam kauc njacwaga. Aê gabe jakêj êsêagêc sêndêj amaci. Anjôm êsêagêc amboac têmtac gêwinj. Mago anjôm njaclagêc tonanj sec atom, gebe êsêagêc sêsô njoc salôm njalabu sugaci.”

⁹ Mago êsêac sêsôm gebe “Aôm ôêc su.” Ma sêsôm gebe “Njac toneci gêo lasê amboac njac jaba ma galoc ketoci tau sa gebe êtu njac-êmêtôc-binwaga. Amboac tonanj, aêac anjôm aôm sec êlêlêc êsêagêc su.” Ma êsêac guluc-gulucgej sebe sêkôc Lot tôj ma sebe

têtuç katam popoc.

¹⁰ Mago ñaclagêc sêmêtôc lemeñ ma sê Lot kêsô andu gêdêñ êsêagêc gêja ma sêsañ katam auc.

¹¹ Ma sêgôm ñacwaga saun to kapôêñ, tañ sêmoa katam dêmôêña nañ, matenpec kêsa e seso katam elêmê.

¹² Go ñaclu sêsôm gêdêñ Lot gebe “Aômnêm lau ñagêdô sêmoa tonec me masi. Aômnêm lawami to latômio ma nêm lau, ñagêdô, tañ sêmoa malac nañ, ôwê êsêac awi malac tonec Siñ.

¹³ Gebe aêagêc abe anseñ malac tonec su gebe Apômtau gêñô êsêacnêñ biñ gêjam sêga ma kêsakiñ aêagêc gebe anseñ êsêac su.”

¹⁴ Ma Lot kêsa gêja ma kêsôm gêdêñ lawai, tañ sebe sênam latuoagêc gebe “Ajôc, awi malac tonec siñ gebe Apômtau oc enseñ su.” Mago lawai sêlic eñ amboac ñac kêsôm biñ makic teñ.

¹⁵ Gêu bôñ ma añela sêkac Lot ma sêsôm gebe “Ôndi, ôkôc nêm awê to latômioagêc, tañ sêmoa tonec nañ, gebe ñagêjô, tañ êtap malac sa nañ, enseñ aôm su ôwiñ atom.”

¹⁶ Lot kêlênageñ, tec ñaclu sêkam êsêagêc nê awê to latuoagêc lemeñ gebe Apômtau gebe ênam êsêac sa ma sêwê eñ gêwi malac siñ ma sêkêñ eñ kêlêwan tau gêñgôn malac ñamagê.

¹⁷ Êsêagêc sêkêñ êsêac sêmoa awê ma sêsôm gebe “Ôêc ônam katôm kêsi, ôkac taôm ôkwi atom to ôkô ôniñ awam aña gaboañ tonec atom. Ôêc ôpi lôc ôna gebe ônañ atom.”

¹⁸ Mago Lot kêsôm gêdêñ êsêagêc gebe “O apômtauagêc, masianô.

¹⁹ Amagêc amoasiñ nêm sakiñwaga ma taêm

walô aê tec ajam aê kêsi gebe janaņa atom. Mago aê katôm gebe jaêc japi lôc atom. Gêṅwapac oc êtap aê sa ma jamac êndu.

²⁰ Alic acgom, malac tônê gêc ṅagala kêtôm gebe jaêc jana tônê, ma malac tau saunjanô. Ôlôc sa gebe jaêc jana tônê. Malac tau saunjanô atom me. Jaêc jana tônê, go jamoa matoc jali.”

²¹ Apômtau kêsôm gêdêṅ eṅ gebe “Amboac tonanṅ, aê gabe jalôc sa ma jansenṅ malac, taṅ kôsôm ṅabinṅ nanṅ, su atom.

²² bêc ôna tônê ṅagaôgeṅmaṅ. Aê janṅôm gêṅ teṅ ṅagaô atom e ô lasê malac tônê su acgom.” Kêtu tonanṅa sêsam malac ṅaê gebe Soar.

²³ Oc kêpi kêpô nom ma Lot gêô lasê Soar.

²⁴ Go Apômtau kêkêṅ talao to ja anṅa undambê gêjac Sodom to Gomora anṅa Apômtaunê.

²⁵ Ma eṅ gesenṅ malac tonanṅ to gamêṅ gaboanṅ ma malac to ṅalau pebenṅ to gêṅ, taṅ kêpi anṅa nom nanṅ.

²⁶ Mago Lotnê awê, taṅ kêdaguc eṅ nanṅ, kêkac tau ôkwi, tec kêtu pocgwêc.

²⁷ Ma bêbêc kanucgeṅ Abraham gêdi ma jakêsa gamêṅ, taṅ eṅ kêkô Apômtau lanṅônêmṅa nanṅ,

²⁸ ma mata gê Sodom to Gomora ma gamêṅ gaboanṅa samob ma gêlic jadaunṅ kêpi amboac ja geṅ kôm.

²⁹ Gêdêṅ taṅ Anôtô gesenṅ malac gaboanṅa su nanṅ, eṅ taê gêjam Abraham ma gêwê Lot gêc gamêṅ, taṅ gêjaṅa nanṅ su. Binṅ tau kêsa gêdêṅ Anôtô gesenṅ malac, taṅ Lot gêṅgônṅ nanṅ su.

Lau Moab to Amon ṅam

³⁰ Ma Lot gêwi Soar siñ jakêpi lôc gêwiñ latuoagêc gebe eñ kêtêc tau, tec gêwi Soar siñ. Ma eñ gêwiñ latuoagêc jasêngôn pocgêsun teñ.

³¹ Ma awêsêga kêsôm gêdêñ awê saun gebe “Tameñi kêtû ñamalacanô sugac ma ñac teñ gêmoa nom tonec atom gebe êmoa êwiñ aêagêc amboac sêgôm-sêgôm kêtôm gamêñgeñ.

³² Ajôc, aêagêc takêñ wain êndêñ tamenji ênôm e êjañiñ eñ, go tanêc dawin eñ gebe nêñ wakuc sêsa anga tamenjinê.”

³³ Tec gêdêñ gêbêc sêkêñ wain gêdêñ tamenji gênôm e kêjañiñ eñ. Ma awêsêga kêsô gêja gêc gêwiñ tama. Gêc gêwiñ eñ ma gêdi sa, mago tama kêsaê atom.

³⁴ Nageleñ awêsêga kêsôm gêdêñ awê saun gebe “Gêdêñ gêbêc aê gaêc gawin tamoc ma êndêñ êmbêc takêñ wain êndêñ eñ ênôm êtiam. Su, go aôm ôsô naônêc ôwiñ eñ gebe tatap nêñ wakuc sa anga tamenjinê.”

³⁵ Tec gêdêñ gêbêc sêkêñ wain gêdêñ tamenji e kêjañiñ eñ kêtiam. Ma awê saun gêdi jagêc gêwiñ eñ. Gêc gêwiñ eñ ma gêdi sa, mago tama kêsaê atom.

³⁶ Tec Lot latuoagêc lulugeñ taêñ anga tamenjinê.

³⁷ Ma awêsêga kêkôc ñapalê ñac ma gê ênê ñaê gebe Moab. Eñ kêtû lau Moab têm galocña nêñ abenji.

³⁸ Ma awê saun kêkôc ñapalê ñac amboac tonanげñ ma gê ênê ñaê gebe Ben-Ami. Eñ kêtû lau gamêñ Amonña têm galocña nêñ abenji. * † ‡

* **19:38:** Soar ñam gebe Gêñ saun. † **19:38:** Moab ñam gebe Anга tamocnê. ‡ **19:38:** Ben-Ami ñam gebe Noc tawan latu.

20

Abraham agêc Abimelek nêh binj

¹ Abraham gêdi anga ônê kêsêlêh kepen gamêh Negebgen ma jagêngôh Kades to Sur nasawa. En gêmoa gamêh Gerar amboac nac jaba.

² Ma Abraham kêsôm kêpi nê awê Sara gebe “Aê luco enj.” Ma kinj Gerarja, Abimelek, kêsakinj lau gebe sêkôc Sara.

³ Mago gêdêh gêbêc Anôtô gêsuj mê gêdêh Abimelek ma kêsôm gêdêh enj gebe “Ôlic taôm, aôm ômac êndu êtu awê, taj aôm kôkôc nanja, gebe nac tej nê awê enjoc.”

⁴ Mago Abimelek kêdabinj enj atom tagen, tec kêsôm gebe “Apômtau, aôm gobe onsenj lau tobijnmê su me.

⁵ Abraham tau kêsôm gêdêh aê gebe ‘Aêhoc luco enj.’ Ma awê tau kêsôm gebe ‘Noc lucnac enj.’ Aê gagôm gêh tau tonoc nalêlôm najênj ma tolemoc selecgenj.”

⁶ Go Anôtô kêsôm gêdêh enj gêdêh taj gêc mê naj, gebe “Aec, aê kajala gebe gôgôm gêh tau tonêm nalêlôm najênjenj tec aê tauc gabôc aôm auc gebe ôngôm sec êndênj aê atom. Kêtu tonanja gajac jao aôm gebe ômoasac enj atom.

⁷ Amboac tonaj ôkêh Abrahamnê awê êmu êna gebe enj propete tej. Ma enj etenj êtu aômja gebe ômoa matam jaligenj. Mago aôm embe ôkêh enj êmu êna atom, go ôjala gebe ômac êndu binjanôgenj, aôm to nêm lau samob.”

⁸ Gêdêh bêbêc kanucgenj Abimelek gêdi sa ma gêmôc nê sakinjwaga samob ma gêjac minj binj samob tonaj naj gêdêh êsêac e têtêc tauj nanô.

9 Go Abimelek kêkalem Abraham ma kêsôm gêdêḡ eḡ gebe “Aôm gôgôm asageḡ gêdêḡ aê. Aê gagôm aôm sec amboac ondoc, tec kôsabi sec kapôêḡ kêpi aê to ḡoc gamêḡ kiḡḡa. Gêḡ, taḡ sêjac jao gebe danḡôm atom naḡ, aôm gôgôm gêdêḡ aê.”

10 Ma Abimelek kêsôm gêdêḡ Abraham gebe “Aôm taêm gêjam biḡ amboac ondoc, tec gôgôm gêḡ amboac tonanḡ.”

11 Ma Abraham kêsôm gebe “Aê gajam kauc gebe lau gamêḡ tonecḡa têtêc Anôtô atom, tec êsêac sênac aê êndu êtu ḡoc awêḡa, tec gagôm gêḡ tau.

12 Ma eḡ aêḡoc luco biḡḡanôgeḡ, gebe eḡ tamocnê latuo, mago tinocnê latuo atom. Ma eḡ kêtu ḡoc awê.

13 Gêdêḡ taḡ Anôtô kêkalem aê ma gawi tamocnê andu siḡ naḡ, kasôm gêdêḡ eḡ gebe Aôm embe têtmac êwiḡ aê, go ôwa aê ḡam sa ma ôsôm êndêḡ lau gamêḡ samobḡa gebe ‘Ḋoc lucḡac eḡ.’ ”

14 Go Abimelek kêkôc domba to bulimakao ma sakiḡwagao to ḡac ma kêkêḡ gêdêḡ Abraham ma kêkêḡ Sara gêmu gêdêḡ eḡ gêja.

15 Ma Abimelek kêsôm gebe “Gôlicḡac, ḡoc gamêḡ gêc laḡômnmêḡa, ôḡgôḡ gamêḡ, taḡ gêjac mata-manô ḡajam naḡ.”

16 Ma kêsôm gêdêḡ Sara gebe “Gôlicḡac, aê kakêḡ silber 1,000 gêdêḡ lômḡac gebe êwaka aôm waem sa êndêḡ lau samob, taḡ sêwiḡ aôm naḡ, ma sêlic aôm awê gêdêḡ.”

17 Go Abraham keteḡ mec gêdêḡ Anôtô ma Anôtô gêgôm Abimelek ôli ḡajam kêsa ma gêgôm ênê awê to sakiḡwagao ôliḡ ḡajam kêsa amboac tonanḡeḡ gebe sêkôc gôlôac êtiâm,

18 gebe Apômtau gêbôc lauo, taḡ sêmoa

Abimeleknê andu nan, têtacîlêlôm auc kêtû Abrahamnê awê Saraņa.

21

Sara kêkôc Isak

¹ Apômtau kêtû ñaclen Sara amboac kêsôm su, ma gêgôm bin, tan gêjac mata nan, ñanô kêsâ kêpi Sara.

² Abraham kêtû ñamalacanô su, go Sara taê ma kêkôc Abrahamnê latu-ten gêdên noc, tan Anôtô kêsam gêdên en nan.

³ Abraham gê latu, tan kêka lasê ma Sara kêkôc en nan, nê ñaê gebe Isak.

⁴ Isaknê bêc kêtû 8 ma Abraham kêsâ latu amboac Anôtô kêjatu en nan.

⁵ Abrahamnê jala kêtû 100 ma Isak mênkêsâ.

⁶ Ma Sara kêsôm gebe “Anôtô gêgôm aê kaômac. Lau, tan sênô bin tau ñawae, oc sêômac sêwiñ aê.”

⁷ Ma en kêsôm gebe “Asa oc kêjala kêtû tôn ma êsôm êndên Abraham gebe Sara oc êkên su êndên ñapalê dedec sênôm. Mago aê kakôc ênê latu gêdên tan en kêtû ñamalacanô sugac.”

Têtiñ Hagar agêc Ismael su

⁸ Ma ñapalê kêtû kapôên e gêwi tēnanê su sin. Ma gêdên bêc Isak gêwi tēnanê su sin nan, Abraham geno moasin kapôên.

⁹ Ma Sara gêlic awê Aiguptuņa Hagar, nê latu, tan Abraham kêka lasê nan, gêjam dôa-dôa gêwiñ latu Isak.

¹⁰ Tec kêsôm gêdên Abraham gebe “Ôtiñ sakiñwagao tonec nê latu su gebe sakiñwagao tonec nê latu êwê kain gêñlênsêm êwiñ latuc Isak atom.”

11 Mago Abrahamnê ñalêlôm ñawapac kêtú latuñá.

12 Mago Anôtô kêsôm gêdêñ Abraham gebe “Nêm ñalêlôm ñawapac êtu ñapalê tau to nêm sakinwagaonja atom. Ôngôm binj samob, tanj Sara kêsôm nanj, ñanô êsa gebe sêsam nêm wakucnêñ ñaê sêndanjuc Isaknê ñaêgeñ.

13 Ma aê janjgôm sakinwagaonê latunê wakuc têtú laum kapôêñ tenj amboac tonanj, gebe enj kêsá anja aômnnêm.”

14 Tec Abraham gêdi gêdêñ bêbêc kanucgeñ ma kêkôc polom to bu kêsêp bôc ñaôlic ma kêkêñ gêdêñ Hagar gêôc gêwiñ ñapalê ma kêsakinj enj gêja. Ma enj jakêlêsa gêmóa gamêñ sawa anja Ber-Seba.

15 Gêdêñ tanj bu kêpa anja bôc ñaôlic nanj, enj gêwi ñapalê sinj gêc gamêñ dani.

16 Ma enj jagêngôñ sic anja ñasawa kêtôm ñac talamña êpê nê sôb naêsêpña ma taê gêjam gebe “Aê jalic ñapalê êmac êndu êndêñ aê matocanô atom.” Enj gêngôñ kêkanôñ enj ma ñapalê awa kêpi ma kêtanj.

17 Anôtô gêñô ñapalê kêtanj ma Anôtônê anjela awa gêjac Hagar anja undambê ma kêsôm gêdêñ enj gebe “Asageñ gêgôm aôm, Hagar. Ôtêc taôm atom gebe Anôtô gêñô ñapalê awa anja gamêñ nanj

18 Ôndi sa, ôsip enj sa ma ôkôc enj ñajanja gebe aê gabe jakêñ enj êtu laum kapôêñ tenj.”

19 Go Anôtô gêgôm enj mata gêlac e gêlic bumata tenj ma enj jakêkati bu kêsêp bôc ñaôlic ma kêkêñ gêdêñ ñapalê gênom.

20 Ma Anôtô gêwiñ ñapalê ma enj kêtú kapôêñ. Enj gêmóa gamêñ sawa ma kêpê talam lêma kata sec.

21 Enj gêmôa gamêñ sawa Paran ma têna kêkôc ênê awê tenj anja gamêñ Aiguptu.

Abraham agêc Abimelek sêmoatiñ poac gêdêñ tauñ

22 Gêdêñ ñasawa tonañ Abimelek agêc nê siñwaganêñ ñac ñamataña Pikol sêsôm gêdêñ Abraham gebe “Anôtô gêwiñ aôm to nêm kôm samob.

23 Kêtu tonañña tec galoc ôtôc lêmam êndêñ Anôtô matocanô jalic gebe ôñgôm aê to ñoc wakuc me wakucnêñ wakuc sec atom. Aê kamoasiñ aôm, amboac tonañ ôjô moasiñ tonañ êndêñ aê to êndêñ gamêñ, tañ mênğômoa ñac jabañageñ nanj.”

24 Ma Abraham kêsôm gebe “Aê gabe jatôc lemoc.”

25 Ma Abraham kêtôc biñ Abimelek kêtû bumata tenj, tañ Abimeleknê sakiñwaga sêjanjo su nanña.

26 Ma Abimelek kêsôm gebe “Aê gajam kauc lau, tañ sêgôm gêñ tonañ. Aôm kôsôm biñ tenj gêdêñ aê atom, ma aê ganô biñ tenj atom e mênğêdêñ galoc.”

27 Tec Abraham kêkôc domba to bulimakao ma kêkêñ gêdêñ Abimelek ma ñac lu sêmoatiñ poac tenj gêdêñ tauñ.

28 Go Abraham kêkêñ domba ñalatu 7 sêkô tauñña

29 tec Abimelek kêtû kênac Abraham gebe “Domba ñalatu 7, tañ kôkêñ sêkô tauñña nanj, ñam amboac ondoc.”

30 Enj kêsôm gebe “Ôkôc domba ñalatu 7 tonañ su anja lemoc ec têtû ñabelo êndêñ aôm ôjala gebe aê tauc tec kakwê bumata tau.”

31 Kêtu tonañña sêsam gamêñ tonañ gebe Ber-Seba gebe êsêagêc lulu têtôc lemeñ.

³² Êsêagêc sêmoatiŋ poac aŋga Ber-Seba su, go Abimelek agêc Pikol, ênê siŋwaganêŋ ŋac ŋamataŋa, dêdi ma sêmu sêja Pilistinêŋ gamêŋ kêtiam.

³³ Mago Abraham kêsê ka gamêŋ sawaŋa teŋ ŋaê gebe tamarisk aŋga Ber-Seba ma awa gêjac Apômtau Anôtô teŋgeŋ nê ŋaê.

³⁴ Ma Abraham gêmoa Pilistinêŋ gamêŋ ŋasawa ec ŋêŋgeŋ. * †

22

Anôtô kêjatu Abraham gebe êkêŋ Isak êtu da

¹ Gêŋ samob tonan su acgom, go Anôtô kêsaê Abraham ma awa gêjac eŋ gebe “Abraham.” Ma eŋ kêsôm gebe “Aê tec gamoa.”

² Ma Anôtô kêsôm gebe “Ôkôc nêŋ latôm tagen Isak, taŋ têtmac gêwiŋ eŋ nan, ma ôna gamêŋ Moria. Aŋga ônê ôkêŋ eŋ êtu daja aŋga lôc teŋ ŋatêpôê taŋ gabe jatôc êndêŋ aôm nan.”

³ Tec Abraham gêdi gêdêŋ bêbêc kanucgeŋ kêkôc nê donki mênkêpô ômbiŋkap kêsêp. Eŋ kêkôc sakiŋwaga wakuc luagêc sêwiŋ êsêagêc latu Isak. Eŋ gêga ka kêtû dajaŋa ma gêdi gêja gamêŋ, taŋ Anôtô kêsôm ŋabiŋ gêdêŋ eŋ nan.

⁴ Gêdêŋ bêc kêtû têtêacŋa Abraham gêôc mataanô sa ma gêlic gamêŋ tau gêc jaêcgeŋ.

⁵ Go Abraham kêsôm gêdêŋ nê sakiŋwagaagêc gebe “Amoa tonec awiŋ donki. Aêagêc ŋapalê ana ônê. Ateŋ mec su acgom, go amu amêŋ êtiam.”

* **21:34:** Alic 17:19; Isak ŋam gebe Eŋ kêômac. † **21:34:** Ber-Seba ŋam gebe Bumataata têtôc lemeŋa.

⁶ Ma Abraham kêkêñ ka dajaña gêdêñ latu Isak gêôc. Ma eñ tau gegen ja ma kêmgôm bôjañ. Ma agêc sêsêlêñ sêwiñ tauñ sêja.

⁷ Ma Isak awa gêjac tama Abraham gebe “Tamac.” Ma eñ kêsôm gebe “Latucenec, aê tec gamoa.” Ma eñ kêsôm gebe “Ja to ka tec gêc, mago domba dajaña gêmoa ondoc.”

⁸ Ma Abraham kêsôm gebe “Latucenec, Anôtô tau oc ênsuñ domba dajaña.” Ma agêc sêsêlêñ sêwiñ tauñ sêja.

⁹ Agêc sêô lasê gamêñ, tañ Anôtô kêsôm ñabiñ gêdêñ eñ nañ, ma Abraham gêboa altar sa ma gêjac pac ka. Go gêsô latu Isak tôñ ma ketoc eñ gêsac altar topac ñaô.

¹⁰ Go Abraham kêmetôc lêma gebe êkôc bôjañ ma êmbuc latu.

¹¹ Mago Apômtaunê añela gêmôêc eñ aña undambê ma kêsôm gebe “Abraham, Abraham.” Ma eñ gêlôc gebe “Aê tec gamoa.”

¹² Ma eñ kêsôm gebe “Lêmam êndêñ ñapalê atom ma ôngôm gêñ teñ êndêñ eñ atom, gebe aê galic aôm kôtêc Anôtô ma kôgamiñ nêma latôm tagen gêdêñ aê atom.”

¹³ Ma Abraham gêôc mataanô sa e gêlic domba kapoac teñ kêkô eñ dêmôêmu ñajabo gêjac kêsô odani. Tec Abraham gêja ma kêkôc domba kapoac jakêkêñ kêtú daja gêjô latu su.

¹⁴ Abraham kêsam gamêñ tonañ ñaê gebe “Apômtau gebe ênam sa êndêñ ñanoc,” amboac sêsôm-sêsôm e mênghêdêñ galoc gebe “Aña lôc Apômtau gebe ênam sa êndêñ ñanocña.”

¹⁵ Go Apômtaunê añela gêmôêc Abraham aña undambê kêtú dim luagêcña

16 ma kêsôm gebe “Apômtau kêsôm gebe ‘Aôm gôgôm tonañ ma kôgamiñ nêm latôm nanñ atom, tec katôc lemoc kêpi tauc gebe

17 janam mec aôm biññanôgeñ, ma nêm wakuc têtû taêsam têtôm utitalata umbonñ ñalabuña to têtôm gañac gwêcña. Ma nêñ ñacjonêñ malac ñasacgêdô êtu nêm wakucnêñ.

18 Ma êtu nêm wakucña laum nomña samob têtap moasiñ sa kêtû tañam wamu aêña.’ ”

19 Amboac tonañ Abraham gêmu gêdêñ nê sakiñwagaagêc gêja ma ac dêdi sêwiñ tauñ sêja Ber-Seba. Ma Abraham gêñgôñ Ber-Seba kêtû têlê.

Nahornê wakuc

20 Gêñ samob tonañ su acgom, go biñ gêdêñ Abraham gebe “Gôlicgac, Milka kêkôc gôlôac amboac tonañ kêtû lasim Nahorña.”

21 Nacsêga Us agêc lasi Bus ma Kemuel, tañ kêtû Aram tama

22 ma Kesed, Haso, Pildas, Jidlap to Betuel

23 Betuel kêtû Rebeka tama. Lau 8 tonañ Milka kêkôc gêdêñ Abraham lasi Nahor.

24 Ma Milka anao, nê ñaê gebe Reuma, kêkôc Teba, Gaham, Tahas to Maka.

23

Sara gêmac êndu. Abraham gêjam ôli sêô

1 Sara gêmoa e nê jala kêtû 127. Saranê jala tau tonañ.

2 Ma Sara gêmac êndu anña Kiriati-Arba (ñaê teñ gebe Hebron) anña gamêñ Kanaan. Ma Abraham kêsô gebe êpuc tañiboa sa ma êtañ êtu Saraña.

³ Su, go Abraham gêdi gêwi nê ñacmatê siñ ma kêsôm gêdêñ lau gamêñ Hetña gebe

⁴ “Aê ñac jaba to ñac ñasawaña mêngaŋgôn gawin amac. Akêñ nêñ gamêñ teñ êndêñ aê jawê kainj êtu gamêñ sêôña gebe jansuñ ñoc ñacmatê ênêc.”

⁵ Lau gamêñ Hetña sêjô Abraham awa gebe

⁶ “O apômtau, ôkêñ tañam ma binj. Aôm gômoa gôwiñ aêac amboac kasêga towae teñ. Ônsuñ nêñ ñacmatê êsêp ma sêô ñajamanô tau. Aêacma ñac teñ êñgaminj nê sêô êndêñ aôm me êkô aôm auc êtu ônsuñ nêñ ñacmatê êsêpña atom.”

⁷ Abraham gêdi ma gewec gêdêñ lau gamêñ Hetña, tañ têtù gamêñ ñatau nañ.

⁸ Ma eñ kêsôm gêdêñ êsêac gebe “Amac embe alic êtôm gebe jansuñ ñoc ñacmatê ênêc, go akêñ tañem ñoc binj ma atêñ Sohar latu Epron ajô aê su

⁹ gebe êkêñ pocgêsuñ Mak-Pela, tañ kêtù ênê gêñ nañ, êndêñ aê. Gêsuñ tau gêc kêsi ênê kôm ñamadinj. Aê jakêñ ñaôli samucgenj êndêñ eñ jakô amac lañômñêmña ma eñ êkêñ êtu aêñoc gêñ êtu jansuñ ñacmatê sêsêpña.”

¹⁰ Mago Epron tau gêñgônj gêwiñ lau gamêñ Hetña ma ñac Hetña Epron gêjô Abraham awa e lau Hetña tañ sêmêñ sêñgônj malac ñasacgêdô nañ samob sêñô ma kêsôm gebe

¹¹ “O apômtau, masianô. Ôñô ñoc binj. Aê jakêñ kôm to jakêñ ñapocgêsuñ, tañ gêc kôm tau nañ, ñaômagenj êndêñ aôm. Aê kakô ñoc lau lañôñêmña, tec jakêñ gêñ tau ñaômagenj êndêñ aôm. Ônsuñ nêñ ñacmatêmañ.”

¹² Go Abraham gewec gêdêñ gamêñ ñatau.

¹³ Ma eñ kêsôm gêdêñ Epron e gamêñ ñatau sêñô

sêwiŋ gebe “Aê jatenŋ aôm gebe ôkêŋ taŋam aê. Aê jakêŋ kôm ŋaôli êndêŋ aôm. Ôkôc ŋaôli aŋga aê lemoc gebe jansuŋ ŋoc ŋacmatê aŋga tonanŋ.”

¹⁴ Epron gêjô Abraham awa gebe

¹⁵ “O apômtau, ôŋô ŋoc biŋ. Aêagêc tasôm biŋ taêsam êpi gamêŋ, taŋ ŋaôli amboac dôŋ silberŋa 400geŋ nanŋ, êtu agerŋa. Ônsuŋ nêŋ ŋacmatêmanŋ.”

¹⁶ Abraham gêlôc gêdêŋ Epron. Ma Abraham gêjam dôŋ silber gêdêŋ Epron, taŋ eŋ kêsam lau gamêŋ Hetŋa sêŋô nanŋ, dôŋ silberŋa 400. Eŋ gêjam dôŋ kêtôm lau-têtulu-gêŋwaga sêjam dôŋ gêdêŋ tauŋ.

¹⁷ Amboac tonanŋ Epronê kôm Mak-Pela, taŋ gêc Mamre ŋagamêŋ gêmu oc kêpiŋa nanŋ, kôm to ŋapocgêsuŋ ma gêŋkaiŋ, taŋ kêkô kôm ŋagamêŋ samucgeŋ auc nanŋ,

¹⁸ kêtû Abrahamnê. Lau gamêŋ Hetŋa samob, taŋ sêô lasê ênê malac ŋasacgêdô nanŋ, sêlic.

¹⁹ Su, go Abraham kêsuŋ nê awê Sara kêsêp pocgêsuŋ, taŋ gêc kôm Mak-Pela nanŋ, gêc Mamre (ŋaê teŋ gebe Hebron) ŋagamêŋ oc kêpiŋa aŋga gamêŋ Kanaan.

²⁰ Lau gamêŋ Hetŋa sêkêŋ kôm to ŋapocgêsuŋ tonanŋ kêtû Abrahamnê gêŋ gebe ênsuŋ ŋacmatê sêsêpŋa. * sacgêdô gêc intênagêsuŋ. Gamêŋ tonanŋ kêtû êsêacnêŋ malenŋ sêkac saŋa.

24

Isaknê miŋ gêjam awêŋa

* **23:20:** Lau ŋanô sêboa tuŋbôm kêgi nêŋ malac auc. Sêmasanŋ

¹ Abraham kêtú ñamalacanô sugac ma nê jala kêtú taêsam. Ma Apômtau gêjam mec Abrahamnê gêñ samob.

² Ma Abraham kêsôm gêdêñ nê sakiñwaga ñamataña, tañ gejob ênê gêñ samob nañ, gebe “Ôkêñ lêmam êsô lambic

³ ma ôtôc lêmam êndêñ Apômtau, tañ kêtú undambê to nom ñAnôtô nañ, gebe ôkêñ awê teñ êndêñ latuc aña lau gamêñ Kanaanña, tañ gamoa êsêac ñaluñ nañ, nêñ ñapalêonêñ atom.

⁴ Aôm ôna ñoc malacmôkê ôndêñ ñoc lau naôkôc latuc Isak nê awê teñ aña ônê.”

⁵ Ma sakiñwaga kêsôm gêdêñ eñ gebe “Amboac ondoc, awê tau embe endec ma êndanğuc aê êmêñ gamêñ tonec atom, go jakôc latôm êmu êna gamêñ, tañ aôm gôwi siñ nañ, me.”

⁶ Abraham kêsôm gêdêñ eñ gebe “Ôlic taôm, ôkêñ latuc êna ônê atom.

⁷ Apômtau, Anôtô undambêña, tañ gêwê aê aña tamocnê andu ma aña ñoc gôlôacnêñ gamêñ nañ, gêjam biñgalôm gêwiñ aê ma kêtôc lêma gebe Aê gabe jakêñ gamêñ tonec êndêñ nêñ wakuc. Eñ oc êsakiñ nê añela êmuñ aôm ma aôm ôkôc latucnê awê teñ aña ônê.

⁸ Mago awê tau embe endec ma êndanğuc aôm atom, go biñ, tañ ôtôc lêmam nañ ênêcña. Mago ôkêñ latuc êmu êna ônê êtiam atom.”

⁹ Go sakiñwaga kêkêñ lêma kêsô nê ñatau Abraham lambi ma kêtôc lêma gebe êngôm ênê biñ ñanô êsa.

¹⁰ Go sakiñwaga kêkôc nê ñataunê kamele 10 to nê ñataunê gêlôñ ma awa tokaiñ-tokaiñ ma gêdi gêja.

Enj kêsêlêŋ gêja Mesopotamia e gêo lasê Nahornê malac.

¹¹ Enj kêkêŋ kamele sêlêwan taunj anŋa bumanj, taŋ kêpoac malac ŋagala naŋ, gêdêŋ kêtula, gêdêŋ têm, taŋ lauo sêsa gebe têtê buŋa.

¹² Ma enj kêsôm gebe “O Apômtau, ŋoc ŋatau Abraham nê Anôtô, aê jatenj aôm gebe ôlôc gebe jatap kôm ŋanô sa ma ôwaka nêm têtmac gêwiŋ ŋoc ŋatau Abrahamŋa sa.

¹³ Ôlic acgom, aê mênjakô bumata ŋatali ma malacm latuŋjo oc sêsa mênjtêtê.

¹⁴ Ŋapalêo, taŋ jasôm biŋ êndêŋ enj gebe ‘Ôlêwan ku gebe mênjanôm bu’ naŋ, embe êsôm gebe ‘Wacônôm ma jakêŋ bu êndêŋ nêm kamele sênôm amboac tonanŋen,’ naŋ jajala gebe tecenec aôm kôjaliŋ sa kêtu nêm ŋacsakiŋ Isakŋa. Biŋ tonanj êtu ŋabelo êndêŋ aê e jajala gebe kôwaka têtmac gêwiŋ ŋoc ŋatauŋa sa.”

¹⁵ Enj kêsôm biŋ gêmoa, tec Rebeka kêsa gêoc nê ku buŋa. Enj Betuel, taŋ Abraham lasi Nahor nê awê Milka kékôc naŋ, latuo enj.

¹⁶ Ŋapalêo tau lanjô ŋajamanô, enj awêtakiŋ tenj, naŋ kêtap ŋac tenj sa atom tagenj. Enj kêsêp bumata jakêtê bu su ma kêpi gêmêŋ.

¹⁷ Go sakiŋwaga kêlêti gebe êpuc enj tôŋtônj ma kêsôm gebe “Aê gabe jatenj aôm ôkêŋ bu ŋagec mênjanôm anŋa nêm ku.”

¹⁸ Enj kêsôm gebe “Ŋoc ŋatau, ônômmanj.” Ma sebenj kêlêwanj ku kêsêp lêma ma kêkêŋ bu gêdêŋ enj gênôm.

¹⁹ Kêkêŋ bu gêdêŋ enj gênôm, go kêsôm gebe “Aê jatê bu mênjakêŋ êndêŋ nêm kamele sênôm e êoc

êsêac tøn êwiņ.”

²⁰ Amboac tonan en kêkêc bu kêsêp bôcnên suc kêtê-kêtê bu gêja gêmu mênkêkên gêdên kamele samob sênôm.

²¹ Ma ñac tau kêsala en ñabiņmêgen gebe êjala Apômtau oc gêjam gôliņ ênê lêņ me masi.

²² Kamele sênôm bu e kêtôm, go ñac kêkôc gêlôn goldņa ten, gold tau ñawapac kêtôm gold ñadôn ñamaken ma joc luagêc, taņ ñawapac kêtôm gold ñadôn 10ņa

²³ ma kêsôm gebe “Asanê latuo aôm. Ôsôm acgom, ñasawa gêc tamamnê andu êtôm aêac anêcņa me masi.”

²⁴ En gêjô en awa gebe “Milka agêc Nahor latuņi Betuel latuo aê.”

²⁵ Ma kêsôm biņ ñagêdô gêdên en gêwiņ gebe “Oba to gêgwan taêsam tê gêc to gamên kêtôm gebe anêcņa tê gêc.”

²⁶ Ñac tau gewec ma awa gêoc Apômtau

²⁷ e kêsôm gebe “Aê jalambiņ Apômtau, ñoc ñatau Abraham nê Anôtô, taņ kêgamiņ nê têtac gêwiņ to biņ ñaņên gêdên ñoc ñatau atom. Ma Apômtau gêwê aê katôgen gadên ñoc ñataunê lasitêwainên andu.”

²⁸ Ma ñapalêo kêlêti jagêjac miņ biņ tonan gêdên tēnanê lau.

²⁹ Rebekanê luņac ten gêmoa, ênê ñaê gebe Laban. Ma Laban kêlêti gêja bumata gêdên ñac tau.

³⁰ En gêlic gêlôn to joc, taņ luo kêka nan, ma gêņô biņ, luo kêsôm gebe Ñac tau kêsôm biņ amboac tonec gêdên aê. Tec en kêlêti gêdên ñac tau gêja ma kêtap en sa kêkô bumata gêwiņ nê kamele.

³¹ Ma en kêsôm gebe “O ñatau, taņ Apômtau gêjam mec nan, kôkô awê kêtú asagenņa. Ôsô ômôênman,

aê kamasan andu su to gamêñ kêtú kamelenã.”

³² Amboac tonan ñac tau kêsô andu gêja ma Laban kêkôc kamelenêñ waba su ma kêkêñ oba to gêgwan gêdêñ kamele. Go kêkôc bu gebe Abrahamnê sakinwaga to nê lau sêkwasiñ enkain êsêpña,

³³ go sêkêñ gêñ taniñña gêdêñ sakinwaga gebe êniñ. Mago kêsôm gebe” Aê janiñ gêñ ten atom, aê jawa ñoc biñ sa êmuñ acgom.” Laban kêsôm gebe “Amboac tonan ôsômman.”

³⁴ Tec en gêwa tau sa gebe “Abrahamnê sakinwaga aê.

³⁵ Apômtau gêjam mec ñoc ñatau ñanôgeñ e kêtú kapôêñ. En kêkêñ domba to bulimakao ma silber to gold ma sakinwagao to ñac ma kamele to donki gêdêñ en.

³⁶ Ma ñoc ñataunê awê Sara nê jala kêtú taêsam su ma kêkôc latu ten ma ñoc ñatau kêkêñ gêñlênsêm samob gêdêñ en gêwê kain.

³⁷ Ma en kêsôm gêdêñ aê gebe jatôc lemoc ma kêsôm gebe ‘Aôm ôkôc latucnê awê ten anga lau Kanaanã, tan aê gamoa nêñ gamêñ nan, latuñionêñ atom,

³⁸ aôm ôndêñ tamocnê andu to ñoc lasitêwai ôna ma ôkôc latucnê awê ten anga ônê.’

³⁹ Aê kasôm gêdêñ ñoc ñatau gebe ‘Awê embe êndançuc aê atom, go amboac ondoc.’

⁴⁰ Tec en kêsôm gêdêñ aê gebe ‘Apômtau, tan kasêlêñ gamoa en lanônêm nan, êsakin nê anjela êwiñ aôm to ênam gôliñ nêm lêñ e aôm ôkôc latucnê awê anga ñoc launêñ to anga tamocnê andu.

⁴¹ Embe ô lasê ñoc lasitêwai ma êsêac sêkêñ awê êndêñ aôm atom, go biñ, tan kôtôc lêmam nan

ênêcɲa.’

⁴² “Ocsalô aê gaô lasê bumata ma kasôm gebe ‘O Apômtau, ɲoc ɲatau Abraham nê Anôtô aôm, galoc ônam gôlinj ɲoc lêɲ, tec kasa nec.

⁴³ Ôlic aê, galoc kakô bumata. ɲapalêo, naɲ êsa êmêɲ gebe êtê bu ma jasôm binj êndêɲ eɲ gebe “Aê jateɲ aôm ôkêɲ bu ɲagec aɲga nê m ku mênjanôm,”

⁴⁴ ma embe êsôm êndêɲ aê gebe “Ônômmanj, ma aê gabe jatê êndêɲ nê m kamele amboac tonanj,” naɲ awê tecenanj êtu awê taɲ Apômtau kêjalinj eɲ sa kêtu ɲoc ɲataunê latuɲa.’

⁴⁵ “Aê taêc gêjam binj tonanj gêbacnê su atomgenj, tec Rebeka kêsa gêmêɲ gêôc nê ku jakêsêp bumata ma kêtê bu. Ma aê kasôm gêdêɲ eɲ gebe ‘Ôkêɲ bu mênjanôm.’

⁴⁶ Eɲ sebenj kêlêwanj ku su ma kêsôm gebe ‘Ônômmanj, ma aê gabe jakêɲ bu êndêɲ nê m kamele sênôm amboac tonanjenj.’ Tec aê ganôm ma eɲ kêkêɲ bu gêdêɲ kamele sênôm amboac tonanj.

⁴⁷ Go aê katu kênac eɲ gebe’ Aôm asanê latuo.’ Eɲ kêsôm gebe ‘Nahor latu Betuel, taɲ Milka kêkôc eɲ naɲ, latuo aê.’ Tec aê kakêɲ gêlôɲ geɲ kalenj eɲ lususunj ma kakêɲ joc eɲ kêka.

⁴⁸ Go aê gawec ma aoc gêôc Apômtau ma kalam-binj Apômtau, ɲoc ɲatau Abraham nê Anôtô, taɲ gêwê aê kasa intêna solop e katap ɲoc ɲataunê lasinê latuo sa kêtu ênê latuɲa.

⁴⁹ Ma galoc amac embe têmtac êwiɲ ɲoc ɲatau ma atoc eɲ sa, go asôm ɲawae êndêɲ aê. Embe masi, go asôm amboac tonanjenj, ec jajala gebe anô ê aê me gasê ê aê.”

50 Go Laban agêc Betuel sêjô enj awa gebe “Bin tonanġ gêmênġ anġa Apômtaunê. Aêac atôm gebe asôm binġ nġjam me sec tenġ êndênġ aôm atom.

51 Gôlicgac, Rebeka kêkô aôm lanġômnêm, ôkôc enġ ôna ma ôkênġ enġ êtu nêm nġataunê latunê awê êtôm Apômtau kêsôm.”

52 Gêdênġ taġ Abrahamnê sakinġwaga gênġô binġ tonanġ nanġ, enġ gêu tau gêdênġ Apômtau.

53 Ma sakinġwaga kêkôc gêlônġ silber to gold ma nġakwê jakêkênġ gêdênġ Rebeka. Ma kêkênġ gênġ mata êjamgenġ gêdênġ lunġac to têna amboac tonanġenġ.

54 Ma enġ to nê lau, taġ sêwiġ enġ nanġ, senġ to sênôm gênġ ma gêdênġ gêbêc tonanġ sêc sêwiġ êsêac. Nġagelenġ êsêac dêdi sa ma enġ kêsôm gebe “Asakinġ aê jamu jandênġ nġoc nġatau jana.”

55 Mago têna agêc lu sêsôm gebe “Ôlôc gebe nġapalêo êmoa êwiġ aêac bêc nġagêdô amboac bêc 10 su, go aêc ana.”

56 Tagenġ enġ kêsôm gebe “Akôc aê tônġ atom gebe Apômtau gêjam gôlinġ nġoc lêġ. Asakinġ aê, gebe jaêc jamu jandênġ nġoc nġatau jana.”

57 Êsêac sêsôm gebe “Aêac amôêc nġapalêo to atu kênac enġ tau.”

58 Ma êsêac sêmôêc Rebeka ma sêsôm gêdênġ enġ gebe “Aôm gobe ôwiġ nġac tonec me masi.” Enġ kêsôm gebe “Aê gabe jawiġ.”

59 Tec êsêac sêkênġ lunġio agêc ênê jaomwagao to Abrahamnê sakinġwaga to nê lau sêja.

60 Ma êsêac sêjam mec Rebeka ma sêsôm gêdênġ enġ gebe “O awêenec, ôtu lau taêsam tenenġi ma lau, taġ sêkênġ kisa nêm wakuc nanġ, nênġ malac êtu nêm wakucnênġ.”

61 Go Rebeka to nê sakiŋwagao dêdi ma sêpi kamele ma têdaguc ŋac tau sêja. Amboac tonan sakiŋwaga kêkôc Rebeka ma gêc gêja.

62 Ma Isak gêja gamêŋ, taŋ bumata Ber-Lahai-Roi kêpoac nan, jagêŋgôn gamêŋ Negeb.

63 Gêdêŋ kêtula teŋ Isak kêsêlêŋ gêmoa kôm ŋalêlôm gebe taê ênam nê biŋ ŋagêdô e gêôc mataanô sa ma gêlic kamele sêmêŋ.

64 Ma Rebeka gêôc mataanô sa ma gêlic Isak. Tec kêsêp aŋga kamele

65 ma kêsôm gêdêŋ sakiŋwaga gebe “Asa tê kêpuc aêac tôŋtôn nê.” Sakiŋwaga gêjô eŋ awa gebe “Ŋoc ŋatau tau tônê.” Tec eŋ kêkôc nê obo ma kêgêduc tau.

66 Ma sakiŋwaga gêjac miŋ biŋ samob, taŋ gêgôm nan, gêdêŋ Isak.

67 Go Isak gêwê Rebeka kêsô têna Sara nê becobo gêja ma kêkôc eŋ kêtû ênê awê ma têtac gêwiŋ eŋ. Isak têna gêmac êndu, mago biŋ tonan gêjam malô ênê ŋalêlôm. * tonan.

25

Abrahamnê wakuc, taŋ Keturâ kêkôc

1 Abraham gêjam awê teŋ, ênê ŋaê gebe Keturâ.

2 Eŋ kêkôc Simran, Joksan, Medan, Midian, Isbak to Sua.

3 Joksan kêka Seba agêc Dedan lasê. Dedan latui lau Asurim to Letusim ma Leumim.

4 Midian latui tonec Epa, Eper, Hanok, Abida to Elda. Lau samob tonan ŋai têtû Keturânê gôlôac.

5 Ma Abraham gêwi nê gêŋ samob siŋ gêdêŋ Isak.

* 24:67: Lau ŋanô nêŋ mêtê sêsôm biŋ êtu tôŋŋa teŋ

⁶ Mago Abraham kêkêñ awamata gêdêñ nê laou ñagêdô nêñ gôlôac ma kêsakiñ êsêac sêja gamêñ oc kêpiña sêmoa jaêc latu Isak. Biñ tonañ enj gêgôm gêdêñ gêmoa mata jaligenj.

Abraham gêmac êndu to sêsunj enj

⁷ Abrahamnê bêc to jala gêmoañja kêtôm jala 175.

⁸ Ma katu gêwi Abraham siñ ma gêmac êndu. Abraham gêboa nê jala sa têtû taêsam ma kêtû ñamalac su e kêsaê gebe kêtôm enjgac. Tec Apômtau kêkalem enj jagêwiñ nê laou, tañ sêmac sêmunj enj nañ.

⁹ Latuagêc Isak agêc Ismael sêsunj enj kêsêp pocgêsunj Mak-Pela, tañ gêc ñac gamêñ Hetña Sohar latu Epronê kôm gêc Mamre ñagamêñ oc kêpiña nañ.

¹⁰ Kôm tonañ Abraham gêjam ôli su anja laou gamêñ Hetña nêñ. Anja ônê sêsunj Abraham gêc gêwiñ nê awê Sara.

¹¹ Abraham gêmac êndu ma Anôtô gêjam mec latu Isak. Isak tec gêmoa bumata Ber-Lahai-Roi ñagala.

Ismaelnê wakuc

¹² Saranê sakiñwagao Aiguptuo Hagar latu Ismael, tañ Abraham kêka enj lasê nañ, nê wakuc tonec.

¹³ Ismael latu i nêñ ñaê tonec. Ac têdênañ ñaê kêtôm tenenji kêkôc êsêacña. Ismaelnê ñacsêga Nebajot ma Kedar, Adbel, Mibsam,

¹⁴ Misma, Duma, Masa,

¹⁵ Hadad, Tema, Jetur, Napis to Kedema.

¹⁶ Ismael latui tau tonañ ma êsêacnêñ ñaê tau kêtôm nêñ malac to gamêñ sêngôñña. Kásêga 12 têtôm nêñ gôlôacmôkê.

17 Ismaelnê jala gêmoa nomña tonec gebe 137. Katu gêwi enj sinj ma gêmac êndu jagêwiñj nê lau.

18 Nê wakuc sêngôñj gamêñj Hawila to Sur, tañj gêc kêkanôñj Aiguptu gêmu kêsô Asuriaña nanj ñasawa. Ac sêngôñj sêwiñj tawanj atom.

Esau agêc Jakob nêñj biñj

19 Abraham latu Isak nê wakuc tau tonec. Isak tama Abraham.

20 Isaknê jala kêtû 40, go gêjam Rebeka kêtû ênê awê. Rebeka enj ñac Aram ña anja Mesopotamia Betuel latuo, ñac Aramña Laban nê lu.

21 Ma Isak ketenj mec gêdêñj Apômtau kêtû nê awêña gebe enj awê kapoac tenj. Apômtau kêkêñj taña ênê mec e ênê awê Rebeka taê.

22 Ôlinjbôm sêmônaj tauñj sêmoa enj têtaclêlôm ma enj kêsôm gebe “Embe amboac tonaj, nanj jamoa êtu asagenja.” Tec gêja gebe êtu kênac Apômtau.

23 Ma Apômtau kêsôm gêdêñj enj gebe “Gôlôacmôkê luagêc sêmoa aôm têmtaclêlôm ma aôm ôkôc laum luagêc, mago sêwa tauñj êkôc.

Tenj toôliwalô êlêlêc tenj su ma ñacsêga ênam sakiñj ñacsauñj.”

24 Gêdêñj ñanoc êkôc ñapalêña, tec kêkôc ôlinjbôm.

25 Ñac ñamata, tañj kêsa nanj, kokoc ma ôlilu amuc-amuc, tec sê ênê ñaê gebe Esau.

26 Go lasi kêsa ma lêma kêkôc Esau agêbi tôñj, tec sêsam enj gebe Jakob. Isaknê jala kêtû 60, tec tenenji kêkôc êsêagêc.

27 Ñapalê têtû kapôênj ma Esau kêtû ñac lêma gwadaña, tañj kêpê talam lêma kata gêjac laoc

gamêngen. Ma Jakob kêtû ñac wapac to ñañêñ, tañ gêngôn becoo.

²⁸ Isak têtac gêwiñ Esau gebe eñ geñ gwada gêjac ñawae. Mago Rebeka têtac gêwiñ Jakob.

²⁹ Gêdêñ ñasawa teñ Jakob geno gabab ma Esau anga kôm gêmêñ totêkwa gêbacgeñ

³⁰ ma Esau kêsôm gêdêñ Jakob gebe “Ôkêñ gêñ kokoc tonañ sebenj êndêñ aê mênjaniñ gebe aê tekoc gêbac.” Kêtû tonañña sêsam eñ gebe Edom.

³¹ Mago Jakob kêsôm gebe” Ôkêñ nêñm gêñlênsêñm ñacsêgaña êndêñ aê jawê kaiñ acgom.”

³² Esau kêsôm gebe “Gôlicgac me, aê oc jamac êndu. Gêñlênsêñm ñacsêgaña ênam aê sa amboac ondoc.”

³³ Jakob kêsôm gebe “Ôtôc lêmam êmuñ acgom.” Ma eñ kêtôc lêma ma kékêñ nê gêñlênsêñm ñacsêgaña gêdêñ Jakob gêwê kaiñ.

³⁴ Go Jakob kékêñ polom to gabab gêdêñ eñ. Ma eñ geñ to gênôm gêñ su, go gêdi ma gêc gêja. Tec Esau gêlic gêñlênsêñm ñacsêgaña amboac gêñ ñaôma.
*

26

Isak gêmoa gamêñ Gerar to Ber-Seba

¹ Ma tóbôm teñ kêsá anga gamêñ tonañ. Tóbôm, tañ kêsá gêdêñ Abrahamnê têm nañ, teñ. Ma Isak gêdêñ Pilistinêñ kiñ Abimelek gêja Gerar.

² Ma Apômtau geoc tau lasê gêdêñ eñ ma kêsôm gebe “Ôsêp Aiguptu ôna atom. Ômoa gamêñ, tañ jasôm ñabiñ êndêñ aôm nanjen.

* **25:34:** Edom ñam gebe Kokoc.

³ amoa gamêṅ tau amboac ṅac jaba ma aê gabe jawiṅ aôm to janam mec aôm. Aê gabe jakêṅ gamêṅ tonañ samob êndêṅ aôm to nêm wakuc ma gabe jaṅgôm biṅ, taṅ katôc lemoc gêdêṅ tamam Abraham naṅ ṅanô êsa.

⁴ Aê gabe jaṅgôm nêm wakuc têtû taêsam ṅanô lasê têtôm utitalata umboṅṅa ma gabe jakêṅ gamêṅ samob tonañ ṅai êndêṅ nêm wakuc ma laum nomṅa samob têtap nêm wakucnêṅ mec ṅamoasiṅ sa,

⁵ gebe Abraham taṅa wamu aê aoc ma kêmasaṅ ṅoc ṅagôliṅ to ṅoc biṅsu ma ṅoc biṅ to ṅoc jatu.”

⁶ Tec Isak gêmoe Gerar.

⁷ Gêdêṅ taṅ lau malac tonañṅa têtû kênac eṅ kêtû nê awêṅa naṅ, eṅ kêsôm gebe “Aê luco eṅ,” gebe eṅ kêtêc tau, tec kêsôm gebe “Aêṅoc awê eṅ” atom. Eṅ taê gêjam gebe Moae lau gamêṅ tonecṅa sênac aê êndû êtû Rebekaṅa, gebe eṅ awê ṅajam.

⁸ Eṅ gêmoe gamêṅ tau ṅasawa ec baliṅ su, tec bêc teṅ Pilistinêṅ kiṅ Abimelek kêtuc kêniṅ kêsa katam saṅ ma gêlic Isak kêtû samuc Rebeka.

⁹ Tec Abimelek gêmôêc Isak ma kêsôm gebe “Amboac ondoc, eṅ aôm nêm awêgoc. Aôm kôsôm gebe aôm lômo eṅ naṅ amboac ondoc.” Isak kêsôm gêdêṅ eṅ gebe “Aê gaboc moae jamac êndû êtû eṅṅa.”

¹⁰ Abimelek kêsôm gebe “Aôm gôgôm aêac amboac ondoc. Aêṅoc launêṅ teṅ embe êmoa êwiṅ nêm awê, go aôm nêm keso ṅagêjô êtap aêac sa.”

¹¹ Tec Abimelek gêjac biṅsu lau samob gebe “Lau, taṅ sêmoasac ṅac tonec me nê awê naṅ, sênac êsêac êndû.”

12 Ma Isak kêsê gêñ kêsêp gamêñ tonañ ma gêjam ñanô kêlêlêc ñêñgeñ su. Apômtau gêjam mec eñ,

13 tec ñac tau kêtú ñac tolêlôm ma nê awa kêtú kapôêñ e kêsâlê eñ auc.

14 Ênê domba to bulimakao taêsam sêmoa ma sakinwaga gwalêkin. Pilisti sêlic e têtac sec.

15 Bumata samob, tañ tamanê sakinwaga sêkwê gêdêñ tama Abraham nê têm nañ, Pilisti sêsun auc ma sêkêñ nom kêsêp.

16 Ma Abimelek kêsôm gêdêñ Isak gebe “Ôêc ôna gebe aôm kôtu ñaclai ñatau kôlêlêc aêac su.”

17 Amboac tonañ Isak gêwl gamêñ ônê sin jagêjam bec anga gaboañ Gerar ma gêngôn tônê.

18 Ma Isak kêgawê bumata, tañ sêkwê gêdêñ tama Abraham nê têm nañ sa kêtiam. Abraham gêmac êndu, tec Pilisti sêsun bumata tonañ auc. Ma eñ gê ñaê, tañ tama Abraham gê su nañ sa kêtiam.

19 Mago gêdêñ tañ Isaknê sakinwaga sêkwê bumata anga gaboañ e têtap bu sa nañ,

20 gejobwaga bôcña anga Gerar sêsôm Isaknê gejobwaga bôcña gebe “Bu tonec aêacma.” Tec eñ kêsam bumata tau gebe “Esek,” gebe êsêac sêsôm eñ.

21 Ma êsêac sêkwê bumata teñ kêtiam ma sêsôm taun kêtú bu tonañña amboac tonañgeñ. Tec eñ kêsam bumata tau gebe “Sitna.”

22 Ma eñ gêwi gamêñ tônê sin ma kêkwê bumata wakuc teñ. Êsêac sêsôm taun kêtú bu tonañña atom, tec kêsam ñaê gebe “Rehobot,” + ma kêsôm gebe “Galoc Apômtau kêkêñ ñasawa gêdêñ aêac gebe tatu taêsam anga gamêñ tau.”

23 Anga ônê Isak jakêpi Ber-Seba.

24 Ma Apômtau geoc tau lasê gêdênj enj gêdênj gêbêc tonanĵ ma kêsôm gebe “Tamam Abraham nê Anôtô aê. Ôtêc taôm atom gebe aê jawinĵ aôm ma gabe janam mec aôm to jakêĵ nêĵ wakuc têtû taêsam kêtû ĵoc sakinĵwaga Abrahamĵa.”

25 Ma Isak gêboa altar tenĵ sa ma awa gêjac Apômtaunê ĵaê, go gê becobo. Ma Isaknê sakinĵwaga sêkwê bumata tenĵ.

Isak agêc Abimelek sêmoatinĵ poac

26 Go Abimelek anĵa Gerar gêdênj enj gêĵa. Nê ĵac Ausat to nê sinĵwaganêĵ ĵac ĵamatanaĵa Pikol sêwinĵ enj.

27 Isak kêsôm gêdênj êsêac gebe “Amac têtmac gedec aê, tec ajanda aê anĵa nêĵ gamêĵ ma galoc amêĵ kêtû agenĵa.”

28 Êsêac sêsôm gebe “Aêac alic gêc awêgenĵ gebe Apômtau gêwinĵ aôm, tec taênĵ gêĵam gebe awinĵ aôm ma tatôc lemenĵ ma tamoatinĵ poac êndênĵ taunĵ,

29 gebe aôm ôĵgôm aêac sec atom êtôm aêac amoasac aôm atom ma agôm aôm ĵajamgenĵ e asakinĵ aôm tobinĵmalôgenĵ gôêc gômôênĵ. Apômtaunê mec kêpi aôm sugac.”

30 Tec Isak geno moasinĵ gêdênj êsêac senĵ to sênôm.

31 Gêdênj bêbêc kanucgenĵ ac dêdi ma têtôc lemenĵ gêdênj taunĵ ma Isak kejonĵ êsêac ma êsêac sebonĵ taunĵ tobinĵmalôgenĵ.

32 Gêdênj bêc tonanĵ Isaknê sakinĵwaga dêdênj enj sêĵa ma sêkêĵ ĵawae gêdênj enj kêtû bumata, taĵ sêkwê nanĵa, ma sêsôm gêdênj enj gebe “Aêac atap bu sa.”

³³ Eñ kêsam bumata tau gebe “Siba,” ñam gebe Tatôc lemeñ. Kêtu tonañña malac ñaê gebe Ber-Seba e mênghêdên galoc.

³⁴ Esaunê jala kêtu 40 ma eñ gêjam ñac gamêñ Hetña Beri nê latuo Judit to ñac Hetña Elon nê latuo Basemat têtû ênê awê agêc.

³⁵ Ma êsêagêc sêgôm Isak agêc Rebeka nêñ ñalêlôm ñawapac sec. * † ‡ §

27

Jakob gêjam gengeñ tamanê mec

¹ Isak kêtu ñamalacanô ma mataanô kêtu waô e gêlic gamêñ kêtôm atom. Gêdên tonañ eñ gêmôêc nê ñacsêga Esau ma kêsôm gêdên eñ gebe “Latucenec.” Ma eñ gêjô eñ awa gebe “Aê tec gamoa.”

² Ma eñ kêsôm gebe “Gôlicgac me, aê katu ñamalacanô sugac ma gajam kauc ñoc bêc jamac ênduñ.

³ Tec ôkôc nêñ waba gwadaña, nêñ talam to sôb naôtap gwada sa anga saleñ êtu aêña

⁴ ma ômansañ gêñ tau êtôm aê têtac êwiñ, go ôkôc mênjaniñ gebe janam mec aôm su acgom, go jamac êndu.”

⁵ Ma Rebeka tanasun gêjac biñ, tan Isak kêsôm gêdên latu Esau nan. Esau gêja saleñ kêtu êkôc gwadaña su acgom,

⁶ go Rebeka kêsôm gêdên latu Jakob gebe “Aê ganô tamam kêsôm biñ gêdên têwam Esau gebe

* **26:35:** Esek ñam gebe Kisa. † **26:35:** Sitna ñam gebe Siñ.
 ‡ **26:35:** + Rehobot ñam gebe Ñasawa. § **26:35:** Ber-Seba ñam gebe Bumata têtôc lemeñña. Alic 21:31.

7 ‘Ôkôc gwada êtu aêᶇa, mênᶇômansaᶇ gêᶇ tau gebe janiᶇ ma janam mec aôm êmuᶇ jakô Apômtau laᶇônêmᶇa, go jamac êndu.’

8 Kêtu tonanᶇa, latucenec, taᶇam wamu ᶇoc biᶇ, tec jajatu aôm nec.

9 Ôna ôkôc noniᶇ ᶇalatu kapoac luagêc anᶇa ᶇatonᶇ mênᶇjamansaᶇ tamamnê gêᶇ êtôm têtac êwiᶇ

10 ma ôkêᶇ êndêᶇ tamam êniᶇ gebe ênam mec aôm êmuᶇ, go êmac êndu.”

11 Mago Jakob kêsôm gêdêᶇ têna Rebeka gebe “Aôm gôlic gebe teoc Esau eᶇ ᶇac ôlilu amuc-amuc, mago aê ôlic selec.

12 Moae tamoc êmoasac aê e ênsaê gebe kasau eᶇ ma êpuc boa aê êᶇo mec su.”

13 Têna kêsôm gêdêᶇ eᶇ gebe “Latucenec, biᶇ êpuc boa aômᶇa êpi aê. Aôm taᶇam wamu ᶇoc biᶇ naôkôc gêᶇ tau ômôêᶇ.”

14 Tec eᶇ gêᶇa ma kêkôc gêᶇ luagêc jakêkêᶇ gêdêᶇ têna. Ma têna kêmasaᶇ gêᶇ kêtôm tama têtac gêwiᶇ.

15 Go Rebeka kêkôc ᶇacsêga Esau nê ᶇakwê omᶇa, taᶇ gêc tênanê andu naᶇ, ma kêkêᶇ gêdêᶇ ᶇac saᶇᶇ Jakob kêsô.

16 Ma kêkwa Jakob lêma to gêsutêkwa auc ᶇa noniᶇ ᶇaôlic.

17 Go kêkêᶇ gwada to polom, taᶇ eᶇ kêmasaᶇ naᶇ, kêsêp latu Jakob lêma.

18 Ma eᶇ kêsô gêdêᶇ tama jakêsôm gebe “Tamoc.” Ma eᶇ kêsôm gebe “Aê tec gamoa. Latucenec, aôm asa.”

19 Jakob kêsôm gêdêᶇ tama gebe “Nêm ᶇacsêga Esau aê. Aê gagôm biᶇ, taᶇ kôsôm gêdêᶇ aê naᶇ, ᶇanô kêsa. Galoc ôndi sa ma ôniᶇ ᶇoc gwada gebe

ônâ meç aê.”

²⁰ Mago Isak kêsôm gêdêŋ latu gebe “Latucenec, amboac ondoc, tec kôtap gwada sa seben.” Eŋ gêjô eŋ awa gebe “Ŋam gebe Apômtau, aômnmê Anôtô tau, kêkêŋ gêdêŋ aê.” Go Isak kêsôm gêdêŋ Jakob gebe

²¹ “Latucenec, ômôêŋmaŋ, gebe jamoasac aôm e jajala gebe latuc Esau aôm biŋŋanô me masi.”

²² Tec Jakob jakêsa tama Isak ŋagala. Eŋ kêmoasac eŋ ma kêsôm gebe “Awam kêtôm Jakob awa, mago lêmam kêtôm Esau lêma.”

²³ Ma eŋ kêjala eŋ atom gebe lêma amuc-amuc kêtôm têwa Esau lêma, tec gêjam mec eŋ.

²⁴ Eŋ kêsôm gebe “Aôm latuc Esau biŋŋanô me masi.” Eŋ gêjô eŋ awa gebe “Aê tau tonec.”

²⁵ Go eŋ kêsôm gebe “Ôkêŋ gêŋ êndêŋ aê mênjaniŋ latucnê gwada ma janam mec aôm.” Tec eŋ kêkêŋ gêŋ gêdêŋ eŋ geŋ ma kêkêŋ wain gêdêŋ eŋ gênôm.

²⁶ Go tama Isak kêsôm gêdêŋ eŋ gebe “Latucenec, mênôtu gasuc ma ôlêsôp aê.”

²⁷ Ma eŋ kêtû gasuc to kêlêsôp eŋ. Ma Isak gêŋu ênê ŋakwê ŋamalu ma gêjam mec eŋ to kêsôm gebe “Gôlicgac me, latucnê ŋamalu kêtôm kôm, taŋ Apômtau gêjam mec naŋ, ŋamalu gêjam saŋiŋ.

²⁸ Anôtô êkêŋ maniŋ umbonŋa êsêlô êpi aôm to nom ŋalêsi ma polom to wain ŋanô lasê.

²⁹ Eŋ êkêŋ tentenlatu sênam sakiŋ aôm to laum sewec êndêŋ aôm.

Ôtu lasiminêŋ ŋatau to tênam latui sewec êndêŋ aôm.

Aê japuc boa lau, taŋ sêpuc boa aôm

to janam mec êsêac, taŋ sênam mec aôm.”

³⁰ Isak gêjam mec Jakob su ma Jakob gêwi tama Isak siŋ dambêgeŋ, ma têwa Esau aŋga salen gêmêŋ.

³¹ Eŋ kêmasaŋ nê gwada amboac tonan ma kêkêŋ gêdêŋ tama. Ma eŋ kêsôm gêdêŋ tama gebe “O tamoc, ôndi sa ma ôniŋ latômnê gwada gebe ônam mec aê.”

³² Tama Isak kêsôm gêdêŋ eŋ gebe “Aôm asa.” Eŋ gêjô eŋ awa gebe “Aôm latôm ŋacsêga aê, Esau.”

³³ Go Isak kêtakê ŋanôgeŋ ma kêsôm gebe “Amboac ondoc, aôm gômôeŋ atomgeŋ ma asa kêtap gwada sa to kêkêŋ gêdêŋ aê gaen ma gajam mec eŋ su. Biŋŋanô, mec kêpi eŋ sugac, oc êwê kainj.”

³⁴ Esau gêŋô tamanê biŋ tonan ma kêwakic to kêtaŋ lasê ma kêsôm gêdêŋ tama gebe “O tamoc, ônam mec aê amboac tonanŋeŋmaŋ.”

³⁵ Mago eŋ kêsôm gebe “Lasim gêmêŋ kêbôli tau kêpi aôm ma kêjaŋgo aômnêm mec su.”

³⁶ Ma Esau kêsôm gebe “Ac sê ênê ŋaê gebe Jakob jagêdêŋgeŋ gebe eŋ kêsau aê kêtû dim luagêc sugac. Eŋ kêjaŋgo ŋoc gêŋlênsêm ŋacsêgaŋa ma galoc eŋ kêjaŋgo ŋoc mec su gêwiŋ.” Go eŋ kêsôm gebe “Aôm kôgamiŋ mec teŋ kêtû aêŋa me masi.”

³⁷ Isak gêjô Esau awa gebe “Ôlic acgom, aê kakêŋ eŋ kêtû nêm ŋatau ma kakêŋ lasii samob gêdêŋ eŋ gebe têtû ênê sakiŋwaga ma kakêŋ polom to wain gêdêŋ eŋ gêwê kainj. O latucenec, aê janam aôm sa ŋa gêŋ amboac ondoc.”

³⁸ Esau kêsôm gêdêŋ tama gebe “O tamoc, aômnêm mec tagenŋeŋ gêc me masi. O tamoc, ônam mec aê amboac tonanŋeŋmaŋ.” Ma Esau gêôc awa

sa ma kêtañ lasê.

³⁹ Go tama Isak gêjô enj awa gebe
“Malam ôngôñña ênêc jaêc kôm tonjalêsi
to gamêñ manin umbonña êsêlô êsêpña.

⁴⁰ Nêm sinj êlôm aôm
ma ônam sakinj lasim.

Mago embe ôngôm ôtu wakac,
go bêc tenj ônsaic ênê sakinj su
êkôninj aôm tôñ êtiam atom.

Isak kêsakinj Jakob gêja Haran

⁴¹ Galoc Esau têtac gedec Jakob kêtû mec, tañ
kêtap sa anja tamanê nanña. Ma Esau kêsôm gêdêñ
tau gebe “Bêc tatanj tañiboa êtu tamocña kêdabinj.
Su, go janac lasic Jakob êndu.”

⁴² Rebeka gêñô latusêga Esau nê binj tonañ
ñabonña, tec kêsakinj binj gêdêñ ñac saunj Jakob ma
kêkalem enj ma kêsôm gêdêñ enj gebe “Ôlic acgom,
têwam Esau gebe êkac kamocgôc. Enj gebe ênac aôm
êndu, tec kêkic aômñêm binj.

⁴³ Kêtu tonañña, latucenec, tañam wamu aê aoc.
Ôndi ôêc ôndêñ lucñac Laban ôna Haran.

⁴⁴ Ômoa ôwiñ enj têm ñagêdô e têwamnê ñalêlôm
êtu malô

⁴⁵ e têtac ñandanj êôñ su ma êlinj binj, tañ gôgôm
gêdêñ enj nanj sinj, ocgo jasakiñ binj êwac gebe ômu
ômôêñ. Êtu asagenña amagêc lulugenj anaña awi aê
sinj êndêñ bêc tagenj.”

⁴⁶ Ma Rebeka kêsôm gêdêñ Isak gebe “Aê ôlic
ñakam kêtû lau gamêñ Hetña nêñ lauonja. Jakob

embe ênam lau Hetᵑa nêᵑ awê teᵑ êwiᵑ êtôm lao-coagêc, awê teᵑ aᵑga lau gamêᵑ tonecᵑa nêᵑ, go aê jamoa nom êtu agenᵑa.”

28

Jakob gêdi gêja gamêᵑbôm

¹ Go Isak gêmôêc Jakob ma gêjam mec eᵑ, go kêjatu eᵑ ma kêsôm gebe “Ônam awê gamêᵑ Kanaanᵑa teᵑ êtu nêᵑ awê atomanô.

² Ôndi ôêc ôna Mesopotamia ôndêᵑ tênam tama Betuel nê andu ma ônam awê teᵑ aᵑga tênamnê luᵑac Laban nê latuionêᵑ.

³ Najaᵑa ᵑatau Anôtô ênam mec aôm gebe ôtap gôlôac wakuc sa e ôtu taêsam ma ôtu lau tom-tom.

⁴ Eᵑ êkêᵑ Abrahamnê mec ᵑanô êndêᵑ aôm to nêᵑ wakuc, gebe nom, taᵑ Anôtô kêkêᵑ gêdêᵑ Abraham ma aôm gômoa amboac ᵑac jaba naᵑ, êtu aômnmêᵑ gêᵑ.”

⁵ Amboac tonanᵑ Isak kêsakiᵑ Jakob gêja Mesopotamia gêdêᵑ ᵑac Aramᵑa Betuel latu Laban, Esau agêc Jakob teneᵑi Rebeka nê luᵑac.

Esau gêjam awê teᵑ

⁶ Esau gêlic gebe Isak gêjam mec Jakob ma kêsakiᵑ eᵑ gêja Mesopotamia gebe ênam awê aᵑga ônê ma gêdêᵑ taᵑ gêjam mec eᵑ naᵑ, kêjatu eᵑ gebe “Ônam awê gamêᵑ Kanaan ᵑa teᵑ êtu nêᵑ awê atomanô,”

⁷ ma Jakob taᵑa wamu tama agêc têna ma gêc gêja Mesopotamia.

⁸ Tec Esau kêjala gebe tama Isak gêlic lauo gamêᵑ Kanaanᵑa ᵑjam atom

⁹ ma Esau gêdêḡ Ismael gêja ma gêjam Abraham latu Ismael latuo, Nebajot luo Mahalat kêtû ênê awê gêwiḡ awêlu, taḡ eḡ gêjam su naḡ.

Jakob gêc mê aḡga Betel

¹⁰ Jakob gêdi aḡga Ber-Seba kêsêlêḡ kepeḡ Haran gêja

¹¹ e kêsâ ḡasawa teḡ jagêc gebe oc kêsêp su. Eḡ kêkôc poc, taḡ sêc gamêḡ tonañ naḡ, ḡateḡ geden kêtû nê kwalim ma kêsâ tau sic gebe ênêc bêc.

¹² Ma gêc mê gebe têcwale teḡ kêkô nom ma ḡatêpôê jadiḡgeḡ undambê. Ma Anôtônê aḡjela sêpi-sêsêp sêmoa têc.

¹³ Ma gêlic Apômtau kêkô têcôḡa ma kêsôm gebe “Apômtau, tamamagêc Abraham agêc Isak nêḡ Anôtô aê. Nom, taḡ gôêc naḡ, aê gabe jakêḡ êndêḡ aôm to nêḡ wakuc.

¹⁴ Ma aôm nêḡ wakuc oc ḡanô lasê têtôm gaḡjac gwêcḡa ma sêlaiḡ tauḡ sêḡu gamêḡ oc kêsêp to oc kêpi ma gamêḡ gêḡu kêsêp to gêḡu kêpiḡa sêna ma aôm to nêḡ wakuc nêḡ mec ḡamoasiḡ êmoasiḡ gôlôac to gôlôac êtôm nom ḡagamêḡgeḡ êna.

¹⁵ Gôlicgac me, aê gawiḡ aôm ma gabe jajop aôm êtôm nêḡ lêḡ ôsaḡa samobgeḡ ma gabe jawê aôm e ôḡu ômôêḡ gamêḡ tonec êtiam, gebe aê jawi aôm siḡ atom e jaḡgôm biḡ, taḡ gajac mata gêdêḡ aôm naḡ ḡanô êsa acgom.”

¹⁶ Jakob gêc bêc e mata gêlac ma kêsôm gebe “Biḡḡanôgeḡ, Apômtau gêmoa gamêḡ tonecgoc ma aê gajam kauc.”

¹⁷ Ma eḡ kêtêc tau ma kêsôm gebe “Gamêḡ tonec gamêḡ dabuḡgoc. Anôtô tau nê andu ma undambê ḡasacgêdô tonec.”

18 Gêdêñ bêbêc kanucgen Jakob gêdi sa ma gêjac poc, tañ gedên kêtû nê kwalim nañ, sa kêkô kêtû ñabelo ma kêkêc niptêkwi kêpi poc tau.

19 Enj kêsam gamêñ tau ñaê gebe Betel. Gêmungen sêsam malac tonan ñaê gebe Lus.

20 Ma Jakob gêjac mata biñ amboac tonec gebe “Anôtô embe êwiñ aê ma ejop aê anğa intêna, tec jasa nec, ma êkêñ mo aê janiñ to ñakwê aê jasôña êndên aê

21 e jaô lasê tamocnê andu tobiñmalôgen êtiam, go Apômtau êtu ñoc Anôtô.

22 Poc tonec gajac sa kêkô kêtû ñabelo êtu Anôtônê andu. Ma gêñ samob, tañ aôm ôkêñ êndên aê nañ, aê jakêñ gêñ 10-10 ñateñ ñanô-teñ ñanô êtômgen êmu êndên aôm êwac.” *

29

Jakob gêjam sakin Laban gêjô Rahel agêc Lea

1 Go Jakob gêdi ma kêsêlêñ e gêô lasê lau oc kêpiña nêñ gamêñ.

2 Mata geso gamêñ, tec gêlic bumata teñ kêpoac kôm ma domba toñ têlêac sêc ñagala gebe domba têtap nêñ bu sa anğa bumata tau. Poc kapôên kêgadê bumata tau.

3 Domba ñatoñ samob embe sêpi tagen su, go ñagejobwaga sêoc poc su anğa bumata ma sêkêñ bu êndên domba sênôm. Su, go sêkêñ poc êmu ñamala naênğandê bu auc êtiam.

4 Ma Jakob kêsôm gêdên êsêac gebe “O ñoc la-sitêwaiac, amac anğa ondoc.” Êsêac sêsôm gebe “Aêac anğa Haran.”

* 28:22: Betel ñam gebe Anôtônê andu.

5 En kêsôm gêdêḡ êsêac gebe “Amac ajala Nahor latu Laban me masi.” Êsêac sêsôm gebe “Aêac ajala enḡac.”

6 En kêsôm gêdêḡ êsêac gebe “En gêmoa ḡajam me masi.” Êsêac sêsôm gebe “Gêmoa ḡajam. Ôlic en latuo Rahel gêmêḡ gêwiḡ domba.”

7 En kêsôm gebe “Amboac ondoci, oc kêkô ḡaluḡ, tec bôc sêsô sapa sêna atomḡen, akêḡ bu êndêḡ êsêac, go aêc ana gebe sêniḡ ḡêḡwaḡmaḡ.”

8 Mago êsêac sêsôm gebe “Aêac atôm atom tageḡ. Domba ḡatoḡ samob sêpi tageḡ acgom, go aôc poc su aḡḡa bumata ma akêḡ bu êndêḡ domba sênôm.”

9 En ḡêjam biḡalôm gêwiḡ êsêac gêmoa, ma Rahel gêo lasê gêwiḡ tamanê domba gebe en ḡejob êsêac.

10 Jakob ḡêlic sa laḡḡwa Laban nê latuo Rahel to nê domba, go ḡêja ḡêoc poc su aḡḡa bumata ma kêkêḡ bu gêdêḡ sa laḡḡwa Laban nê domba sênôm.

11 Go Jakob kêlêsoḡ Rahel ma kêtḡḡ lasê.

12 Go Jakob ḡêwa tau sa gêdêḡ Rahel gebe “Tamamnê ḡôlôacnêḡ teḡ aê, gebe tinoc Rebeka.” Tec Rahel kêlêti jakêsôm ḡawae gêdêḡ tama.

13 Laban ḡêḡo luo latu Jakob ḡawae ma kêlêti gebe êkôc en sa. En kêmboêḡ to kêlêsoḡ en, go ḡêwê en kêsô nê andu. Jakob ḡêjac nê lêḡ samob ḡamiḡ ḡêdêḡ Laban

14 ma Laban kêsôm gêdêḡ en gebe “Biḡḡanô, aêḡoc ḡatê ḡagêdô aôm.” Ma Jakob gêmoa gêwiḡ en ajôḡ teḡ.

15 Go Laban kêsôm gêdêḡ Jakob gebe “Aôm aḡḡa ḡoc ḡôlôacnêḡ, tec ônam sakiḡ aê ḡaôma me. Ôsômmanḡ, jakêḡ ḡagêḡo amboac ondoci êndêḡ aôm êjô nêm kôm.”

16 Ma Labannê latuoagêc sêmoa, awêsêganê ñaê gebe Lea ma awê saun nê gebe Rahel.

17 Lea lanôanô tutuc, mago Rahel ôli to lanôanô latu-latu.

18 Ma Jakob têtac gêwiñ Rahel, tec enj kêsôm gebe “Aê gabe janam sakinj aôm jala 7 êjô latômo saun Rahel su.”

19 Laban kêsôm gebe “Jakêñ enj êndêñ aôm oc ñajam êlêlêc jakêñ enj êndêñ ñac jaba tenj su. Amboac tonanj ômoa ôwiñ aê.”

20 Tec Jakob gêjam sakinj jala 7 kêtû Rahelña. Enj têtac gêwiñ enj ñanô, tec gêlic ñasawa tonanj kêtôm bêc luagêcgenj.

21 Go Jakob kêsôm gêdêñ Laban gebe “Ôkêñ ñoc awê êndêñ aê gebe jamoa jawiñ enj gebe ñoc têm gêbacnê.”

22 Ma Laban kêkalem lau malacña samob sêpi tagenj ma geno moasiñ tenj.

23 Mago gêdêñ kêtulala enj kêkôc latuo Lea ma gêwê enj gêdêñ Jakob gebe êmoa êwiñ enj.

24 (Laban kêkêñ nê sakinjwagao Silpa gêdêñ latuo Lea gebe ênam sakinj enj.)

25 Ma gêdêñ bêbêcgenj Jakob gêlic gebe Lea. Ma enj kêsôm gêdêñ Laban gebe “Aôm gôgôm aê amboac ondoc. Aê gajam sakinj aôm kêtû Rahel ña atom me. Aôm kôsau aê kêtû asagenña.”

26 Laban gêjô enj awa gebe “Aêacma mêtê gebe awê saunj ênam ñac êmuñ awêsêga nec gêc atom.

27 Agêc amoa awiñ taôm e woke tonec êmbacnê, go aêac akêñ awê tenj êndêñ aôm êwiñ. Ma aôm ônam sakinj aê jala 7 êtiam êjô awê tau.”

28 Jakob gêlic ñajam ma agêc sêmoa sêwiñ taunj

e woke tau gêbacnê, go Laban kêkêñ latuo Rahel gêdêñ eñ gêjam.

²⁹ (Laban kêkêñ nê sakin wagao Bilha gêdêñ latuo Rahel gebe ênam sakin eñ.)

³⁰ Ma Jakob gêmoa gêwiñ Rahel amboac tonanğeñ ma têtac gêwiñ Rahel kêlêlêc Lea su. Ma eñ gêjam sakin Laban jala 7 gêwiñ.

Jakobnê wakuc

³¹ Apômtau gêlic gebe Jakob têtac gedec Lea, tec kêkêñ eñ kêkêkam ñapalê. Mago Rahel eñ awê kapoac.

³² Ma Lea taê ma kêkôc ñapalê ñac ma gê ênê ñaê gebe Ruben gebe eñ kêsôm gebe” Apômtau mata gê ñoc gêñ wapac ma galoc ñoc akweñ oc têtac êwiñ aê.”

³³ Eñ taê kêtiam ma kêkôc ñapalê ñac teñ ma kêsôm gebe “Apômtau gêñô su gebe têtac gedec aê, tec kêkêñ latuc tonec gêwiñ.” Ma gê ênê ñaê gebe Simeon.

³⁴ Eñ taê-kêtiam ma kêkôc ñapalê ñac teñ ma kêsôm gebe “Galoc ñoc akweñ êsap aê tôn gebe aê kakôc ênê latui têtêac.” Kêtu tonanğa eñ gê ênê ñaê gebe Lewi.

³⁵ Ma eñ taê kêtiam ma kêkôc ñapalê ñac teñ ma kêsôm gebe “Galoc aê gabe jalambinğ Apômtau.” Kêtu tonanğa eñ gê ênê ñaê gebe Juda. Go kêkôc gôlôac kêtiam atom. *

30

¹ Rahel kêsaê gebe eñ oc êkôc ñapalê êjô Jakob atom, tec gêjam lêmuñ têtawo ma kêsôm gêdêñ Jakob

* **29:35:** Lau tonanğ sêlic nêñ om awê to ñacğa woke samuc teñ.

gebe “Ôka ñoc gôlôac lasê. Embe masi, oc jamac êndu.”

² Jakob têtac ñandanj kêsa gêdêñ Rahel ma kêsôm gêdêñ eñ gebe “Aê gajô Anôtô su me. Eñ kêgamiñ têtac lêlôm ñañanô gêdêñ aôm.”

³ Go eñ kêsôm gebe “Ñoc sakiñwagao Bilha tonec. Ômoa ôwiñ eñ gebe êkôc ñapalê êngôn aê labucm gebe jatap latuc teñ sa aña ênê.”

⁴ Tec kêkêñ nê sakiñwagao Bilha gêdêñ Jakob kêtú ênê awê ma Jakob gêmoa gêwiñ eñ.

⁵ Ma Bilha taê e kêkôc ñapalê ñac gêjô Jakob.

⁶ Go Rahel kêsôm gebe “Anôtô kêmetôc aê ma kêkêñ taña aê aoc, tec kêkêñ latuc gêdêñ aê.” Kêtú tonañña eñ gê ênê ñaê gebe Dan.

⁷ Ma Rahelnê sakiñwagao Bilha taê kêtiam ma kêkôc latu kêtú luagêcña gêjô Jakob.

⁸ Ma Rahel kêsôm gebe “Aêagêc teoco amônañ taññ ñajanagenj e kaku eñ tulu.” Tec gê ñapalênê ñaê gebe Naptali.

⁹ Lea kêsaê gebe oc êkôc gôlôac êtiam atom, tec kêkôc nê sakiñwagao Silpa ma kêkêñ eñ gêdêñ Jakob kêtú ênê awê.

¹⁰ Ma Leanê sakiñwagao Silpa kêkôc latu teñ gêjô Jakob.

¹¹ Ma Lea kêsôm gebe “Aê katap ñoc ñajam sa.” Ma gê ênê ñaê gebe Gad.

¹² Go Leanê sakiñwagao Silpa kêkôc latu kêtú luagêcña gêjô Jakob.

¹³ Ma Lea kêsôm gebe “Aê gamoa totêtac wapigenj. Binñanô, lauo sêlambiñ aê.” Tec gê ênê ñaê gebe Aser.

¹⁴ Gêdêñ têm sejoñ kôm ñanô saña nañ, Ruben

gêja kôm ma kêtap kañanô ñagêdô sa, tañ lauo kapoac sêkôc êtu sêkêkam ñapalêña. Enj kêkênj gêdênj têna Lea. Ma Rahel kêsôm gêdênj Lea gebe “Ôkênj latômnê kañanô êndênj aêmañ.”

15 Ma Lea kêsôm gebe “Amboac ondoc, aôm kôjañgo ñoc akwenj su, nec gôlic amboac gêñ ñaôma me. Ma galoc gobe ôkôc latucnê ka ñanô su amboac tonanjenj me.” Ma Rahel kêsôm gebe “Amboac tonanjenj êmbêc tonec êmoa êwiñ aôm êjô latômnê ka ñanô.”

16 Gêdênj kêtula Jakob gêmu gêmênj anja kôm ma Lea kêpuc enj têtôtênj ma kêsôm gebe “Ôndênj aê ômôênjmañ gebe aê gajam ôli aôm ña latucnê ka ñanô.” Tec gêmoa gêwiñ enj gêdênj gêbêc tonanjenj.

17 Ma Anôtô kêkênj taña Lea e taê ma kêkôc latu kêtulemenj tenja gêjô Jakob.

18 Ma Lea kêsôm gebe “Anôtô kêkênj latuc tenj gêdênj aê gêjô aê kakênj ñoc sakinwagao gêdênj ñoc akwenj.” Ma gê ênê ñaê gebe Isakar.

19 Go Lea taê kêtiam ma kêkôc latu kêtulemenj Jakob.

20 Ma Lea kêsôm gebe “Anôtô kêkênj gêñ ñajam gêdênj aê. Galoc ñoc akwenj etoc aê sa gebe aê kakôc latuci 6 gêjô enj.” Ma enj gê ênê ñaê gebe Sebulon.

21 Tonanjenj su, go enj kêkôc latuo tenj ma gê ênê ñaê gebe Dina.

22 Go Anôtô taê gêjam Rahel ma kêkênj taña enj ma gêlôc sa gebe êkôc ñapalê.

23 Enj taê ma kêkôc ñapalê ma kêsôm gebe “Anôtô gesenjenj ñoc binjenj majocña su,”

24 ma gê ênê ñaê gebe Josep ma kêsôm gebe “Apômtau êkênj latuc tenj mênjênj.”

Jakob kêmasañ biñ gêdêñ Laban

²⁵ Rahel kêkôc Josep su, go Jakob kêsôm gêdêñ Laban gebe “Ôsakin aê jamu jana ñoc malac to ñoc gamêñ.

²⁶ Ôkêñ ñoc lauo to ñoc gôlôac êndêñ aê gebe aê gajam sakin aôm kêtú êsêacña. Ôlôc, go jaêc jana. Aôm kôjala sakin, tañ gajam gêdêñ aôm nanğac.”

²⁷ Ma Laban kêsôm gêdêñ eñ gebe “Ôlic aê ñajammañ. Aê kapuc kapoac ma katap sa gebe Apômtau gêjam mec aê kêtú aômña.

²⁸ Ôsam nêñ ñaôli ma aê gabe jakêñ êndêñ aôm.”

²⁹ Ma Jakob kêsôm gêdêñ eñ gebe “Taôm kôjala sakin, tañ gajam nañ, ma gôlic nêñ bulimakao to bôc ñagêdô sêmoa ñalêñ gêdêñ aê gajob êsêacña,

³⁰ gebe luagêcgeñ sêmoa gêdêñ aê gamêñ atomgeñ ma galoc têtú taêsam, ma Apômtau gêjam mec aôm gêdêñ ñasawa, tañ aê gamoa gawin aôm nañ. Mago galoc amboac ondóc. Aê janam kôm janam tauc ñoc gôlôac sa êndêñ ondócgeñ.”

³¹ Ma Laban kêsôm gebe “Amboac tonañ aê jakêñ asageñ êndêñ aôm.” Ma Jakob gêjô eñ awa gebe “Ôkêñ gêñ teñ êndêñ aê atom. Aôm embe ôlôc êndêñ ñoc biñ tonec, go aê jatu gejobwaga ma jajop nêñ bôc êtiam.

³² Galoc aê janac nêñ bôc pebeñ kêsi ma jajalin bôc ôlin komokom to tictêla-tictêla samob sa ma domba jejec to nonin komokom to tictêla-tictêla amboac tonañgeñ ma gêñ tonañ têtú ñoc ñaôli.

³³ Êtu ñamu biñ tonec êwaka aê sa gebe aê ñac gêdêñ gebe Aôm embe ômôêñ gebe ônac ñoc ñaôli kêsi ma ôlic nonin, tañ ôlin komokom to tictêla-tictêla atom to domba, tañ jejec atom nañ ñaten, go

ôlic aê amboac ñac geñgeñ.”

³⁴ Laban kêsôm gebe “Ñajam, amboac tonañ nêmbiñ êtu tôñ.”

³⁵ Mago gêdêñ bêc tecenañ Laban kêkôc noniñ kapoac talô-talô to tictêla-tictêla ma noniñ têna ôliñ komokom to tictêla-tictêla samob su, samob, tañ ôliñ sêpsêp ñagec gêc nañ, to domba jejec samob amboac tonañ ma kêkêñ gêdêñ latui sejob.

³⁶ Ma gêc gêja e intêna ñasawa kêtôm bêc têlêac geñ êsêagêc Jakob kêsi ma Jakob gejob Labannê bôc ñagêdôgeñ.

³⁷ Go Jakob kêkôc kalatu anga kalelon to otic ma kaopo ma gebeñ ñaôlic ñatalô tictêla-tictêla.

³⁸ Eñ kêkôc kalatu, tañ kêmasañ su nañ, jaketoc kêkô busawa, kêkô suc, tañ bôc sêmêñ sênôm bu kêsêpna nañ, kêkô bôc lanôñnêmna solop. Go gêdêñ noc sênôm buña bôc sêgêli tauñ sêmoa.

³⁹ Bôc sêgêli tauñ sêmoa sêkanôñ gamêñ, tañ kalatu sêkô nañ, tec sêsu ñalatu ôliñ talô-talô to komokom ma tictêla-tictêla.

⁴⁰ Domba tonañ sêmoa tauñna ma Jakob kêkêñ bôc ñagêdô lanôñ gêdêñ bôc ôliñ komokom to tictêla-tictêla, tañ sêmoa Labannê bôc ñaton ñalêlôm nañ. Ma eñ kêjaliñ tau nê bôc ñaton ñagêdô sa ma kêkêñ nê gêñ sêwiñ Labannê atom.

⁴¹ Embe bôc toôliñwalô sêngêli tauñ, go Jakob naetoc kalatu ênêc bôc lanôñnêmna êsêp suc ñalêlôm gebe sêlic kalatu ma sêngêli tauñ.

⁴² Mago embe bôc toôliñ secsec, go naetoc kalatu êkô atom. Kêtu tonañna bôc toôliñ secsec têtu Labannê ma bôc toôliñwalô têtu Jakobnê.

⁴³ Tec ñac tau kêtu ñac tolêlôm ma kêtap nê bôc

ma sakin wagao to nac ma kamele to donki taêsam sa.

31

Jakob gêwi Laban sin

¹ Ma Jakob gêjô Laban latui sêsôm-sêsôm gêdêj taŋ gebe “Jakob kêjaŋgo tameninê gêj samob su. Anja tameninê gêj eŋ kêtap waba taêsam sa e kêtû nac tolêlôm.”

² Ma Jakob kêsaê Laban laŋôanô e gêlic kêtôm gêmunjeŋ kêtiam atom.

³ Tec Apômtau kêsôm gêdêj Jakob gebe” Ômu tamami to nêj tawaŋ nêj gamêj ôna ma aê oc jawiŋ aôm.”

⁴ Ma Jakob kêsakin biŋ gêja ma gêmôêc Rahel agêc Lea sêmêj kôm, taŋ nê bôc sêmoa naŋ,

⁵ ma kêsôm gêdêj êsêagêc gebe “Aê galic tamemi laŋôanô amboac teŋ, eŋ gêlic aê najam amboac gêmunja kêtiam atom. Mago tamocnê Anôtô gêmoa gêwiŋ aê.

⁶ Amagêc ajala gebe gajam sakin tamemi toŋoc naclai samucjeŋ.

⁷ Mago tamemi kêsau aê ma gêjam ŋoc ŋaôli ôkwi kêtû dim 10. Mago Anôtô kêkô eŋ auc gebe êŋgôm aê sec atom.

⁸ Gêdêj taŋ eŋ kêsôm gebe ‘Bôc toôliŋ komokom têtû nêj ŋaôli’ naŋ, bôc samob sêsu ŋalatu toôliŋ komokom. Ma gêdêj taŋ eŋ kêsôm gebe ‘Bôc toôliŋ tictêla-tictêla têtû nêj ŋaôli’ naŋ, bôc samob sêsu ŋalatu toôliŋ tictêla-tictêlagen.

⁹ Amboac tonaŋ Anôtô kêkôc bôc su anja tameminê ma kêkêj gêdêj aê.

10 “Gêdêḡ tēm taḡ bôc sêgêli taunḡa naḡ, aê gaôc matocanô sa ma gaêc mê teḡ ma galic noniḡ kapoac, taḡ sêgêli noniḡ tēna naḡ, ôliḡ komokom to tictêla-tictêla ma talô-talô.

11 Go Anôtônê aḡela awa gêjac aê gêdêḡ taḡ gaêc mê gaêc naḡ, gebe ‘Jakob.’ Ma aê kasôm gebe ‘Aê tec gamoa.’

12 Ma eḡ kêsôm gebe ‘Ôc matamanô sa ma ôlic. Noniḡ kapoac samob, taḡ sêgêli noniḡ tēna naḡ, ôliḡ komokom to tictêla-tictêla ma talô-talô gebe aê galic gêḡ samob, taḡ Laban gêgôm gêdêḡ aôm naḡ.

13 Aê Anôtô, tec gaoc tauc lasê gêdêḡ aôm aḡa Betel naḡ, gêdêḡ taḡ aôm goeḡ oso poc ma gôjac mata biḡ gêdêḡ aê naḡ. Galoc ôndi ôwi gamêḡ tonec siḡ ma ômu ôna gamêḡ, taḡ tēnam kêkôc aômḡa naḡ.’”

14 Ma Rahel agêc Lea sêjô eḡ awa gebe” Aêagêc awê kaiḡ gêḡ ḡagêdô to gêḡlênsêm ḡagêdô gêc tamemainê andu me.

15 Eḡ gêlic aêagêc amboac lauo jaba. Eḡ kêtulu aêagêc ma kêjaiḡ awa, taḡ gêjô aêagêc naḡ, su.

16 Waba samob, taḡ Anôtô kêkôc su aḡa tamemainê naḡ, kêtû aêagêc to ma gôlôac ma gêḡ. Kêtû tonanḡa ôḡgôm biḡ samob, taḡ Anôtô kêsôm gêdêḡ aôm naḡ, ḡanô êsamanḡ.”

17 Tec Jakob gêdi ma kêkêḡ latui to nê lauo sêḡḡoḡ kamele ḡaô.

18 Ma eḡ gêwê nê bôc to gêḡ materḡ jali samob, taḡ kêtap sa naḡ, bôc samob, taḡ têtû ênê gêḡ gêdêḡ eḡ gêmoa Mesopotamia naḡ, gebe êndêḡ tama Isak êna gamêḡ Kanaan.

19 Laban gêja gebe êkapiḡ domba ḡaôlilu. Ma Rahel gêjam geḡeḡ tamanê anôtô gwam.

20 Ma Jakob gêwê ñac Aramña Laban auc gebe kékên tau êc êna nec ñawae tenj gêdên enj atom.

21 Enj gêc tonê waba samobgenj gêja, go gêdi jagelom bu Euprat ma kêsêlênj lanô gêlac gamênj lôcña Gilead.

Laban kêjanda Jakob

22 Bêc têlêac gêjaña, go sêsôm gêdênj Laban gebe Jakob gêc gêja.

23 Tec enj kejonj nê tawanj sêwiñ enj ma kêjanda Jakob bêc 7 e gê enj tôñ anja gamênj lôcña Gilead.

24 Mago gêdênj gêbêc Anôtô jagêsuj mê gêdênj ñac Aramña Laban ma kêsôm gêdênj enj gebe “Ôlic taôm, ôsôm biñ ñajam me sec êndênj Jakob atom.”

25 Ma Laban kêka lêlêc Jakob. Jakob gê nê becobo kékô lôc ma Laban to nê tawanj jasêlêwanj taunj sêmoa gamênj lôcña Gilead.

26 Ma Laban kêsôm gêdênj Jakob gebe “Aôm gôgôm asagenj, tec gôwê aê auc ma kôjanjo latucoagêc su amboac sinwaga sêjanjo ñacjo, tañ sêku êsêac tulu nanj su.

27 Kêtu asagenja aôm gôwê aê auc ma gôêc kelecgenj gômôênj. Aê gabe jambonj aôm ña wê to onj ma dauc, mago aôm kôsôm biñ tenj gêdênj aê atom.

28 Ma kêtu asagenja aôm godec gebe jalêsôp latucoagêc to dêbuci aliñanô atom. Aôm gôgôm gênj meloc.

29 Aê katôm gebe janjôm aôm sec. Mago tamamnê Anôtô kêsôm biñ gêdênj aê gêdênj gêbêc tonanj gebe ‘Ôlic taôm, ôsôm biñ ñajam me sec tenj êndênj Jakob atom.’

³⁰ Ma galoc aôm gôêc gômôêḡ gebe gôjam awam su tamamnê anduḡa. Mago kêtḡ asageḡḡa aôm gôjam geḡgeḡ aêḡnoc anôtôî gwam.”

³¹ Jakob gêḡô Laban awa gebe “Aê katêc tauc gaboc aôm ôḡaḡgo latômio su aḡḡa aêḡnoc.

³² Aôm embe ôḡap nêḡ anôtôî gwam sa aḡḡa ḡac teḡ nê, naḡ oc êḡmoa mata jali atom. Aêacnêḡ tawaḡ sêḡmoa, tec ôḡbêlêḡ ḡoc waba e ôḡap nêḡ gêḡ sa ma ôkôc êsêac sêlic.” Jakob gêḡô Rahel gêḡjam geḡgeḡ gêḡ tau ḡawae atom.

³³ Amboac tonawḡ Laban kêsô Jakobnê bec gêḡa ma kêsô Leanê bec ma kêsô sakiḡwagao luagêc nêḡ bec amboac tonawḡgeḡ, mago kêtḡap gêḡ tau sa atom. Go kêsa aḡḡa Leanê bec jakêsô Rahelnê.

³⁴ Ma Rahel kêkôc anôtôî gwam tau jakêsiḡ ôkwi gêc kamelenêḡ waba lau sêḡḡôḡ ḡaôḡa ḡalêlôm ma eḡ tau gêḡḡôḡ ḡaô. Ma Laban kêbêlêḡ bec ḡagêḡḡlêlôm samob ma kêtḡap gêḡ tau sa atom.

³⁵ Ma Rahel kêsôm gêdêḡ tama gebe “O ḡoc ḡatau, aê gadi sa kakô aôm laḡôḡnêḡ jakatôm atom, tec têtḡtac ḡandaḡ êḡdêḡ aê atom, gebe kakôc ajôḡ.” Tec gesom-gesom, mago kêtḡap anôtôî gwam tau sa atom.

³⁶ Go Jakob têtḡtac ḡandaḡ kêsa ma kêsôm Laban. Ma Jakob kêsôm gêdêḡ Laban gebe “Aê gagôm sec amboac ondoc. Aê gagôm keso ondoc tec kôḡjanda aê gômôêḡ nec.

³⁷ Aôm kôbêlêḡ ḡoc waba samob. Aôm kôtḡap nêḡ waba ondoc sa. Oḡoc gêḡ tau êḡnêc awêgeḡ êḡdêḡ aêḡnoc tawaḡ to aômḡnêḡ tawaḡ laḡôḡḡnêḡ gebe sêlic ma sêḡmêtôc aêagêcnêḡ biḡ.

³⁸ Aê gamoa gawiḡ aôm jala 20. Nêḡ domba têna to noniḡ têna sêḡjam ḡalatu su atom ma aê gaew

domba kapoac ten anja nê m domba naton atom.

³⁹ Gêñ, tañ kêam sec sêkac gêñgic nañ, aê kakêñ gêdêñ aôm gebe ôlic nañ atom, aê tauc gajô anja aêñoc. Aôm kôkac aê gebe jajô gêñ samob, tañ sêjam genjen gêdêñ ocsalô ma ônê, tañ sêjam genjen gêdêñ gêbêc nañ amboac tonanjen.

⁴⁰ Aê gamoa amboac tonanjen. Gêdêñ ocsalô oc kêpac aê êndu ma gêdêñ gêbêc malo gêjam aê. Ma bêc gedec matocanô.

⁴¹ Jala 20 aê gamoa gawiñ aôm anja nê m andu. Aê gajam sakin aôm jala 14 gêjô latômoagêc. Ma jala 6 gêjô nê m bôc. Mago aôm gôjam ñoc ñaôli ôkwi kêtû ðim 10.

⁴² Tamocnê Anôtô, Abrahamnê Anôtô ma Isaknê kêtêc tau ñamôkê embe êmoa êwiñ aê atom, go aôm ôsakin aê tolemoc sawagenjen. Anôtô gêlic ñoc gêñwapac to lemoc ñakôm ma kêmetôc nê m bin gêdêñ gêbêc tonec.”

Jakob agêc Laban sêmoatiñ poac

⁴³ Go Laban gêjô en awa ma kêsôm gêdêñ Jakob gebe “Lauo tonec aêñoc latucio, gôlôac tau aêñoc gôlôac, bôc naton aêñoc bôc naton ma gêñ samob, tañ aôm gôlic nañ, aêñoc gêñgoc. Mago ocsalô tonec aê janôm asagenjen êndêñ latucio me êndêñ nêñ gôlôac, tañ êsêac sêkôc nañ.

⁴⁴ Ajôc, aêagêc tamoatiñ poac ten. Poac tau êtu ñabelo êwa aêagêc saña ten.”

⁴⁵ Tec Jakob kêkôc poc ten jagêjac sa kêkô kêtû ñabelo.

⁴⁶ Ma Jakob kêsôm gêdêñ nê tawan gebe “Ajon poc sa.” Ma êsêac sêkôc poc ma sêboa sa kêtû ton ten. Ma êsêac sen gêñ sêñgôn poc tau ñaô.

47 Laban kêsam tonj tau gebe Jegar-Sahaduta, mago Jakob kêsam gêñ tau gebe Galed.

48 Laban kêsôm gebe “Tonj tonanj kêtü ñabelo êwa aêagêc saña êkô ñasawa.” Kêtü tonanñña enj kêsam gêñ tau gebe Galed,

49 ma alê poc gebe Mispa gebe enj kêsôm gebe “Aêagêc embe tamoa jaêc taun, go Apômtau ejop aêagêc.

50 Aôm embe ôtu kasec aê latucio me ônam lauo ñagêdô mênşewiñ latucio, nanj ôlic katômanj gebe ñamalac teñ tec mênşewiñ aêagêc atom nec, mago Anôtô oc êjala gebe gejob aêagêc.”

51 Go Laban kêsôm gêdêñ Jakob gebe “Ôlic tonj to alê poc tonec, tañ aê gajac sa kêkô aêagêc ñasawa nanj.

52 Tonj tau to alê poc tonec êtu ñabelo gebe aê janğêli tonj tonec wacjalom nêmm gamêñ atom, ma aôm ôñğêli tonj to alê poc tonec mênşolom aênşoc gamêñ êtu ôñğôm aê secña atom.

53 Abrahamnê Anôtô to Nahornê Anôtô ma agêc tamenjinê Anôtô êtu ñac-mêtôcwaga êkô aêagêc ñasawa.” Ma Jakob kêtôc lêma gêdêñ tama Isak nê kêtêc tau ñamôkê.

54 Ma Jakob kêkêñ da teñ anğa lôc tonan ma kêkalem nê tawanj gebe sênin polom. Ma êsêac señ polom ma sêmoa lôc tau gêdêñ gêbêc samuc tonan.

55 Gêdêñ bêbêc kanucgenj Laban gêdi ma kêlêşôp dêbui to latuio alinjanô to gêjam mec êsêac. Go gêwi êsêac sinj ma gêmu gêja nê gamêñ. * †

* 31:55: Jegar-Sahaduta ñam gebe Tonj tañ kêtü ñabelo. † 31:55: Galed tonec Ebolai awenj ñam gebe Tonj tañ kêtü ñabelo.

32

Jakob kêmasañ tau gebe êndac Esau

¹ Ma Jakob kêkôc nê lêñ sa amboac tonañ. Ma Anôtônê añela dêdac eñ.

² Jakob gêlic êsêac ma kêsôm gebe “Anôtônê sinwaga êsêac.” Tec kêsam gamêñ tau ñaê gebe Mahanaim.

³ Go Jakob kêsakiñ nê lau jaenñ sêmuñ dêdêñ têwa Esau sêja, tañ gêñgôn Edomnê gamêñ Seir.

⁴ Ma eñ kêjatu êsêac gebe “Asôm êndêñ ñoc ñatau Esau amboac tonec gebe Aômñêm sakiñwaga Jakob kêsôm biñ tonec gebe Aê gamoa gawiñ Laban e mênghêdêñ galoc.

⁵ Ma aê katap bulimakao to donki ma bôc ñatonñ ma sakiñwagao to ñac sa. Ma galoc kakêñ jaenñ gêdêñ ñoc ñatau gebe ôlic aê ñajamña.”

⁶ Lau jaenña sêmu dêdêñ Jakob sêja ma sêsôm gebe “Aêac aô lasê têwam Esau. Eñ gêdi gebe êpuc aôm tôñtôn to lau 400 sêwiñ eñ.”

⁷ Tec Jakob kêtakê ñanô ma gêmoa tonjalêlôm ñatutucgenñ ma gêwa lau, tañ sêwiñ eñ nanñ, ma bôc ñatonñ to bulimakao ma kamele kêkôc gêja tonñ luagêc.

⁸ Eñ taê gêjam gêc taunja gebe “Esau embe êndac tonñ teñ ma enserñ su, go tonñ teñ gacgenñ sêc sêna.”

⁹ Ma Jakob kêsôm gebe “O tamoc Abraham nê Anôtô ma tamoc Isak nê Anôtô, o Apômtau, aôm kôsôm gêdêñ aê gebe ‘Ômu ôna nêñ gamêñ to nêñ gôlôac ma aê gabe jamoasiñ aôm.’

¹⁰ Aê gêñ ñaôma nec katôm nêñ moasiñ to nêñ biñ ñañêñ, tañ kôkêñ gêdêñ nêñ sakiñwaga aê nanñ

atom. Aê galom bu Jordan tonec tec kamêgôm ñoc tôcgeñ ma galoc katu toñ luagêc.

¹¹ Aê jateñ aôm gebe ônam aê kêsi êndêñ teoc Esau lêma, gebe aê katêc eñ. Moae êmêñ e ênac aêac samob êndu, enseñ teneni to nêñ gôlôac êtômgeñ.

¹² Mago aôm kôsôm gebe ‘Aê gabe jamoasiñ aôm to jakêñ nêñ wakuc têtôm ganac gwêcña, tañ lau teñ sêsa sa têtôm atom.’ ”

¹³ Ma eñ gêmoa ôñê gêdêñ gêbêc tonañ ma kêkôc nê gêñ samob, tañ kêtap sa nan, ñagêdô su gebe êwi siñ êndêñ têwa Esau ñaôma.

¹⁴ Eñ kêkôc noniñ têna 200 to kapoac 20 ma domba 200 to kapoac 20,

¹⁵ ma kamela 30 tonêñ ñalatugeñ, tañ sênôm su nan, bulimakao tana 40 to kapoac 10, donki têna 20 to kapoac 10.

¹⁶ Bôc toton-toton tonañ eñ kakêñ sêsêp sakiñwaga lemeñ gêdêñ-gêdêñgeñ ma kêsôm gêdêñ nê sakiñwaga gebe “Amac amun aê ma akêñ ñasawa êsi tau êniñ toñ êndêñ-êndêñ-geñña êngic êtômgeñ.”

¹⁷ Eñ kêjatu ñac ñamataña gebe “Teoc Esau embe êndac aôm ma êtu kênac aôm gebe ‘Aômnêm ñatau asa. Aôm ôna ondoci. Gêñ, tañ gêmun aôm nan asanê,’

¹⁸ go ôsôm gebe ‘Êsêac têtû nêñ sakiñwaga Jakobnê gêñ. Eñ gebe êkêñ gêñ tau êndêñ ñoc ñatau Esau ñaômageñ. Eñ tau kêdaguc aêac.’ ”

¹⁹ Eñ kêjatu biñ tonañgeñ gêdêñ ñac kêtû luagêcña to têtêacña ma êsêac samob, tañ têtêdaguc bôc ñaton gêdêñ-gêdêñgeñ nan. “Amac embe andac Esau, go asôm biñ tagen tonañgeñ êndêñ eñ

²⁰ ma asôm teñ tonec êwiñ gebe ‘Nêñ sakiñwaga

Jakob kêdaguc aêac.’ ” Jakob taê gêjam gebe “Aê jaê wama enj ña gêñ, tañ gabe jakêñ ñaômagenj êndêñ enj nanj, êmunj acgom, go jalic enj lanjôanô êtu ñamu. Moae êkôc aê sa.”

²¹ Tec gêñ, tañ gebe êkêñ ñaômagenj êndêñ Esau nanj, kêsêlêñ gêmunj enj ma enj tau gêmoa bec ñamala gêdêñ gêbêc tonanj.

Jakob agêc ñac tenj sêmônaj tauñ anja Peniel

²² Gêdêñ gêbêc tonanjenj Jakob gêdi ma kêkôc nê awêagêc to nê sakinjwagaoagêc ma nê gôlôac 11 gebe selom buselenj Jabok.

²³ Enj kêkôc êsêac ma kêsakinj êsêac selom bu tonê gêñ ñagêdô amboac tonanjenj.

²⁴ Ma enj taugenj gêmoa ñamakenj. Ma ñac tenj jaagêc sêmônaj tauñ e gêu bônj.

²⁵ Gêdêñ tañ ñac tau gêlic gebe oc êku Jakob tulu êtôm atom nanj, kêtap Jakob kêsêp magi e magi kêsu gêdêñ agêc sêmônaj tauñ sêmoa nanj.

²⁶ Ma enj kêsôm gebe “Ôwi aê sinj gebe gêu bônjac.” Mago Jakob kêsôm gebe “Aê jawi aôm sinj atom e ônam mec aê êmunj acgom.”

²⁷ Ma ñac tau kêsôm gêdêñ enj gebe “Nêm ñaê amboac ondoc.” Ma enj kêsôm gebe “Jakob.”

²⁸ Go enj kêsôm gebe “Sêsam aôm gebe Jakob êtiam atom, sêsam aôm gebe Israel, gebe aôm gôjac sinj gêdêñ Anôtô to ñamalac ma kôku êsêac tulu.”

²⁹ Ma Jakob kêtû kênac enj gebe “Ôsam nêm ñaê êndêñ aê.” Mago enj kêsôm gebe “Aôm kôtû kênac ñoc ñaê kêtû asagenja.” Ma enj gêjam mec Jakob anja tônê.

³⁰ Go Jakob kêsam gamêḅ tau ḅaê gebe Peniel ma kêsôm gebe “Aê laḅôcanô gêdêḅ Anôtô laḅôanô ma gacgeḅ gamoa tomatoc jaligeḅ.”

³¹ Gêdêḅ taḅ kêka lêlêc Peniel naḅ, oc kêpi. Ma eḅ kêka gwecgeḅ gêja kêtú magiḅa.

³² Kêtú tonanḅa lau Israel seḅ ḅôc ḅalabu atom e mênḅgêdêḅ galoc gebe ḅac tau kêtap Jakob kêsêp magi.

33

Jakob agêc Esau sê wama taun

¹ Ma Jakob gêoc mataanô sa e gêlic Esau to lau 400 sêwiḅ eḅ sêmêḅ. Tec eḅ gêjac sam nê gôlôac gêdêḅ Lea agêc Rahel to sakiḅwagao luagêc.

² Ma eḅ kêkêḅ sakiḅwagaoagêc to nêḅ gôlôac sêkô ḅamata. Lea to nê gôlôac têdaguc, ma Rahel agêc Josep sêkô êsêac samob ḅamu.

³ Eḅ tau gêwê êsêac ac têtú oloḅ-oloḅ sêja. Eḅ gwec e jakêtap labôc kêtú dim 7 e jagêjac têwa sa.

⁴ Mago Esau kêlêti gêdêḅ eḅ jagêlô eḅ tôḅ to kêmboêḅ eḅ kêsêp gêsutêkwa, ma kêlêsoḅ eḅ alianô. Ma agêc têtanḅ.

⁵ Gêdêḅ taḅ Esau gêoc mataanô sa e gêlic lauo to gôlôac naḅ, eḅ kêsôm gebe “Asa lau, tec sêwiḅ aôm.” Ma Jakob kêsôm gebe “Gôlôac, taḅ Anôtô kêkêḅ êsêac kêtú êmoasiḅ nêm sakiḅwaganḅa naḅ.”

⁶ Ma sakiḅwagaoagêc to nêḅ gôlôac mênḅtêdabiḅ ma sewec.

⁷ Go Lea to nê gôlôac mênḅtêdabiḅ ma sewec amboac tonanḅeḅ. Gocgo Josep agêc Rahel mênḅtêdabiḅ ma sewec têtú ḅamu.

8 Ma Esau kêsôm gebe “Aôm taêm gêjam biñ amboac ondoc kêpi ton kapôên, tañ gadac nan.” Jakob gêjô en awa gebe “Aê gabe ñoc ñatau êlic aê ñajamña.”

9 Mago Esau kêsôm gebe “O lasicenec, aêñoc gêñ kêtôm aê. Ôkôc nêñ gêñman.”

10 Jakob kêsôm gebe “O masi. Aôm embe ôlic aê ñajam, go ôkôc gêñ tonan anga aêñoc gebe aê galic lanômanô e kêtôm galic Anôtô tau lanôanô gebe aôm kôkôc aê sa ñajamgeñ.

11 Aê jateñ aôm gebe ôkôc gêñ, tañ kakêñ gêdêñ aôm gêwac nan, gebe Anôtô kêmoasin aê ñanôgeñ ma kakoc ñoc gêñ kêtôm aê su.” En kêpiñkap Esau amboac tonan e kêkôc gêñ tau su.

12 Go Esau kêsôm gebe “Ajôc, dandiman ma tasêlêñ. Aê jasêlêñ jamuñ aôm.”

13 Ma Jakob kêsôm gebe “O ñoc ñatau, aôm gôlicgac gebe gôlôac têtú kapôên su atom ma aê gaê go domba to bulimakao tonjalatu nan. Embe sensoc êsêac sêsêlêñ ec baliñ sêngôm bêc tageñ, ñaton samucgeñ oc sênaña.

14 Amboac tonan, ñoc ñatau, ôsêlêñ ômuñ aêac. Aê jawê bulimakao malô-malôgeñ jandanguc êtôm bôc to gôlôac ñasec-ñasec sêkêñ aê e wacjaô lasê ñoc ñataunê gamêñ Seir.”

15 Tec Esau kasôm gebe “Aê jawi lau, tañ sêwiñ aê nan, ñagêdô siñ sêwiñ aôm.” Mago en kasôm gebe “Sêwiñ aêac êtu agenña. Ñoc ñatau, embe ôlic aê ñajam, go êtôm.”

16 Tec Esau kêkac tau ôkwi gêdêñ bêc tonangeñ gêmu gêja Seir kêtiam.

17 Ma Jakob kêsêlêñ jagêô lasê Sukot ma kêkwê

nê andu tenj, ma gêjam bec kêtû nê bôcña. Kêtû tonanña enj kêsam gamêñ tau gebe Sukot.

¹⁸ Go Jakob toôli samucgenj gêô lasê malac Sikem, tanj gêc gamêñ Kanaan nanj. Enj kêsêlêñ anja Mesopotamia gêmêñ ma gêjam nê bec kêkô malac ñamagê.

¹⁹ Ma enj gêjam ôli nom, tanj nê bec kakô nanj, anja Sikem tama Hamor latuinêñ. Enj gêjam ôli ña mone 100.

²⁰ Anja tonan enj gêboa altar tenj sa ma kêsam altar tau gebe Anôtô, Israelnêñ Anôtô enj. *

34

Sinj kêsã Sikem

¹ Bêc tenj Lea latuo Dina, tanj Jakob kêka lasê nanj, kêsêlêñ gebe êlic lauo gamêñ tonanña.

² Ma ñac gamêñ Hibña tenj, tanj kêtû gamêñ natau nanj, Hamor latu Sikem, gêlic enj ma gêlô enj tôñ ma gêmoa gêwiñ enj e gêgôm enj kêtû sec.

³ Mago nê ñalêlôm kêsap Jakob latuo Dina tôñ. Enj têtac gêwiñ ñapalêo tau ma kêsôm biñ ñajamgenj gêdêñ enj.

⁴ Tec Sikem kêsôm gêdêñ tama Hamor gebe “Ômansañ biñ gebe ñapalêo tonan enj êtu ñoc awê.”

⁵ Ma Jakob gêñô gebe enj gêgôm latuo Dina kêtû sec. Tagenj latui sejop bôc sêmoa kôm, tec Jakob gêjam tau tôñ e êsêac sêmu sêmêñ acgom.

⁶ Ma Sikem tama Hamor gêdêñ Jakob gêja gebe ênam biñgalôm êwiñ enj.

⁷ Jakob latui anja kôm sêmêñ ma sêñô biñ tau ñawae e gegenj êsêac sa ma têtac ñandanj ñanô gebe

* **33:20:** Sukot ñam gebe Bec.

Sikem gêgôm sec gêdêḡ Israel ma gêmoa gêwiḡ Jakob latuo, gebe lau teḡ sêḡgôm gêḡ amboac tonan atomanô.

⁸ Mago Hamor gêjam biḡgalôm gêwiḡ êsêac ma kêsôm gebe “Latucnê ḡalêlôm gêwiḡ latômo samucgeḡ, tec gabe jateḡ aôm ôkêḡ eḡ êndêḡ eḡ êtu êna awê.

⁹ Tanam taunmanḡ. Amac akêḡ latômio êndêḡ aêac ma akôc aêac latuḡio êjô.

¹⁰ Amoa awiḡ aêac atu têlê. Ma gamêḡ êtu amacnêm gamêḡ. Amoa gamêḡ tau ma atulu gêḡ e atu lau tolêlôm.”

¹¹ Ma Sikem kêsôm biḡ gêdêḡ awê tama to lui gebe “Alic aê ênac matemanô ḡajammaḡ. Ma gêḡ samob, taḡ atēḡ anḡa aêḡoc nanḡ, aê gabe jakêḡ êndêḡ amac.

¹² Amac embe ajatu ḡaôli kapôêḡ sec to awalaunḡ, oc jakêḡ êtôm tê ajatu nêgeḡ. Tagēḡ akêḡ ḡapalêo tau êtu ḡoc awê.”

¹³ Jakob latui sêjô Sikem agêc tama Hamor awen sêbanac biḡgeḡ gebe eḡ gêgôm luḡio Dina kêtu sec.

¹⁴ Êsêac sêsôm gêdêḡ êsêagêc gebe “Aêac atôm atom gebe akêḡ luḡio êndêḡ ḡac samuc teḡ, taḡ sêsa eḡ atom nanḡ. Biḡ amboac tonan êḡgôm aêac majēḡ.

¹⁵ Anḡôm biḡ tonec êtu tôḡ êmuḡ acgom, gebe asa nêm ḡacwaga samob e amac mêḡatôm aêac acgom, go aêac alôc êndêḡ nêm biḡ

¹⁶ ma akêḡ latuḡio êndêḡ amac ma aêac akôc amac latômio to amoa awiḡ e tatu laum tageḡ.

¹⁷ Mago amac embe akêḡ taḡem ma biḡ ma asa taôm atom, go aêac akôc latuḡio su ma aêc ana.”

18 Êsêacnêḡ biḡ tonanḡ kêmoasinḡ Hamor agêc Hamor latu Sikem.

19 Ma ḡac wakuc tau gêgôm gêḡ tau ḡanô kêsa sebenḡ gebe enḡ têtac gêwiḡ Jakob latuo. ḡac tau nê gôlôac tetoc enḡ sa kêlêlêc nêḡ lau ḡagêdô su.

20 Ma Hamor agêc latu Sikem sêô lasê nêḡ malac ḡasacgêdô ma sêḡam biḡgalôm sêwiḡ ḡacwaga malacḡa ma sêsôm gebe

21 “Lau tonanḡ sê sêlêb gêdêḡ aêac, Amboac tonanḡ alôc gebe sêmoa aêacnêḡ gamêḡ ma têtulu gêḡmanḡ. Alic acgom, gamêḡ tau kapôêḡ kêtôm êsêac sêḡgônḡḡa. Aêac tanam êsêac latuḡio ma takêḡ nêḡ latuḡio êndêḡ êsêac sênam.

22 Tagenḡ êsêac oc sêmoa aêac ḡaluḡ tatu laum tagenḡ atom, aêac talôc sa gebe êsêacnêḡ biḡ tecenec êtu tônḡ acgom gebe Tasa nêḡ ḡacwaga samob êtôm êsêac sêsa tauḡ nanḡ.

23 Ma êsêacnêḡ bulimakao to waba ma bôc samob oc têtû aêacnêḡ atom me. Tagenḡ tecenec gebe talôc êndêḡ êsêacnêḡ biḡ, go êsêac sêmoa sêwiḡ aêac.”

24 Ma êsêac samob, taḡ sêsô-sêsa ênê malac ḡasacgêdô sêmoa nanḡ, sêkêḡ taḡenḡ Hamor agêc latu Sikem nêḡ biḡ. Ma sêsa ḡacwaga samob, taḡ sêsô-sêsa ênê malac ḡasacgêdô sêmoa nanḡ.

25 Gêdêḡ ḡabêc kêtû têlêac kamoc kêtûḡ êsêac. Tec Jakob latuagêc Simeon agêc Lewi, Dinanê luḡacagêc, sêkôc nêḡ siḡ ma kelecgeḡ sêḡa malac jasêḡjac ḡacwaga samob êndû.

26 Êsêac sêḡjac Hamor agêc latu Sikem ḡa siḡ amboac tonanḡenḡ, ma sêkôc Dina su anḡa Sikemnê andu ma sêc sêḡa.

27 Ma Jakob latui sêjac lau gêmac ma sêjanjo waba malac tonanja su gebe êsêac sêgôm lunjo kêtû sec.

28 Êsêac sêjanjo nêj domba to bulimakao ma donki ma gêj, tañ sêmoa malaclêlôm to kôm nan su.

29 Êsêac sêkôc waba samob ma nêj gôlôac nasec-nasec samob to nêj lauo ma sêwê êsêac sêc sêja ma sêjam genjen gêj samob, tañ gêc nêj andu nan.

30 Ma Jakob kêsôm gêdêj Simeon agêc Lewi gebe “Amagêc akalem gêj togêjô kêpi aê, gebe êngôm lau gamêj tonanja, lau Kanaan to Perisja, têtac sec êndêj aê êtu amacja. Aênoc lau luagêcgenjoc. Êsêac embe sêmbinj tañ tôj êtu sênac sinj êndêj aêja, oc sensenj aê tauc to njoc gôlôac samucgenj su tanaja.”

31 Mago êsêagêc sêjô enj awa gebe “Enj êngôm lunjo amboac mockainjo tenj me.”

35

Anôtô gêjam mec Jakob anja Betel

1 Anôtô kêsôm gêdêj Jakob gebe “Ajôc, ôndi ôpi Betel ôna naôngônj ônê ma ômboa altar tenj sa êndêj Anôtô, tañ geoc tau lasê gêdêj aôm gêdêj tañ gôc têwam Esau su nanj.”

2 Tec Jakob kêsôm gêdêj nê gôlôac to lau samob, tañ sêmoa sêwinj enj nanj, gebe “Awi anôtôi gwam, tañ sêc amacja nanj, sinj to akwasinj nêj njetêmui samob su ma asô nêj njakwê wakuc.

3 Su, go aêac dandi tapi Betel tana. Ma aê jamboa altar sa êndêj Anôtô, tañ kêkêj tañja aê gêdêj bêc, tañ gamoa tonjoc njalêlôm njetutucgenj ma mêngêwinj aê anja intêna samob, tañ aê kasa nanj.”

4 Go êsêac sêkêñ anôtôi gwam samob, tañ sêc êsêacña nan, gêdêñ Jakob to salasa, tañ geñ kalen tañenlauñ nan, ma Jakob kêsun gêñ tau auc gêc kamem, tañ kêkô Sikem ñagala nan ñalabu.

5 Go êsêac dêdi. Ma Anôtô gêgôm lau malac ñamagê-magêña samob têtêc taun e sêjanda Jakob latui atom.

6 Ma Jakob to nê lau samob sêo lasê Lus (Betel tau tonan), tañ gêc gamêñ Kanaanña.

7 Ma anña tônê en gêboa altar ten sa ma kêsam gamêñ tau gebe “El-Betel,” gebe Anôtô geoc tau lasê gêdêñ en anña tônê gêdêñ tañ en gêc têwa su nan.

8 Ma Rebekanê jaomwagao Debora gêmac êndu ma sêsun en gêc kamem, tañ kêkô Betel ñalabu nan, ñaajuñ. Ma êsêac sêsam ka tau gebe “Kamem Tanjiboa.”

9 Ma Anôtô geoc tau lasê gêdêñ Jakob kêtiam gêdêñ tañ en anña Mesopotamia gêmêñ nan gêjam mec en.

10 Ma Anôtô kêsôm gêdêñ en gebe “Aômnêm ñaê Jakob, mago sêsam aôm gebe Jakob êtiam atom, sêsam aômnêm ñaê gebe Israel.” Tec sêsam en gebe Israel.

11 Ma Anôtô kêsôm gêdêñ en gebe “Ñajanna ñatau Anôtô aê. Ôka gôlôac lasê e têtû lau taêsam. Laum kapôên ten ma lau toê-toê sêsa anña aômnêm. Ma kiñ sêsa anña aômnêm amboac tonanjen.

12 Nom, tañ kakêñ gêdêñ Abraham agêc Isak nan, aê gabe jakêñ êndên aôm to gabe jakêñ nom tau êndên nêm wakuc, tañ sêsa sêndanğuc aôm nan.”

13 Go Anôtô gêwi gamêñ, tañ gêjam biñgalôm gêdêñ en nan, siñ kêpi lólôc gêja.

14 Ma Jakob kêsun alê ten sa kêtun nabelo kêkô gamên, tan Anôtô gêjam binjalôm gêdên en nan. Alê poc tau en kêkêc wain kêpi kêtun da ma kêkêc niptêkwi kêpi.

15 Ma Jakob kêsam gamên Anôtô gêjam binjalôm gêwin enna tau gebe Betel.

Rahel gêmac êndu

16 Go êsêac dêdi anja Betel. Ac sêsêlên têdabin Eprat ma napolê kêtun Rahel secanô.

17 Gêdên tan nandan kêtun en nanô nan, ênê jaomwagao kêsôm gêdên en gebe “Ôtêc taôm atom. Aôm ôkôc napolê nac ten êtiam.”

18 Mago gêdên tan kêdabin gebe awa êtu dambê ma êmac êndu nan, en gê ênê naê gebe Benoni. Mago nê tama kêsam en gebe Benjamin.

19 Ma Rahel gêmac êndu. Ac sêsun en gêc intêna Epratna (naê ten gebe Betlehem) natali.

20 Ma Jakob kêsun alê poc ten kêkô sêô naô. Alê tau kêtun Rahelnê sêô nabelo, tan kêkô e gêdên galoc.

21 Go Israel gêdi ma gêjam nê bec kêkô andu soso Ederna namaken.

Jakobnê wakuc

22 Gêdên tan Jakob gêngôn gamên onê nan, Ruben gêja gêmoa gêwin tēnanê anao Bilha. Ma Jakob gêngô bin tau nawae.

Jakob latui 12.

23 Lea latui gebe Ruben (Jakobnê nacsêga), Simeon, Lewi, Juda, Isakar ma Sebulon.

24 Rahel latu gebe Josep agêc Benjamin.

25 Rahelnê sakinwagao Bilha latui gebe Dan agêc Naptali.

²⁶ Leanê sakinwagao Silpa latui gebe Gad agêc Aser. Jakob latui tau tonan, tenenji sêkôc êsêac anga Mesopotamia.

Isak gêmac êndu

²⁷ Ma Jakob gêô lasê tama Isak anga Mamre (me Kiriath-Arba, ñaê ten gebe Hebron) Abraham agêc Isak nêñ gamêñ sêmoaña.

²⁸ Isaknê jala kêtú 180.

²⁹ Ma katu gêwi en sin e gêmac êndu, go sêkêñ en gêc gêwiñ nê lau. En kêtú ñamalacanô su ma ênê jala gêbacnê tomalagen. Ma latuagêc Esau agêc Jakob sêsuñ en. * † ‡

36

Esaunê wakuc

¹ Esau (nê ñaê ten gebe Edom) nê wakuc tau tonoc.

² Esau gêjam lauo anga lau gamêñ Kanaanña latuñio nêñ. Ñac gamêñ Hetña Elon latuo Ada ma Ana latuo Oholibama. Ana en ñac gamêñ Hibña Sibeon latu.

³ Ma Ismael latuo Basemat, Nebajot luo en.

⁴ Ma Ada kêkôc Esau latu Elipas ma-Basemat kêkôc Reuel.

⁵ Ma Oholibama kêkôc Jeus, Jalam ma Kora. Esau latui tau tonan, tan tenenji sêkôc êsêac anga gamêñ Kanaan.

⁶ Go Esau kejon nê lauo ma latuio to ñac ma nê lau samob, nê bulimakao to nê bôc samob ma

* **35:29:** El-Betel ñam gebe Anôtô tan gêmoa Betel. † **35:29:** Benoni ñam gebe Nôc ñandan latu. ‡ **35:29:** Benjamin ñam gebe Moasin latu.

nê waba, tañ kêtap sa gêdêñ tañ eñ gêmoa gamêñ Kanaan nañ, ma gêc lasi Jakob su gêja gamêñ jaêc.

⁷ Gebe êsêagêcnêñ waba taêsam ñasec, tec êsêagêc têtôm gebe sêmoa sêwiñ tañ atom ma gamêñ, tañ êsêagêc sêmoa nañ, kêtôm gebe êlôm nêñ bôc atom.

⁸ Kêtu tonañña Esau jagêñgôñ gamêñ lôcña Seir. (Esaunê ñaê teñ gebe Edom.)

⁹ Lau Edom tamenji Esau, tañ gêñgôñ gamêñ lôcña Seir nañ, nê wakuc tau tonec.

¹⁰ Esau latui nêñ ñaê tau tonec gebe Esaunê awê Ada latu Elipas, Esaunê awê Basemat latu Reuel.

¹¹ Elipas latui Teman, Omar, Sepo, Gatam ma Kenas.

¹² (Esau latu Elipas nê awê teñ gebe Timna. Eñ kêkôc Elipas latu Amalek.) Esaunê awê Ada latui tau tonañ.

¹³ Reuel latui tau tonec gebe Nahat, Sera, Sama ma Misa. Esaunê awê Basemat latui tau tonañ.

¹⁴ Esaunê awê Sibeon latu Ana latuo Oholibama nê latui tonec. Eñ kêkôc Esau latui Jeus, Jalam ma Kora.

¹⁵ Esau latuinêñ kasêga tonec. Esaunê ñacsêga Elipas latui tonec gebe kasêga Teman, Omar, Sepo, Kenas,

¹⁶ Kora, Gatam ma Amalek. Elipasnê kasêga êsêac, tañ sêñgôñ gamêñ Edom. Ada latui êsêac.

¹⁷ Esau latu Reuel latui tonec gebe kasêga Nahat, Sera, Sama ma Misa. Reuelnê kasêga êsêac, tañ sêñgôñ gamêñ Edom. Esaunê awê Basemat latui êsêac.

¹⁸ Esaunê awê Oholibama latui tonec gebe Jeus, Jalam ma Kora. Esaunê awê Ana latuo Oholibama kêkôc kasêga tonañ.

19 Esau (nê ñaê tenj gebe Edom) latui to nênj kasêga tonan.

Seirné wakuc

20 Nac gamênj Hornja Seir latui, tanj sêngônj gamênj tonan nan, tonec gebe Lotan, Sobal, Sibeon, Ana,

21 Dison, Eser ma Disan. Seir latui êsêac, tanj têtû lau gamênj Hornja nênj kasêga anja gamênj Edom.

22 Lotan latui tau tonec gebe Hori agêc Heman. Lotan luo Timna.

23 Sobal latui tau tonec gebe Alwan, Manahat, Ebal, Sepo ma Onam.

24 Sibeon latui tau tonec gebe Aia agêc Ana. Enj Ana, tanj katap bumata ñandan sa gêdênj tanj gejob tama Sibeon nê donki anja gamênj sawa.

25 Ananê gôlôac tonec gebe Dison agêc Oholibama, Ana latuo.

26 Dison latui tonec gebe Hemdan, Esban, Itran ma Keran.

27 Eser latui tonec gebe Bilan, Sawan ma Akan.

28 Disan latui tonec gebe Us agêc Aran.

29 Lau gamênj Hornja nênj kasêga tau tonec gebe Lotan, Sobal, Sibeon, Ana,

30 Dison, Eser ma Disan. Lau gamênj Hornja nênj kasêga tonan têtôm êsêacnênj gôlôac anja gamênj Seir.

Kinj Edomnja

31 Kinj, tanj sêjam gôlinj gamênj Edom gêdênj têm, tanj kinj tenj gêjam gôlinj lau Israel atom tagen nan, tau tonec.

32 Beor latu Bela gêjam gôlinj Edom. Ênê malac ñaê gebe Dinhaba.

33 Bela gêmâc êndu ma Sera anja Bosra latu Jobab gêjam gôlinj gêjô enj su.

³⁴ Jobab gêmác êndu ma Husam anġa lau Teman nêġ gamêġ gêġam gôliġ gêġô eġ su.

³⁵ Husam gêmác êndu ma Bedad, taġ kêku Midian tulu anġa Moabnêġ gamêġ naġ, latu Hadad gêġam gôliġ gêġô eġ su. Ênê malac ġaê gebe Awit.

³⁶ Hadad gêmác andu ma Samla anġa Masreka gêġam gôliġ gêġô eġ su.

³⁷ Samla gêmác êndu ma Saul anġa Rehobot, taġ gêc bu Euprat ġatali naġ, gêġam gôliġ gêġô eġ su.

³⁸ Saul gêmác êndu ma Akbor latu Bal-Hanan gêġam gôliġ gêġô eġ su.

³⁹ Akbor latu Bal-Hanan gêmác êndu ma Hadar gêġam gôliġ gêġô eġ su. Ênê malac ġaê Pau. Ênê awênê ġaê Mehetabel. Eġ Mesahab latuo Matred nê latuo.

⁴⁰ Esaunê kasêġanêġ ġaê tau tonec têtôm nêġ gôlôac to nêġ gamêġ sêġġôġġa. Kasêġa Timna, Alwa, Jetet,

⁴¹ Oholibama, Ela, Pinon,

⁴² Kenas, Teman, Mibsar,

⁴³ Magdiel, Iram. Edom (ġaê teġ gebe Esau, taġ kêtú Edom tama) nê kasêġa tonanġ kêtôm nêġ gamêġ sêġġôġġa anġa tauġ nêġ nom.

37

Josep to têwai

¹ Jakob ġêġġôġ gamêġ Kanaan, gamêġ, taġ tama ġêġġôġ amboac ġac jaba naġ.

² Jakobnê gôlôacnêġ miġ tau tonec.

Josepnê jala kêtú 17. Eġ gejob bôc gamoa ġêwiġ têwai. Eġ ġapalê matacġeġ ġêmoa ġêwiġ tamanê

lauo Bilha agêc Silpa nêḡ latuḡi. Ma Josep kêdônḡ êsêacnêḡ biḡ keso gêdêḡ tamenḡi.

³ Ma Jakob têtac gêwiḡ Josep kêlêlêc nê gôlôac ḡagêdô su, gebe eḡ gêlic eḡ amboac latu, taḡ kêka eḡ lasê gêdêḡ kêtû ḡamalacanô su. Ma eḡ kêsi êna ḡakwê baliḡ teḡ tonalêma.

⁴ Mago gêdêḡ taḡ têwai sêlic gebe tamenḡi têtac gêwiḡ eḡ kêlêlêc latui ḡagêdô samob su naḡ, êsêac têtac sec gêdêḡ eḡ ma sêsôm biḡ malô teḡ gêdêḡ eḡ atom.

⁵ Gêdêḡ ḡasawa teḡ Josep gêc mê teḡ. Eḡ gajac miḡ biḡ tau gêdêḡ têwai ma êsêac têtac sec ḡanôgeḡ gêdêḡ eḡ.

⁶ Eḡ kêsôm gêdêḡ êsêac gebe “Akêḡ taḡem mê, taḡ aê gaêc naḡ.

⁷ Aêac tajac lagic polom tonakaiḡ tamoa kôm, tec aêḡoc lagic gêjac sa jakêkô ma amacnêḡ mênḡsêgi aêḡoc auc ma sewec gêdêḡ ḡoc lagic.”

⁸ Têwai sêsôm gêdêḡ eḡ gebe “Aôm gobe ônam gôliḡ aêac ma ôtu aêacma kiḡ me.” Ma êsêac têtac sec samucgeḡ gêdêḡ eḡ kêtû ênê ma to biḡḡa.

⁹ Go eḡ gêc mê teḡ kêtiam ma jagêjac miḡ gêdêḡ têwai ma kêsôm gebe “Alic acgom, aê gaêc mê teḡ kêtiam. Oc to alôḡ ma utitalata 11 sewec gêdêḡ aê.”

¹⁰ Biḡ tonaeḡ eḡ gêjac miḡ gêdêḡ tama to têwai. Tec tama gec biḡ eḡ ma kêsôm gêdêḡ eḡ gebe “Mê, taḡ aôm gôêc naḡ, ḡam amboac ondoc. Aêagêc tênam to têwami wacapônḡ aeḡduc êndêḡ aôm biḡḡanôgeḡ me.”

¹¹ Ma têwai sêjam lêmuḡ eḡ, mago tama taê gêjam biḡ tau gêc nê ḡalêlôm.

Lau Aiguptu sêjam ôli Josep

12 Ma t wai jasejop tamenjin  b c s moa Sikem  agala.

13 Ma Israel k s m g d n Jusep gebe “A m g licgac me, t wami sejop b c s moa Sikem.  m n acgom, a  gabe jasaki  a m  nd n  s ac  na.” Ma Jusep k s m g d n en gebe “A  tec gamoa.”

14 Tec en k s m g d n en gebe “Galoc  na ma  nac t wami to b c k si ma  mu  m n  k n  awae  nd n a .” Tec k saki  en an a gaboan Hebron a e jag   las  Sikem.

15 Ma  ac ten k tap en sa geo g moa k m  al l m. Ma  ac tau k tu k nac en gebe “A m gosom asanen.”

16 En k s m gebe “A  gasom teoci.  s m  nd n a man,  s ac sejop b c s moa ondoc.”

17 Ma  ac tau k s m gebe “ s ac s c s ja gebe a  gan   s ac s s m gebe ‘Ta c tana Dotanman.’” Tec Jusep k daguc t wai e jak tap  s ac sa s moa Dotan.

18  s ac s lic en k sa ja cgen, m nk dabin  s ac atom tagen, ma ac s kic  n  bin gebe s nac en  ndu.

19  s ac s s m g d n tau  gebe “Op, m   tau g m ngac.

20 Aj c, tanac en  nduman ma tambalin en  s p s  ten, go tas m gebe b c sec ten gen en su ma talic  n  m   nan  acgom.”

21 Mago Ruben g n  bin tau ma gebe  nam en k si an a  s ac lemen, tec k s m gebe “Dansen en su atom.”

22 Ma Ruben k s m g d n  s ac gebe “Ak c dec sin atom, naambalin en  s p s  t n   moa gam n sawa, mago lememe pi en atom.” En gebe  nam en sa an a  s ac lemen e  saki  en  mu  nd n tama  na

êtiām, tec kêsôm biŋ tonāŋ.

²³ Gêdêŋ taŋ Josep mêngêô lasê têwai naŋ, êsêac sêkwalec ênê ŋakwê baliŋ su, ŋakwê baliŋ tau, taŋ eŋ kêsô naŋ toŋalêma,

²⁴ ma sêkôc eŋ tôŋ jasêbaliŋ eŋ kêsêp sê teŋ gêja. Sê tau ŋakelen, bu kêpoac ŋalêlôm atom.

²⁵ Go êsêac sêŋgôŋ sic gebe sêniŋ gêŋ. Ac sêôc mateŋanô sa e sêlic lau Ismael pom teŋ aŋga Gilead tonêŋ kamele sêmêŋ, taŋ sejoŋ katêkwi to gêŋmalu ma niptêkwi sebe sêsêp Aiguptu sêna.

²⁶ Go Juda kêsôm gêdêŋ nê lasitêwai gebe “Aêac embe tanac lasiŋi êndu to tasiŋi ênê dec ôkwi, oc tatap ŋanô amboac ondoc sa.

²⁷ Ajôc, takêŋ eŋ êndêŋ lau Ismael sênam ôli eŋ ma aêac lemeŋ êpi eŋ atom gebe eŋ kêtû aêac lasiŋi. Aêacnêŋ dec tagen.” Ma ênê lasitêwai sêkêŋ taŋeŋ eŋ.

²⁸ Ma têtulu-gêŋwaga aŋga Midian sêsêlêŋ sêôc lêlêc êsêac. Go Josep têwai sê eŋ sa aŋga sêlêlôm ma sêkêŋ eŋ gêdêŋ lau Ismael sêjam ôli eŋ ŋa silber ŋadôŋ 20. Ma êsêac sêkôc Josep sêja Aiguptu.

²⁹ Ma Ruben gêmu gêja sê e gêlic Josep jaôb tagen, tec kêkac nê ŋakwê gêŋgic

³⁰ ma gêmu gêdêŋ lasii jakêsôm gebe “Ŋapalê malamê. Ma aê, aê oc jaêc jasa ondoc jana.”

³¹ Go êsêac sêkôc Josepnê ŋakwê jasêjac noniŋ teŋ êndu ma sêsac ŋakwê tau tôŋ kêsêp ŋadec.

³² Ma êsêac sêsakiŋ ŋakwê baliŋ toŋalêma ma sêkêŋ gêdêŋ tamenŋi ma sêsôm gebe “Aêac atap gêŋ tonec sa. Ôlic acgom, latômnê ŋakwê me masi.”

³³ Ma eŋ kêjala gêŋ tau ma kêsôm gebe “Latucnê ŋakwêgoc. Bôc sec teŋ kêkac Josep popoc ma geŋ eŋ

biññanôgen.”

³⁴ Go Jakob kêkac nê ñakwê gêngic ma kêsô talu kêtú nê ñakwê ma kêtanj latu ñatanjiboa gêmôa bêc taêsam.

³⁵ Latuio to ñac samob dêdi sebe sênam malô-malô en, mago en gedec gebe sênam malô en ma kêsôm gebe “Masi, aê totanjiboaen jasêp lamboam jawiñ latuc jana.” Tama kêtanj-kêtanj en amboac tonanj.

³⁶ Kêtanj gêmôa ma lau Midianna sêkên Josep gêdên Potipar anga Aiguptu gêjam ôli en. En Paraonê gejobwagasêga ten, tan kêtú lau siñwaga nên laumata. * sêsô ñakwê lanğwa me talu.

38

Juda agêc Tamar nêñ biñ

¹ Gêdên ñasawa tonanj Juda gêwi nê lasitêwai siñ-ma jakêsap ñac gamên Adulamña ten tôn, nê ñaê gebe Hira.

² Anğa ônê Juda gêlic ñac gamên Kanaanna Sua latuo. En gêjam en kêtú ênê awê ma gêmôa gêwiñ en.

³ Ma en kêkêkam ñapalê e kêkôc latu ten. Ma en gê ênê ñaê gebe Er.

⁴ Go en kêkêkam ñapalê ten kêtiam e kêkôc latu ten ma gê ênê ñaê gebe Onan.

⁵ Ma kêkôc latu ten kêtiam ma gê ênê ñaê gebe Sela. Gêdên tan kêkôc Sela nan, en gêmôa Kesib.

⁶ Ma Juda kêjaliñ awê ten sa ma kêkên gêdên ñacsêga Er. Ênê ñaê gebe Tamar.

* **37:36:** Lau ñanô embe têtap gêñwapac sa, go têtap tanjiboa ma

7 Mago Juda latu nacsêga Er gêjac Apômtau mataanô najam atom, tec Apômtau gesen en su.

8 Go Juda kêsôm gêdên Onan gebe “Ôndên têtamnê awê ôna ma ônam en ôjô têtam ma ôkên njawê ajô têtam su.”

9 Mago Onan kêjala gebe napolê oc têtû ênê atom, tec gêdên tan en gêmoa gêwin têtwanê awê nan, kêkêc sulu kêsêp nom gebe têtwa êtap wakuc sa atom.

10 Mago Apômtau gêlic gên, tan en gêgôm nan, najam atom ma gesen en su amboac tonan.

11 Go Juda kêsôm gêdên lawao Tamar gebe “Ôngôn tamamnê andu amboac awêtuc ten e latuc Sela êtu kapôên acgom.” Gebe en kêtêc tau gebe moae Sela êmac êndu amboac tonan êtôm têtwaagêc. Amboac tonan Tamar gêja gêngôn tamanê andu.

12 Jala nagedô gêjana acgom, go Sua latuo, tan Juda gêjam nan, gêmac êndu. Gêdên tan Juda kêkac kaukac su nan, êsêagêc nê nac Hira anga Adulam sêpi Timna dêdên nê lau sêkapij-domba-njâôliluwaga sêja.

13 Ma êsêac sêsôm gêdên Tamar gebe “Lawam kêpi Timna gêja gebe êkapij nê domba njâôlilu.”

14 Tec en kêkac nê abec su ma gi tau auc na obo lala ma gêngôn Enaim nasacgêdô, tan gêc intêna Timnana nan. En gêlic Sela kêtû kapôên su, mago sêkên en kêtû ênê awê su atom tagen.

15 Gêdên tan Juda gêlic en nan, gêjam kauc gebe awê mockainjo ten, gebe gêsaj lanjanô auc.

16 En gelom gêdên en gêja intêna namaken jakêsôm gebe “Ômôên, aê gabe jamoa jawin aôm.” Gebe en kêjala atom gebe lawao. Ma awê tau

kêsôm gebe “Aôm embe ômoa ôwiņ aê, go ôkêņ asageņ êndêņ aê êjô.”

17 Eņ kêsôm gebe “Aê gabe jasakiņ noniņ kapoac ŋalatu aņga bôc ŋatoņ êndêņ aôm.” Ma eņ kêsôm gebe “Aôm gobe ôkêņ kamaclauiņ teņ êndêņ aê e êndêņ ŋanoc ôsakiņ gêņ tauņa me masi.”

18 Eņ kêsôm gebe “Aê jakêņ asageņ êtu kamaclauiņ êndêņ aôm.” Eņ gêjô eņ awa gebe “Ôkêņ nêmu ŋatalô êwa aôm saņa, taņ sepeņ kêsêp ki naņ, toņalêkôņgeņ ma nêmu tôc, taņ kômêgôm naņ, êndêņ aê.” Tec eņ kêkêņ gêņ tau gêdêņ eņ ma gêmoa gêwiņ e taê.

19 Go awê tau gêdi ma gêc gêja. Ma eņ kêkac nê obo lala su ma gêjam abec kêtiam.

20 Ma Juda kêsakiņ nê ŋac aņga Adulam kêkôc noniņ ŋalatu gêja gebe êkôc kamaclauiņ aņga awênê êmu êmêņ, mago kêtap eņ sa atom.

21 Tec eņ kêtû kênac lau malacņa gebe “Awê mockaiņo, taņ gêņgôņ intêna Enaimņa natali naņ, gêmoa ondoc.” Ma êsêac sêsôm gebe “Awê mockaiņo teņ gêmoa tonec atom.”

22 Tec eņ gêmu gêdêņ Juda jakêsôm gebe “Aê katap eņ sa atom ma lau malacņa sêsôm gebe awê mockaiņo teņ gêmoa tonec atom.”

23 Ma Juda gêjô eņ awa gebe “Amboac tonaiņ êkôc gêņ tau êtu ênê gêņmaņ, gebe lau sêômac aê atom. Aôm gôlicgac gebe aê kasakiņ noniņ ŋalatu gêja su, mago aôm kôtap eņ sa atom.”

24 Ŋasawa amboac ajôņ tâlêac gêjaņa, tec sêjac miņ gêdêņ Juda gebe “Lawamo Tamar gêgôm gêņ mockaiņoņa e galoc kêkêkam ŋapalê gêmoa.” Ma

Juda kêsôm gebe “Akôc enj êsa êna ma akênj ja êniñ enj.”

²⁵ Ma êsêac sêwê enj kêsâ gêja, tec enj kêsakiñ biñ gêdêñ lawa gebe “Ñac, tañ kêtû gêñ tonañ ñatau nañ, kêtû ñapalê tama.” Ma enj kêsôm gebe “Ôsala gêñ tau ñapepgeñ. Ñatalô êwa ñatau saña, tañ sepeñ kêsêp ki nañ tonjalêkôn ma tôc nec ñatau asa.”

²⁶ Ma Juda kêjala gêñ tau ma kêsôm lasê gebe “Enj awê gêdêñ kêlêlêc aê su gebe aê kakêñ latuc Sela gêdêñ enj atom.” Ma enj gêmôa gêwiñ enj kêtiam atom.

²⁷ Gêdêñ enj êkôc ñapalê ñanoc nañ kêkôc ôliñbôm.

²⁸ Gêdêñ tañ ñapalê kêtuj enj gêmôa nañ, ñapalê teñ kêkêñ lêma kêsâ gêmêñ. Ma jaomwagao kêkôc lêkôn kokoc ma kêkic tôñ kêpi ñapalê lêma ma kêsôm gebe “Tonec gêô lasê kêtû ñamata.”

²⁹ Mago enj kêtaiñ lêma su ma ñac teñ kêsâ gêmêñ ma jaomwagao kêsôm gebe “Aôm gôc nêñ intêna gêñgicgac.” Tec sê ênê ñaê gebe Peres.

³⁰ Go lasi kêdaguc tolêkôn kokoc gêc lêma, ma sê ênê ñaê gebe Sera.

39

Josep gêjam sakiñ Potipar

¹ Ma êsêac sêkôc Josep sêsêp Aiguptu sêja ma Paraonê kasêga teñ, ñac Aiguptuña Potipar, tañ gejob sinwaga tonj teñ nañ, gêjam ôli enj anga lau Ismael, tañ sêkôc enj gêja ônê nañ nêñ.

² Apômtau gêwiñ Josep, tec gêjam kôm samob tonanôgeñ gamoa nê ñatau, ñac Aiguptuña, nê andu.

³ Ma ênê ñatau gêlic gebe Apômtau gêwiñ enj ma kêmoasiñ enj, tec gêgôm gêñ samob ñapep sawa.

⁴ Kêtu tonanña en gêlic en njam ma kêkêñ en kêtú tau nê sakinwaga ma en gégôm en kêtú ênê andu njagejobwagasêga ma kêkêñ en gejob ênê waba samob.

⁵ Gêdêñ têm tan en kêkêñ en kêtú andu to êna waba samob njagejobwagasêga nan, Apômtau gêjam mec nac Aiguptuña nê andu kêtú Josepña. Apômtau gêjam mec ênê waba samob anga andu to kôm kêtômgen.

⁶ Kêtu tonanña en kêkêñ gêñ samob kêsêp Josep lêma ma taê kêka engen, gê go tau kêtú nê gêñ njagêdôña atomanô, nê gêñ êniñña tagen, tec tau gejob.

Josep en nac njam ma nac tolanô.

⁷ Têm njagêdô gêjaña, tec ênê nataunê awa mata ola Josep ma kêsôm gebe “Mêñônêc ôwiñ aê.”

⁸ Mago en gedec ma kêsôm gêdêñ nê nataunê awê gebe “Ôlic acgom, noc natau taê kêka aêgen ma gê go tau nê andu njagêñlêlôm tenña atom ma en kêkêñ gêñ samob kêsêp aê lemoc.

⁹ En nac kapôênj kêlêlêc aê anga andu tonec atom ma kégamiñ gêñ tenj gêdêñ aê atom, aôm taômgenj gebe aôm kôtu ênê awê. Tec aê janğôm gêñ alôb-alôb kapôênj tonec ma janğôm sec êndênj Anôtô êtu asagenña.”

¹⁰ En kêsôm binj gêdêñ Josep katôm bêcgenj, mago en kêkêñ taña awê atom ma gêc to gêmoa gêwiñ en atom.

¹¹ Bêc tenj Josep jakêsô andu gebe ênam nê kôm ma nac tenj gêmoa andu njalêlôm gêwiñ atom.

¹² Tec awê gê ênê njakwê tøj ma kêsôm gebe “Ônêc ôwiñ aê.” Mago en gêwi nê njakwê sinj kêsêp en lêma ma gêc kasa anga andu gêja.

13 Ma gêdêñ tañ awê gêlic eñ gawi nê ñakwê sin kêsêp eñ lêma ma gêc kêsá ança andu gêja nañ,

14 eñ gêmôêc nê sakinwaga ma kêsôm gêdêñ êsêac gebe” Alic acgom, ñoc ñatau kêkêñ ñac Ebolainça tenj gêmoa gêwiñ aêac gebe êngôm aêac majenj êsa. Eñ kêsô gêdêñ aê gamêñ gebe ênêc êwiñ aê. Mago aê gamôêc aoc kapôêñ.

15 Eñ gêñô aê kawakic to gamôêc, tec gedec nê ñakwê gêcña ma gêc kêsá ança andu gêja.”

16 Go awê ketoc Josepnê ñakwê gêc gêwiñ eñ e nê ñatau gêmu gamêñ.

17 Ma eñ gajac minj binj tonanjenj gêdêñ eñ ma kêsôm gebe “Sakinwaga Ebolainça, tañ kôkêñ eñ gêmoa gêwiñ aêac nañ, kêsô gamêñ gebe anjom aê majoc êsa.

18 Mago gêdêñ tañ aê kawakic to gamôêc nañ, eñ gedec nê ñakwê gêcña ma gêc kêsá ança andu gêja.”

19 Ênê ñatau gêñô binj, tañ nê awê kasôm gêdêñ eñ nañ, gebe “Aômniem sakinwaga gêgôm aê amboac tonan,” tec eñ têtac ñandanj kêsá.

20 Ma eñ kêkôc Josep gêja ma kêbaliñ eñ kêsêp kapoacwalô, gamêñ, tañ kinjê lau kapoacwalôwaga sêngônj nañ. Ma eñ gêngônj kapoacwalô tonan.

21 Mago Apômtau gêwiñ Josep e lau têtac gêwiñ eñ ma kapoacwalô ñagejobwaga gêlic eñ ñajam.

22 Ma kapoacwalô ñagejobwaga kêkêñ lau kapoacwalônça samob, tañ sêngônj kapoacwalô nañ, sêsêp Josep lêma. Ma kôm samob, tañ sêgôm nañ, eñ kêtú ñatau.

23 Kapoacwalô ñagejobwaga gê go tau kêtú kôm, tañ kêsêp Josep lêma nañña, atomanô, gebe

Apômtau gêwiñ Josep ma kêmoasiñ ênê kôm samob e ñapep sawa.

40

Josep gêwa lau kapoacwalôña nêñ mê ñam sa

¹ Tonañ su, ma têm ñagêdô gêjaña acgom, go kiñ Aiguptuña nê ñac kêpip wain ñanôña to nê ñac kêpac polomña sêgôm keso tenj gêdên nêñ ñatau, kiñ Aiguptuña tau.

² Ma Parao têtac ñandanj gêdên nê laumata luagêc tonec, gêdên laumata wainña to laumata polomña

³ ma enj kêkênj êsêagêc sêsô siñwaganênj kapitainê andu gebe sejopña. Andu kapoacwalôña tau, nan Josep gêngôñ nanj.

⁴ Ma siñwaganênj kapitai kêkênj Josep gêjam sakinj êsêagêc. Ma êsêagêc sêngôñ kapoacwalô ñasawa ec tenj.

⁵ Ma gêdênj gêbêc tagenj êsêagêc lulugenj sêc ma tenj-kiñ Aiguptuña nê ñac kêpip wain ñanôña agêc ñac kêpac polomña, tanj sêngôñ kapoacwalô nanj — agêc sêc nêñ mê keso tau ma agêc lulugenj nêñ ma ñam keso tau amboac tonanjenj.

⁶ Gêdênj bêbêcgenj Josep gêdênj êsêagêc gêja ma gêlic êsêagêc semoa tonênj ñalêlôm ñawapacgenj.

⁷ Ma enj kêtû kênac Paronê laumata, tanj sêngôñ ênê ñataunê andu sêwiñ enj gebe sejop êsêacña nanj, gebe “Agêc lanômanô bêlê-bêlê kêtû asagenña.”

⁸ Agêc sêsôm gêdênj enj gebe “Aêagêc aêc mê ma ñac êwa mê ñam saña tenj gêmoa atom.” Ma Josep kêsôm gêdênj êsêagêc gebe “Kôm dawa ma saña gêjac Anôtô ñawae. Anac miñ mê tau êndênj aêmanj.”

9 Go laumata wainᵑa gêjac miᵑ nê mê gêdêᵑ Josep ma kêsôm gêdêᵑ eᵑ gebe “Aê gaêc mê ma galic wain ᵑamôkê teᵑ kêkô.

10 Wain ᵑamôkê tau ᵑalaka têlêac kêkô. Ma gêᵑ tau kêpô katôm e ᵑaola kêsa sebeᵑ ma gêjam ᵑanô.

11 Aê kakôc Paraonê laclu. Go kakôc wain ᵑanô ma kapip ma katêwiᵑ ᵑatêkwi kêsap Paraonê laclu ma kakêᵑ laclu tau kêsêp Parao lêma.”

12 Ma Josep kêsôm gêdêᵑ eᵑ gebe “Mê tonanᵑ ᵑam amboac tonec gebe ᵑalaka têlêac kêtôm bêc têlêac.

13 Bêc têlêac ênaᵑa acgom, go Parao êsa aôm têmbêlam sa ma êkêᵑ aôm ônam sakinᵑ eᵑ êtiam. Aôm ôkêᵑ laclu êsêp Parao lêma êtiam êtôm gôgôm gêdêᵑ têm, taᵑ kôtu ênê ᵑac kêpip wain ᵑanôᵑa naᵑ.

14 Mago aôm embe ômoa ᵑajam, go taêm ênam aê. Taêm walô aê ma ôkêᵑ aê ᵑawae andanᵑ Parao ma ônam aê sa gebe jawi andu tonec siᵑ.

15 Gebe êsêac sêjam geᵑgeᵑ aê anᵑa Ebolainêᵑ gamêᵑ, ma aê gagôm gêᵑ sec teᵑ anᵑa gamêᵑ tonec kêtôm gebe sêmbalinᵑ aê jasêp gêsunᵑa atom.”

16 Laumata polomᵑa gêᵑô gebe gêwa mê ᵑam sa ᵑajamgeᵑ, tec kêsôm gêdêᵑ Josep gebe “Aê gaêc ma teᵑ amboac tonanᵑeᵑ. Aê kakuc gadob polomᵑa têlêac.

17 Ma gêᵑ tokainᵑ-tokainᵑ, taᵑ sêpac kêtû Paraonᵑa naᵑ, kêsêp gadob ᵑaôᵑa. Mago moc mênseᵑ gêᵑ anᵑa gadob, taᵑ aê kakuc naᵑ.”

18 Ma Josep gêjô eᵑ awa gebe “ᵑam amboac tonec gebe Gadob têlêac kêtôm bêc têlêac.

19 Bêc têlêac ênaᵑa acgom, go Parao êsa aôm têmbêlam sa gebe êkêᵑ aôm ôᵑkaleᵑ ka teᵑ ma moc sêkac nêm ᵑamêsôm.

20 Bêc kêtú têlêacña kêtú Paraonê bêc têna kêkôc enña, tec geno moasinj gêdêñ nê sakinwaga samob ma kêsa ñac kêpip wain ñanôña agêc ñac kêpac polomña tenbelen sa gêdêñ nê sakinwaga.

21 Enj kêkêñ sakin wainña gêdêñ ñac kêpip wain ñanôña gêwê kainj kêtiam, tec kêkêñ laclu kêsêp Parao lêma.

22 Mago enj kêkêñ ñac kêpac polomña genkalenj ka kêtôm Josep gêwa sa gêdêñ êsêagêc su nanj.

23 Tagenj ñac kêpip wain ñanôña taê gêjam Josep atom, kêlinj enj sinj gacgenj.

41

Josep gêwa Paraonê mê ñam sa

1 Jala samuc luagêc gêjaña ma Parao gêc mê gebe kêkô bu Nil ñatali

2 ma gêlic bulimakao ñajam to têtôp ñajam 7 sêpi anja bu Nil mênşen sinj ñalauñ sêmoa.

3 Gocgo bulimakao sec toôlinj ñasanj kainj tenj 7 sêpi anja bu Nil têdaguc êsêac mênşêkô sêwinj bulimakao ñagêdô sêmoa bu Nil ñatali.

4 Ma bulimakao sec toôlinj ñasanj têdanğônj bulimakao ñajam to têtôp ñajam tau su e Parao mata gêlac.

5 Ma enj kêlinj tau sinj kêtiam e gêc mê kêtú luagêcña gebe Mopolom tenj ñakainj tagenj gêjam ñanô ñajam to kesewec kapôênj 7.

6 Su, go gêlic ñanô sec to ñapaôma 7 mênkêpi, tanj mu anja oc kêpiña kêlêsanj nanj.

7 Go ñanô sec kêdanğônj ñanô ñajam to kapôênj 7 tau su e Parao mata gêlac ma kêsaê gebe gêc mê.

8 Gêdêḅ bêbêc eḅ gamoa tonê ḅalêlôm ḅawapacgeḅ. Kêtu tonanḅa eḅ kêsakiḅ biḅ gêdêḅ lau seoc biḅ lasêwaga to gêdêḅ lau tokauc samob, taḅ sêmoa Aiguptu naḅ, gebe sêmêḅ ma gêjac miḅ nê mê gêdêḅ êsêac. Mago êsêacnêḅ ḅac teḅ kêtôm gebe êwa mê ḅam sa êndêḅ Parao atom.

9 Gêdêḅ tonanḅ go ḅac kêpip wain ḅanôḅa kêsôm gêdêḅ Parao gebe “Ocsalô tonec aê taêc gêjam ḅoc keso.

10 Gêdêḅ taḅ Parao têtac ḅandanḅ gêdêḅ nê sakiḅwaga ma kêkêḅ aêagêc ḅac polomḅa anḅôḅ siḅwaganêḅ kapitainê andu gebe sejop aêagêcḅa naḅ,

11 aêagêc aêc ma gêdêḅ gêbêc tagenḅ ma aêagêcma ma keso tau to ḅam keso tau amboac tonanḅenḅ.

12 ḅacsenôm Ebolainḅa teḅ gêḅḅôḅ gêwiḅ aêagêc. Eḅ kêtu siḅwaganêḅ kapitainê sakiḅwaga teḅ. Aêagêc ajac miḅ ma ma gêdêḅ eḅ ma eḅ gêwa mê ḅam sa gêdêḅ aêagêc. Eḅ gêwa sa gêdêḅ aêagêc gêdêḅ-gêdêḅgeḅ katôm ma ma tau.

13 Ma biḅ tau, taḅ gêwa sa gêdêḅ aêagêc naḅ, ḅanô kêsa. Sêsuḅ ḅoc sakiḅ gêdêḅ aê kêtiam ma sêkêḅ ḅac kêpac polomḅa geḅkaleḅ ka.”

14 Tec Parao kêsakiḅ lau gebe sêmôêc Josep. Êsêac sêkôc eḅ sebeḅ sa anḅa gêsuḅ. Eḅ kêkaliḅ tau ma kêsô ḅakwê wakuc sa su acgom, go kêsô jakêkô Parao laḅônêḅ.

15 Tec Parao kêsôm gêdêḅ Josep gebe “Aê gaêc ma teḅ ma ḅamalac teḅ kêtôm gebe êwa ma tau ḅam saḅa gamoa atom. Mago aê ganô aôm ḅawae gebe aôm embe ôḅô ma teḅ, go ôtôm gebe ôwa ḅam sa solop.”

16 Josep gêjô Parao awa gebe “Biñ amboac tonan gêc aêja atom. Anôtô tau êjô aôm awam ma awa nêma ma sa njamgenj.”

17 Go Parao kasôm gêdêj Josep gebe “Aê gaêc ma gebe kakô bu Nil njatali

18 ma bulimakao njam to têtôp njam 7 sêpi anja bu Nil mênsej sinj njalaunj sêkô.

19 Ma bulimakao 7 kêtiam sêpi têdaguc êsêac. Êsêac ôlinj njasanj to sec ma njatêkwa njôma. Aê galic gêj tenj amboac tonanj sêmoa Aiguptunêj gamêj atomanô.

20 Ma bulimakao ôlinj njasanj to sec gacgenj têdangônj bulimakao njamataja 7, tanj têtôp njam nanj su.

21 Mago gêdêj tanj têdangônj êsêac su nanj, talic êsêac amboac têdangônj gêj tenj atom, ôlinj njasanj njômagej sêmoa katôm gêmujja. E matoc gêlac.

22 Ma aê gaêc ma tenj kêtiam nanj galic mopolom njakainj tagenj gêjam njanô 7. Njanô tau njam to kapôêj.

23 Ma galic njanô 7 gêuc mênkêpi kêdaguc. Gêj tau kêmêlinj ma njapaôma to mu anja oc kêpija kêlêsaj.

24 Ma njanô njapaôma kêdangônj njanô njam 7. Aê gajac minj binj tonanj gêdêj lau-seoc-binj-lasêwaga, mago êsêacnêj njac tenj kêtôm gebe awa ma tau njam sa atom.”

25 Ma Josep kêsôm gêdêj Parao gebe “O Parao, nêma mê luagêc tau njam tagenj. Anôtô geoc binj, tanj enj gebe êngôm nanj, lasê gêdêj aôm.

26 Bulimakao njam 7 to polom njanô njam 7 têtôm jala 7. Ma lulu tau njam tagenj.

27 Ma bulimakao njatêkwa njôma to sec 7, tanj mênsepi têdaguc êsêac nanj, têtôm jala 7. Njanô 7

ņapaôma to mu aņga oc kēpiņa kēlēsāņ atôm jala 7 totôbôm amboac tonāņ.

²⁸ Amboac kasôm gēdēņ aôm su gebe Anôtô kêtôc gēņ, taņ gebe êņgôm naņ, gēdēņ aôm.

²⁹ alic acgom, galoc jala 7 tomoasu ênêc Aiguptu ņagamêņ samucgeņ.

³⁰ Mago tonāņ su, go jala totôbôm 7 mēņêsa ma êsêac salij tēm moasuņa siņ samucgeņ aņga Aiguptu. Tôbôm enseņ gamêņ su.

³¹ Ma êsêac sēnam kauc moasu aņga gamêņ tau atu tôbôm, taņ mēņêsa êndaņguc naņņa, ma tôbôm tau oc anam sêga.

³² Aôm gôêc mê kētu dim luagêc ņam gebe Anôtô taê gējam biņ tau kētu tōņ sugac, ma sauņgeņ, go Anôtô êņgôm gēņ tau ņanô êsa.

³³ Amboac tonāņ galoc aôm ôjalij ņac wapac ma ņac tokauc teņ sa ma ôkêņ eņ ênam gôlij gamêņ Aiguptu.

³⁴ Aôm ôkêņ gejobwaga êtôm gamêņ samobgeņ. Êndēņ jala tomoasu 7 tonāņ lau embe têtap polom talu lemeņ teņ-lemeņ teņ sa, go sêkôc talu tageņ-tageņ su aņga êsêacnêņ atôm gamêņ Aiguptuņa samob.

³⁵ Ôjatu gebe sēnac polom sasa êndēņ jala ņajam, taņ mēņêsa naņ, ma sēnac polom tau tōņ sēnam aôm laņôm. Sejoņ polom ņanô samob sêpi malacsêgageņ êna ma sejop tōņ.

³⁶ Gēņ masê tonāņ ênêc e êlôm lau gamêņ tonāņņa êndēņ jala totôbôm 7, taņ mēņêsa aņga Aiguptu naņ, gebe tôbôm enseņ gamêņ tau popoc atom.”

Josep kētu gôlijwaga Aiguptuņa

37 Parao to nê sakinwaga samob sêñô biñ tonan ñajam.

38 Ma Parao kêsôm gêdêñ nê sakinwaga gebe “Aêac oc tatap ñac, tañ Anôtônê Ñalau gêjam eñ auc kêtôm ñac tonec nañ, teñ sa me masi.”

39 Tec Parao kasôm gêdêñ Josep gebe “Anôtô kêtôc gêñ samob tonan gêdêñ aôm, kêtú tonanña ñac wapac ma ñac tokauc teñ kêtôm aôm gamoa atom.

40 Aôm ôtu ñoc andu ñatau ma ñoc lau samob tañeñ wamu aômñêm biñ. Lêpônñ kinña tagenñ êkêñ aê jalêlêc aôm su.”

41 Go Parao kêsôm gêdêñ Josep gebe “Ôlic acgom, aê kakêñ aôm kôtu gamêñ Aiguptuña samucgen ñatau.”

42 Ma Parao kêkôc nê riñ tonatalô êwa eñ saña mênkêkêñ gêdêñ Josep kêka. Eñ kakêñ ñakwê ñajam-ñajam gêdêñ eñ kêsô ma kêkêñ kapoacwalô gold eñ gêñônñ.

43 Go kêkêñ eñ gêñgônñ nê kareta kêtú luagêcña ma êsêac sêmôêc sêsêlêñ sêmunñ gebe “Apônñ aemduc.” Amboac tonan Parao kêkêñ eñ kêtú gamêñ Aiguptuña samucgen ñatau.

44 Ma Parao kêsôm gêdêñ Josep gebe “Aê Parao, mago ñac teñ anña gamêñ Aiguptuña ênam kôm teñ me êñgôm gêñ teñ êôc lêlêc aôm atom.”

45 Ma Parao kêsam Josepnê ñaê gebe Sapenat-Panea. Ma eñ kêkêñ dabunwaga anña On Potipera latuo Asenat gêdêñ eñ gêjam kêtú ênê awê. Su, go Josep gêwi Parao siñ ma gêjac gamêñ Aiguptuña kêsi.

46 Gêdêñ tañ Josepnê jala kêtú 30 nañ, eñ kêkôc kôm anam sakinñ kinñ Aiguptuña Parao sa. Ma Josep

gêwi Parao siñ ma gêjac laoc gamêñ Aiguptuñ.

⁴⁷ Gêdêñ jala tomoasu 7 nanj kôm gêjam ñanô taêsam.

⁴⁸ Ma enj kejonj jala tomoasu 7 ñapolom samob sa anja gamêñ Aiguptuñ to gêjac gêñ tau sa kêkô kêtôm malacsêgagenj. Enj gêjac kôm, tanj kêgi malac auc kêtômgenj nanj, ñanjanô sa kêkô malac gêdêñ-gêdêñgenj.

⁴⁹ Tec Josep gêjac polom taêsam sa kêtôm ganjac gwêcña. Enj gedec gebe ênam dôñ to êsa gêñ tau sa atom gebe ñamalac tenj kêtôm gebe ênam dôñ to êsa gêñ amboac tonanj ñai sa nec atomanô.

⁵⁰ Jala tôbômña gêô lasê atom tagenj ma Josep kêka ñapalê luagêc lasê. Dabunwaga Onña Potipera latuo Asenat kêkôc êsêagêc.

⁵¹ Josep gê ñacsêganê ñaê gebe Manase ma kêsôm gebe “Gaê ênê ñaê Manase gebe Anôtô gêgôm aê kaliñ ñoc gêñwapac to tamocnê andu ñagôlôac samob siñ.”

⁵² Gê ñac kêtû luagêcña nê ñaê gebe Epraim gebe “Anôtô kêkêñ gôlôac gêdêñ aê anja gamêñ ñoc gêñwapacña.”

⁵³ Jala tomoasu 7, tanj gêc gamêñ Aiguptuñ nanj, mênjgêjac pep

⁵⁴ ma jala totôbôm 7 mênjkêsa kêtôm Josep kêsôm nanj. Ma tôbôm gêjam gamêñ ñagêdô samob auc, anja gamêñ Aiguptuñ tagenj, tec têtap nêñ polom sa.

⁵⁵ Gêdêñ tanj lau Aiguptuñ sêoc tôbôm nanj, lau têtanj polom gêdêñ Parao. Ma Parao kêsôm gêdêñ lau Aiguptuñ samob gebe “Andêñ Josep ana ma biñ samob, tanj enj êsôm nanj anjôm.”

⁵⁶ Ma gêdêñ tanj tôbôm gêjam gamêñ samucgenj

auc nan, Josep gêlêc katam su andu gêñ ñanôña ma kêkêñ gêñ gêdêñ lau Aiguptuña sêjam ôli gebe tóbôm kapôêñ gêc gamêñ Aiguptuña amboac tonanğen.

⁵⁷ Tóbôm gêjam sêga, tec lau gamêñ pebeñña sêja Aiguptu sebe sênam ôli polom anğa Josepnê, gebe tóbôm kapôêñ gêjam nom ñagamêñ samob auc. * jali. † tetoc oc sa kêtü nêñ anôtô jaba.

42

Josep têwai sêsêp Aiguptu sebe sênam ôli polom

¹ Gêdêñ tañ Jakob gêñô polom gêc Aiguptu ñawae nan, eñ kêsôm gêdêñ latui gebe “Matemanô gêdêñ-gêdêñ taôm kêtü asagenña.”

² Ma kêsôm gebe “Alic acgom, aê ganô ñawae gebe polom gêc Aiguptu. Asêp ana ma anam ôli nêñ polom anğa tônê gebe tamoa mater jali ma tamac êndu atom.”

³ Amboac tonanğ Josep têwai 10 sêsêp sêja sebe sênam ôli polom anğa Aiguptu.

⁴ Mago Jakob kêsakiñ Josep lasi Benjamin gêwiñ atom gebe eñ kêtêc gebe gêñwapac êtap eñ sa.

⁵ Amboac tonanğ Israel latui sêô lasê sebe sênam ôli polom, sêmoa lau ñagêdô, tañ sêmêñ nan, ñalêlôm gebe tóbôm gêjam gamêñ Kanaanña auc samucgen.

⁶ Ma Josep kêtü ñacgôlinsêga gamêñ tonanğña. Eñ tau kêkêñ polom gêdêñ lau gamêñ samobña sêjam ôli. Ma Josep têwai sêô lasê jatêtap labôc sêc eñ lanônêmña.

* **41:57:** Sapenat-Panea ñam gebe Anôtô kêsôm gebe eñ gêmoe mata † **41:57:** On kêtü lau Aiguptu nêñ malac dabuñ towae. Êsêac

7 Josep gêlic têtawai e kêjala êsêac, mago enj gêgôm êsêac amboac lau jaba ma kêsaic biñ êsêac. Enj kêsôm gebe “Amac anja ondoc amênj.” Êsêac sêsôm gebe “Anja gamênj Kanaanja, abe anam ôli mo.”

8 Josep kêjala têtawai, mago êsêac sêjam kauc enj.

9 Ma Josep taê gêjam mê, tañ enj gêc kêpi êsêac nan, ma kêsôm gêdênj êsêac gebe “Kêmsecwaga amac, tec amênj abe alic gamênj kwananjenj.”

10 Êsêac sêsôm gêdênj enj gebe “O apômtau, masianô, nê m sakinwaga aêac tec amênj abe anam ôli mo.

11 Nac tagenj latui aêac samob. Aêac lau mansanj. Aôm nê m sakinwaga atu kêmsecwaga atom.”

12 Enj kêsôm gêdênj êsêac gebe “Masianô, amac amênj abe alic gamênj kwananjenj.”

13 Ma êsêac sêsôm gebe “Aôm nê m sakinwaga aêac lasitêtawai 12, nac Kanaanja tenj latui aêac. Nac saun gacgenj gêmoa gêwiñ tamemai ma tenj gêjañja.”

14 Tec Josep kêsôm gêdênj êsêac gebe “Amboac têt kasôm gêdênj amac su nê gebe Amac kêmsecwaga.

15 Aê gabe jansaê amac êpi biñ tonec ma jasôm biññanô êtu Parao gêmoañja gebe amac oc awi gamênj tonec siñ atom e amacnê m lasimi saunj êô lasê tonec êwiñ acgom.

16 Asakinj amacnê m tenj gebe êkôc lasimi êmênj ma amac ñagêdô anjônj kapoacwalô acgom. Aê gabe jansaê amacnê m biñ e jajala gebe amac lau biññanônja me masi. Embe masi, go aê jasôm êtu Parao gêmoañja gebe kêmsecwaga amacgoc.”

17 Go kêkênj êsêac samob sênjônj kapoacwalô bêc têtêac.

18 Njâbêc kêtû têtêacñja go Josep kêsôm gêdênj êsêac

gebe “Anğôm tonec, go amoa matem jali gebe aê katêc Anôtô.

¹⁹ Amac embe lau mansaŋ, go awi nê m tenj sinj êngônj kapoacwalô êjô amac ma amac ŋagêdô akôc polom andêŋ nê m gôlôac ana gebe mo êjô êsêac êndu atom.

²⁰ Ma akôc lasimi saunj andêŋ aê amêŋ, go amacnê m binj êwaka tau sa gebe binjanô ec amac êndu atom.” Ma êsêac sêgôm amboac tonan.

²¹ Go êsêac sêsôm gêdêŋ taunj gebe “Binjanôgoc, gêŋ taŋ dagôm gêdêŋ lasiŋi nanj ŋagêjô tonec. Aêac talic enj gêmoa tonjalêlôm ôluŋ-ôluŋgenj ma ketenj aêac, mago takêŋ taŋenj enj atom. Kêtu tonanjanj gêŋwapac tonec kêtap aêac sa jagêdêŋgenj.”

²² Ma Ruben gêjô êsêac awenj gebe “Aê tec kasôm gêdêŋ amac gebe anğôm ŋapalê sec atom. Nec kasôm me masi. Mago amac abe akêŋ taŋem atom. Kêtu tonanjanj ênê dec ŋagêjô kêpi aêac galoc.”

²³ Êsêac sêjam kauc gebe Josep gêŋô êsêac awenj atom gebe ŋac ênam binj ôkwiŋa tenj kêkô êsêac ŋasawa.

²⁴ Ma enj gêbuc dê mômê êsêac ma kêtaŋ. Kêtaŋ su ma gêmu jagêjam binjalôm gêdêŋ êsêac kêtiam. Ma enj kêkôc Simeon anja êsêacnêŋ ma gêsô enj tôŋ ma ac sêlic.

Josep têwai sêmu sêja Kanaan

²⁵ Go kêjatu gebe polom êsêp êsêacnêŋ talu e mênêc êtômgenj to nêŋ ŋaôli êmu êna êtiam ma sêkêŋ gêŋ êpuc êsêac tôŋ anja intênaŋa êndêŋ êsêac êwiŋ. Ma sêgôm amboac tonan.

²⁶ Go êsêac sêpô nêŋ polom gêsac donki ŋaô ma sêc sêja.

27 Ma gêdêḡ taḡ êsêacnêḡ teḡ gêjac nê talu lêtêḡ gebe êkêḡ gêḡ êndêḡ nê doḡki êniḡ aḡga gamêḡ sênc̄ḡ naḡ, gêlic nê bôlêḡ gêc taluawa

28 ma kêsôm gêdêḡ nê lasitêwai gebe “Sêkêḡ bôlêḡ gêmu gêmêḡ, onec gêc ḡoc taluawa.” Sêlic e katunḡ gêjaḡ, ma têtêḡp ma sêsôm gebe “Ojae, Anôtô gêgôm asageḡ gêdêḡ aêac.”

29 Gêdêḡ taḡ sêô lasê dêdêḡ tamenḡ Jakob aḡga gamêḡ Kanaan ḡa naḡ, ac sêjac miḡ biḡ samob, taḡ kêtap êsêac sa naḡ, gêdêḡ eḡ ma sêsôm gebe

30 “ḡac, taḡ kêtú gamêḡ tônê ḡatau naḡ, kêsaic biḡ aêac ma geboc aêac atu gamêḡ tau ḡakêḡmsecwaga.

31 Mago aêac asôm gêdêḡ eḡ gebe ‘Aêac kêmsecwaga atom, aêac lau mansaḡ.

32 Aêac lasitêwai 12, tamemai latui. ḡac teḡ gêjaḡ ma ḡac saunḡ gacgeḡ gêḡḡḡḡ gêwiḡ tamemai gêmoa Kanaan.’

33 Mago ḡac, tê kêtú gamêḡ ḡatau nê, kêsôm gêdêḡ aêac gebe ‘Aê jajala amac lau mansaḡ êndêḡ tonec gebe awi nêḡ teḡ siḡ êmoa êwiḡ aê ma akôc polom andêḡ nêḡ gôlôac ana, gebe tóbôm gêc.

34 Akôc lasimi saunḡ andêḡ aê amêḡ, go jajala amac gebe lau mansaḡ ma kêmsecwaga amac atom. Su, go jakêḡ nêḡ lasitêwa êmu êndêḡ amac êtiam ma amac atôm gebe atulu gêḡ amoa gamêḡ tonec.’ ”

35 Gêdêḡ taḡ êsêac sêjac nêḡ talu lêtêḡ naḡ, samob sêlic nêḡ bôlêḡ tosabaḡ-tosabaḡ kêsêp nêḡ talu gêdêḡ-gêdêḡgeḡ. Êsêac to tamenḡ sêlic nêḡ bôlêḡ tosabaḡ-tosabaḡ ma têtêc taunḡ.

36 Ma tamenḡ Jakob kêsôm gêdêḡ êsêac gebe “Amac ajaḡḡo ḡoc gôlôac su. Josep gêjaḡ, Simeon gêjaḡ, ma galoc abe akôc Benjamin su êwiḡ. Biḡ

samob tonan kēpi aēgen.”

³⁷ Tec Ruben kēsôm gēdēn tama gebe “Ôkēn en êsēp aē lemoc, aē jakôc en jamu jandēn aôm jamēn. Aē embe jakôc en jamu jamēn atom, go ônac ηoc latucagêc êndu.”

³⁸ Mago en kēsôm gebe “Latuc êsēp êwiη amac atom gebe tēwa gēmac êndu su ma en taugen tec gēmoa. Gēn wapac embe êtap en sa anga intēna, taη abe asêlēn nan, go amac akēn aē tomôdēgen jasēp lamboam tonoc ηalêlôm ηawapacgen jana.”

43

Josepnê lasitēwai sēsēp Aiguptu kētu luagêcηa

¹ Tôbôm kapôēn kēkônin gamēn tōn ηanôgen.

² Êsêac sen polom, taη sêkôc anga Aiguptu nan, e gēbacnê su, go tamenj kēsôm gēdēn êsêac gebe “Amu ana êtiam gebe anam ôli aēacnēn mo ηagêdô.”

³ Tec Juda kēsôm gēdēn en gebe “Ŋac tonan kêjatu aêac ηajana ma kēsôm gebe ‘Amac alic aē lanôc atom, e lasimi êwiη amac acgom.’

⁴ Aôm embe ôsakin lasinj êwiη aêac, go asêp naanam ôli nēm mo.

⁵ Embe ôsakin en êwiη atom, go aêac asêp atom gebe ηac tau kēsôm gēgēn aêac gebe ‘Amac alic aē lanôc atom, e lasimi êwiη amac acgom.’ ”

⁶ Israel kēsôm gebe “Amac agôm aē sec ma asôm lasimi ηawae gēdēn ηac tau kētu asagenηa.”

⁷ Êsêac sêjô en awa gebe “Ŋac tau kêkip aêac to ma gôlôac ηam sa ηapep ma kēsôm gebe ‘Tamemi gacgen gēngôn mata jali me masi. Amacnēm lasitēwai ten gēngôn me masi.’ Bin, taη aêac ajac minj gēdēn en nan, gējô kēnac tonanjen. Aêac ajala bin,

tê enj kêsôm kêdaguc gebe ‘Akôc lasimi andênj aê amênj’ nê, kwananjenj amboac ondocgenj.”

⁸ Ma Juda kêsôm gêdênj tama Israel gebe “Ôsakinj ñapalê tau êwiñ aê, go andi ma asêlênj gebe tamoa matenj jali ma aôm to aêac ma nêñ gôlôac ñasec-ñasec amboac tonanjenj, tamac êndu atom.

⁹ Aê jatu lautuc enj, ma enj ê lamu aê. Ôtu kênac enj êndênj aê lemoc. Aê embe jakôc enj jamu jawac to jakênj enj êkô aôm lanômniêm atom, go jawê biñ tonanjenj ñakaiñ endenjenj tônjenj.

¹⁰ Biññanô, aêac embe tajainj têm atom, oc aêac amu amênj wanêcgenj su.”

¹¹ Go tamenj Israel kêsôm gêdênj êsêac gebe “Embe amboac tonanjenj, nanjenj anjôm amboac tec gebe Akôc gamênj tonecña ñagênj mata êjamgenj êsêp nêm talu ma ajonjenj êndênj ñac tônê awi sinjenj êndênjenj enjenj ñaômagenjenj, amboac gênmalu ñagec, to lêp ñagec, ma ka ñagêdô ñatêkwi, ma kaña to lanip.

¹² Ma akôc bôlênjenj luagêc êwiñ tau. Bôlênjenj, tanjenj sêkênjenj gêc nêm taluawa nanjenj, akôc amu ana amboac tonanjenjenj. Oc moae sêgôm kêgôlinjenj.

¹³ Akôc lasimi amboac tonanjenj ma andi amu andênjenj ñac tau ana.

¹⁴ Embe akôc ñac tau lanômniêm, go ñajañña ñatau Anôtô taê walô amac gebe êsakinjenj nêm lasitêwai tenjenj agêc Benjamin sêwiñ amac sêmu sêmênjenj. Ma aêma nec embe jamoa togôlôacmêgenjenj, go jamoa amboac tonanjenjenj.”

¹⁵ Kêsôm su, go lau tau sêkôc gênjenj sêkênjenjenj ñaômagenjenj to sêkôc bôlênjenjenj luagêc gêwiñ tau ma Benjamin gêwiñjenj. Ac dêdi ma sêsêp Aiguptu sêja ma sêkôc Josep lanômniêm.

16 Josep gêlic Benjamin gêwiņ êsêac, tec kêsôm gêdêņ gejobwaga anduņa gebe “Ôwê lau tonec sêsô andu sêna. Ôņguņ bôc teņ ma ono gebe lau tonec sêniņ gêņ sêwiņ aê êndêņ ocsalô tonec.”

17 Nac tau gêgôm kêtôm Josep kêjatu naņ ma gêwê lau sêsô Josepnê andu sêja.

18 Ac sêkêņ lau tau sêsô Josepnê andu, tec têtêc tauņ ma sêsôm gebe “Êsêac sêkôc aêac tasô tonec kêtû ŋaôli, taņ sêkêņ kêsêp aêacnêņ talu gêdêņ tamêņ kêtû ŋamata naņņa. Êsêac sebe sênac siņ êndêņ aêac e sêku aêac tulu ma sêkôniņ aêac tatu gêņôma to sêjaņgo aêacnêņ donki su.”

19 Ma êsêac têtû gasuc dêdêņ ŋac, taņ gejob Josepnê andu naņ, ma sêjam biņgalôm sêwiņ eņ sêkô andu ŋasacgêdô

20 ma sêsôm gebe “O ma apômtau, aêac asêp amêņ têm teņ sugac gebe anam ôli mo.

21 Gêdêņ taņ aêac aô lasê gamêņ aniņ awenņa ma ajac ma talu lêtêņ naņ, atap ma bôlêņ sa tomalageņ gêc taluawa gêdêņ-gêdêņgeņ. Tec aêac akôc gêņ tau amu amêņ kêtiam.

22 Ma aêac akôc bôlêņ ŋagêdô gêwiņ amboac tonañ abe anam ôli mo. Aêac ajam kauc ŋac, taņ kêkêņ ma bôlêņ kêsêp ma talu.”

23 Eņ gêjô êsêac awenņe gebe “Atêc taôm atom. Nêm Anôtô to tameminê Anôtô oc kêkêņ awa kêsêp nêm talu. Aê tec katap nêm bôlêņ sa sugac.” Ma eņ kêkôc Simeon gêdêņ êsêac gêja.

24 Go eņ gêwê lau tau sêsô Josepnê andu sêja ma kêkêņ bu gêdêņ êsêac gebe sêkwasiņ eņkainj ma kêkêņ gêņ gêdêņ nêņ donki seņ.

25 Êsêac sêņô ŋawae gebe sêniņ gêņ aņga tônê,

tec sêmasañ gêñ, tañ sebe sêkêñ ñaômagen ñañ, ma sêsaê Josep gebe êô lasê êndên ocsalô.

26 Gêdên tañ Josep gêô lasê nê andu ñañ, êsêac sêkôc gêñ, tañ sêmasañ ñañ, jasêsô dêdên en ma têtap labôc sêc en akainña.

27 Mago en awa gêjac êsêac ma kêsôm gebe “Tamemi langwa, tañ ajac ênê miñ gêdên aê ñañ, gêmoa ñajam me masi. En gêmoa mata jali me masi.”

28 Êsêac sêjô en awa gebe “Aômnêm sakinwaga, aêac tamemai gêmoa ñajam. En gêngôn mata jaligen.” Ma êsêac sewec to têtap labôc.

29 En mata gedec ma gêlic lasi Benjamin, en tau tēnanê latu teñ ma kêsôm gebe “Lasimi saun, tañ ajac ênê miñ gêdên aê ñañ, tau tonec me.” Go kêsôm gêdên en gebe “Latucenec, Anôtô êmoasiñ aôm.”

30 Go Josep kêkacgen gebe êwi êsêac siñ gebe nê ñalêlôm gêjam awa su lasi ma kêdabiñ gebe êtañ lasê. En jakêsô nê balêm teñ ma kêtañ gêmoa tônê.

31 En kêkwasiñ lañôanô su, go kêsa gêja. En kêpuc tau tōñ ma kêsôm gebe “Akôc gêñ taniñña amênmañ.”

32 Êsêac sêjam sakin en tañña to êsêac tañña ma lau Aiguptu, tañ sen gêñ sêwiñ en ñañ, tañña amboac tonanğen, gebe lau Aiguptu nêñ jao kêkô gebe sêniñ gêñ sêwiñ lau Ebolai atom. Gêñ tonan lau Aiguptu sêlic amboac gêñ alôb-alôb.

33 Ma Josep tēwai to lasi sêngôn en nêmña. Nacsêga gêngôn mala, tañ gêjac en ñawae ñañ, ma ñac saun gêngôn mala, tañ gêjac en ñawae. Ma lau tau sêsala tañ e sêñac lemeñ.

34 Sêkêñ gêñ taniñña gêdêñ êsêac anga Josepnê tebo, mago sêkêñ gêñ taniñña gêdêñ Benjamin kêlêlêc êsêac ñagêdô nêñ su. Êsêac ñagêdô têtap laclu tagen sa ma Benjamin kêtap nê laclu lemen ten sa. Ma êsêac sênôm sêwiñ enj e têtac ñajam kêsa.

44

Josep kêsaê nê têtawai to lasi

1 Go Josep kêjatu nê andu ñagejobwaga gebe “Ôkêñ polom êsêp lau tau nêñ talu e mênêc êtôm sêmbalañña ma ôkêñ êsêacnêñ bôlêñ ênêc taluawa.

2 Mago ñoc laclu silber nanj ôkêñ ênêc ñac saun nê taluawa êwiñ ênê bôlêñ polomña.” Ma enj gêgôm kêtôm Josep kêsôm gêdêñ enj nanj.

3 Gêu bônj acgom, go sêkêñ êsêac to nêñ donki sêja.

4 Êsêac sêwi malac sinj saunjen ma ñasawa kêtubalinj atom tagen, tec Josep kêsôm gêdêñ nê andu ñagejobwaga gebe “Ajôc, ôjanda lau tau. Embe ôê êsêac tôñ, go ôsôm êndêñ êsêac gebe ‘Amac akêñ sec gêjô ñajam kêtubagenña. Amac ajam genjen aênoc laclu silber nec kêtubagenña.

5 Ñoc ñatau gênôm gêñ kêsêp gêñ tau tonanj to kêpuc kapoac ña gêñ tonanj. Amac agôm gêñ tonanj, tec agôm keso ñanô.’ ”

6 Enj gêoc lêlêc êsêac ma jakêkêsôm binj tonanjen gêdêñ êsêac.

7 Êsêac sêjô enj awa gebe “Aêacma apômtau kêsôm binj amboac tonanj kêtubagenña. Binj amboac tonanj ênac jaê nêñ sakinwaga aêac. Binj amboac tonanj aêac oc anjôm atom.

8 Ôlic acgom, bôlên, taŋ aêac atap sa gêc ma taluawa naŋ, aêac akôc amu amêŋ aŋga gamêŋ Kanaan akêŋ gêdêŋ aôm, tec aêac anam geŋgeŋ silber me gold aŋga nêŋ ŋataunê andu amboac ondoci.

9 Aôm embe ôtap gêŋ tau sa aŋga nêŋ sakiŋwaganêŋ teŋ nê, naŋ êmac êndu ma aêac ŋagêdô atu ma apômtaunê sakiŋwaga amboac tonanŋeŋ.”

10 Ma eŋ kêsôm gebe “Amboac tonanŋ, biŋ, taŋ asôm su naŋ, êtu tôŋ. Ŋac, naŋ jatap gêŋ tau sa aŋga ênê naŋ, êtu ŋoc gêŋôma, ma amac ŋagêdô aêc ana tobiŋmêgeŋ.”

11 Go gaôgeŋ êsêac samob sêlêwanŋ nêŋ talu ma sêjac nêŋ talu lêtêŋ.

12 Ma eŋ kêbêlêm talu gêjac m aŋga ŋacsêganê e gêdêŋ ŋac saunŋ nê. Ma kêtap laclu tau sa gêc Benjaminnê talu.

13 Ma êsêac sêkac nêŋ ŋakwê gêŋgic e sêkêŋ talu gêsac nêŋ donŋi ŋaô kêtiã ma sêmu sêja malac.

14 Juda to nê lasitêwai sêô lasê Josepnê andu ma ŋac tau gacgeŋ gêmoa. Ma êsêac têtã labôc sêc eŋ akainŋa.

15 Josep kêsôm gêdêŋ êsêac gebe “Amac agôm gêŋ amboac ondoci. Amac ajã kãc gebe ŋac amboac aê oc Jãpuc gêŋ ŋã jatôm atom me.”

16 Ma Juda kêsôm gebe “Aêac asôm biŋ ondoci êndêŋ ŋoc apômtau. Aim awensunŋ su êtu agenŋa. Aêac awaka taunŋ sa amboac ondoci. Anôtô kêkip nêŋ sakiŋwaga aêac ma keso sa sugac. Gôlicgac, aêac atu ŋoc apômtaunê gêŋôma, aêac to eŋ, taŋ têtã laclu sa gêc eŋŋa naŋ, amboac tonanŋ.”

17 Mago Josep kêsôm gebe “Biñ amboac tonan ênac jaê aê. Nac tagen, tañ têtap laclu sa gêc enja nanjen êtu noc gênôma. Mago amac ñagêdô, amac aêc tobiñmalôgen andên tamemi ana.”

Juda gebe ênam Benjamin kêsî

18 Tec Juda gêdên en gêja ma kêsôm gebe “O apômtau, aê gabe jaten aôm gebe nê sakîwaga aê jasôm biñ ten êsô noc ñatau tanasun ma têtac ñandan êndên nê sakîwaga atom, gebe aôm kôtôm Parao tau.

19 Noc apômtau kêtû kênac nê sakîwaga gebe ‘Amac tamemi me lasimi ten gêmoa me masi.’

20 Ma aêac asôm gêdên noc ñatau gebe ‘Tamemai gêmoa, en kêtû ñamalacanô sugac, ma lasîji saun ten gêmoa, tañ en kêka lasê gêdên kêtû ñamalacanô su nan. Nac tau têwa gêmac êndu su, tec en taugen gêmoa, tênanê gôlôac ñagêdô masi. Ma tama têtac gêwiñ en.’

21 Go aôm kôsôm gêdên nê sakîwaga gebe ‘Akôc en asêp amên gebe matocanô êpi en.’

22 Aêac asôm gêdên noc apômtau gebe ‘Ñapalê tau kêtôm gebe êwi tama sin atom. Embe êwi tama sin, oc tama êmac êndu.’

23 Go aôm kôsôm gêdên nê sakîwaga gebe ‘Lasimi saun embe êwiñ amac êsêp êmên atom, oc alic aê lanôc êtiam atom.’

24 Gêdên tañ adên nê sakîwaga, tamoc tau, amu aja nan, ajac miñ noc apômtaunê biñ gêdên en gênô.

25 Ma gêdên tañ tamemai kêsôm gebe ‘Ana êtiam, gebe anam ôli aêacnên gên ñagec’ nan,

26 aêac asôm gebe 'Aêac asêp ana atôm atom. Embe lasiņi sauņ êsêlêņ êwiņ aêac, go asêp ana, gebe aêac oc alic ņac tau laņđanô atôm atom, e lasiņi sauņ êwiņ aêac acgom.'

27 Go nêĵ sakıņwaga, aê tamoc, kêsôm gêdêņ aêac gebe 'Taôm ajalagac gebe ņoc awê kêkôc ņoc ņapalê luagêcgeņ.

28 Teņ gêwi aê siņ e kasôm gebe Biņņanô, gêņ teņ kêkac eņ popocgeņ ma aê galic eņ kêtiam atom e mêņgêdêņ galoc.

29 Amac embe akôc ņac tonec su aņga aêņoc amboac tonanņeņ ma gêņwapac êtap eņ sa, go akêņ aê tomôdêgeņ jasêp lamboam jana toņoc ņalêlôm ņawapacgeņ.'

30 Kêtu tonanņa aê embe jaô lasê nêĵ sakıņwaga, aê tamoc, ma ņapalê, taņ kêtu eņ gêņgôņ mata jali ņamôkê naņ, êwiņ aêac atom,

31 eņ embe êlic ņapalê mêņêwiņ aêac atom, oc êmac êndu. Ma nêĵ sakıņwaga aêac akêņ nêĵ sakıņwaga, aêac tamemai, tomôdêgeņ êsêp lamboam êna toņalêlôm ņawapacgeņ.

32 Gebe nêĵ sakıņwaga aê kasôm gêdêņ tamoc gebe jatu ņapalê tonec nê lautuc ma eņ ê lamu aê. Ma kasôm gebe Aê embe jakôc eņ jamu jandêņ aôm jawac atom, go jawê biņ tonanņ ņakain enden tôņgeņ.

33 Kêtu tonanņa tec galoc jateņ aôm gebe nêĵ sakıņwaga aê jatu ņoc apômtaunê gêņôma jamoa tonec jajô ņapalê tau su. Ma ondec ņapalê tau êwiņ têwai êĵu ênanaņ.

34 Gebe ņapalê tau embe êwiņ aê atom nec, oc jamu jandêņ tamoc jana amboac ondoc. Aê katêc

tauc gabe jalic gêḡwapac, nanj êtap tamoc sa nanj jawiḡ atom.”

45

Josep gêwa tau sa

¹ Ma Josep kêkô lau samob lanôḡnêmḡa e kêpuc tau tôḡ jageo. Tec eḡ gêmôêc gebe “Lau samob sêwi aê siḡ sêsa sêna.” Amboac tonanḡ gêdêḡ taḡ Josep gêwa tau sa gêdêḡ lasitêwai nanj, lau teḡ sêmoa sêwiḡ êsêac atom.

² Ma eḡ kêtaḡ lasê e lau Aiguptu sêḡô ma Paraonê lau sêḡô ḡawae amboac tonanḡeḡ.

³ Ma Josep kêsôm gêdêḡ nê lasitêwai gebe “Aê Josep. Tamoc gêḡḡôḡ mata jali me masi.” Mago lasitêwai sêḡô eḡ awa kêtôm atom, gebe eḡ kêtakê êsêac ḡanôḡeḡ.

⁴ Tec Josep kêsôm gêdêḡ nê lasitêwai gebe “Atu gasuc aêmaḡ.” Ma êsêac dêdêḡ eḡ sêja. Ma eḡ kêsôm gebe “Lasimi aê Josep, taḡ akêḡ aê gadêḡ lau Aiguptu sêjam ôli aê.

⁵ Mago galoc têmtac ḡawapac atom to amoa tonêm ḡalêlôm ḡatutuc êtu akêḡ aê gadêḡ lau tonec sêjam ôli aêḡa atom, gebe Anôtô kêsakiḡ aê gamuḡ amac gebe ênam amac kêsi anḡôḡ matem jali.

⁶ Tôbôm gêc gamêḡ tau jala luagêc su. Ma jala lemeḡ teḡ gacgeḡ gêc taḡ lau sêsap nom ma seḡon kôm ḡanô sa atom.

⁷ Ma Anôtô kêsakiḡ aê gamuḡ amac gebe janam amacnêm ḡagêdô kêsi anḡa nom ma jajop lau taêsam sêḡḡôḡ mateḡ jali êtu amacḡa.

⁸ Kêtu tonanḡa amac asakiḡ aê gamêḡ tonec atom, Anôtô taugenḡ. Eḡ kêkêḡ aê katu Parao tama

to ênê andu ηatau ma gamêη Aiguptuηa samob ηagôliηwaga.

⁹ Andi ηagaôgeη. Andêη tamoc api ana ma asôm êndêη eη gebe ‘Latôm Josep kêsôm biη amboac tonec gebe Anôtô kêkêη aê katu gamêη Aiguptuηa samob ηatau. Ôsêp ôndêη aê ômôêη ma ônam gamêη tôη atom.

¹⁰ Aôm ôηgôη gamêη Gosen ma ômoa aê ηagala, aôm to nêηm gôlôac ma nêηm gôlôacnêη gôlôac ma nêηm domba to bulimakao ma gêη samob, taη kêtου aômnêη naη.

¹¹ Aê gabe janam aôm sa aηga tonec e aôm to nêηm lau ma gêη samob, taη kêtου aômnêη naη, apô lêna taôm êtu gêη teηηa atom, gebe tôbôm ênêc jala lemeη teη êwiη.’

¹² Ma galoc amac matemanô alic to lasic Benjamin mataanô gêlic amboac tonanηeη gebe aê tauc aocsuη kasôm biη gêdêη amac.

¹³ Anac miη ηoc ηawasi aηga gamêη Aiguptuηa to gêη, taη alic naη, ηawae êndêη tamoc. Andi ηagaôgeη ma akôc tamoc êsêp gamêη tonec êmêη.”

¹⁴ Ma agêc lasi Benjamin sêmbôêη taυη ma têtaiη kêpi taυη.

¹⁵ Ma eη kêlêsoηp têwai samob ma kêmbôêη êsêac to kêtaiη. Su, go lasitêwai sêjam biηgalôm sêwiη eη.

¹⁶ Gêdêη taη sêηô ηawae aηga Paraonê andu gebe Josepnê lasitêwai sêmêη naη, Parao to nê sakiηwaga sêηô ηajamgeη.

¹⁷ Ma Parao kêsôm gêdêη Josep gebe “Ôsôm êndêη nêηm lasitêwai gebe Aηgôm amboac tonec gebe akêη nêηm waba ênsac nêηm bôc ηaô ma amu ana gamêη Kanaan.

18 Ma akôc tamemi to nê m gôlôac samob andên aê amên ma aê gabe jakên Aiguptu ñagamên ñajamanô tau êndên amac gebe anij nom tonan ñañalêsi.

19 Ôjatu êsêac amboac tonec êwiñ gebe Anôm tonec gebe Akôc kareta anga gamên Aiguptuña êtu nê m ñasec-ñasec to nê m lauonja ma akôc tamemi amênman.

20 Ma taêm walô nê m waba anduña atom, gebe Aiguptu ñagamên ñajamanô tau êtu amacnê m.”

21 Ma Israel latui sêgôm kêtôm tonan, go Josep kêkên kareta gêdên êsêac kêtôm Paraonê jatu ma kêkên mo gebe êpuc êsêac tôn anga intênaña.

22 En kêkên ñakwê omña tagen-tagen gêdên êsêac samob kêtômgen, Benjamin taugen tec kêkên silber ñadôn 300 to ñakwê omña lemen ten gêdên en.

23 En kêsakin gên amboac tonec gêdên tama gêja gebe donki kapoac 10 togên mata êjam Aiguptuña ma donki têna 10 topolom ma mo to gên taniñña êtu êpuc tama tôn anga intênaña.

24 Go kêsakin lasitêwai sêja ma gêdên tan kêmam êsêac lemen nan, kêsôm gêdên êsêac gebe “Asôm taôm anga intêna atom.”

25 Tec êsêac sêwi Aiguptu sin sêpi gamên Kanaan jasêo lasê dêdên tamenj Jakob.

26 Ma êsêac sêjac min gêdên en gebe “Josep gênôn mata jali ma en kêtum gamên Aiguptuña samob ñagôlinwaga.” Mago têtac kêkac en atom, gebe en kêkên gêwiñ êsêac atom.

27 Mago gêdên tan sêjac min Josepnê bin samob, tan kêsôm gêdên êsêac nan, gêdên en ma gêdên tan en gêlic kareta, tan Josep kêsakin gebe êkôc enña

nañ, tec tamenji Jakob têtac kêpô su ma nê ñalêlôm gêdi sa kêtiam.

²⁸ Ma Israel kêsôm gebe “Kêtômgac. Latuc Josep gêngôn mata jali. Aê gabe najalic enj acgom, go jamac êndu.”

46

Jakob langwa kêsêp Aiguptu gêja

¹ Amboac tonañ Israel gêdi ma kêkôc nê gën samob gêwiñ gêja. Enj gêô lasê Ber-Seba ma kêkênj da gêdênj tama Isak nê Anôtô.

² Ma gêdênj gêbêc Anôtô geoc tau lasê gêdênj Israel ma gêjam biñgalôm gêdênj enj ma kêsôm gebe “Jakob, Jakob.” Ma enj kêsôm gebe “Aê tec gamoa.”

³ Go enj kêsôm gebe “Aê Anôtô, tamamnê Anôtô aê. Ôsêp Aiguptu ôna tonêm ñalêlôm ñatutuc atom, gebe aê gabe jañgôm aôm ôtu laum kapôênj tenj anja ônê.

⁴ Aê gabe jasêp Aiguptu jawiñ aôm. Ma aê gabe jakênj aôm ômu ôpi ômôênj êtiam ma Josep lêma êmbaob aôm matamgasi.”

⁵ Go Jakob gêdi anja Ber-Seba. Ma Israel latui sêkênj tamenji Jakob to nê ñasec-ñasec ma nêñ lauo sêpi kareta, tañ Parao kêsakinj kêtû êkôc enja.

⁶ Êsêac sêkôc nêñ bôc to waba, tañ têtap sa anja Kanaan nañ, ma sêô lasê Aiguptu, Jakob to nê gôlôac samucgeñ sêwiñ enj.

⁷ Enj kêkôc latui to latuio sêwiñ enj ma dêbui to dêbuio to nêñ wakuc samob sêwiñ enj sêja Aiguptu.

⁸ Israelnê wakuc, tañ sêô lasê Aiguptu nañ, nêñ ñaê tau tonec gebe Jakob to nê latui. Jakobnê ñacsêga Ruben

⁹ to Ruben latui Hanok, Palu, Hesron ma Karmi.

¹⁰ Simeon latui Jemuel, Jamin, Ohad, Jakin, Sohar ma Saul, awê Kanaanja tenj latu enj.

¹¹ Lewi latui Gerson, Kohat ma Merari.

¹² Juda latui Er, Onan, Sela, Peres ma Sera (mago Er agêc Onan sêmac êndu anja gamênj Kanaan). Ma Peres latui Hesron agêc Hamul.

¹³ Isakar latui Tola, Puwa, lob ma Simron.

¹⁴ Sebulon latui Sered, Elon ma Jalel.

¹⁵ (Lea latui tau tonan, tan Jakob kêka lasê anja Mesopotamia sêwiņ latuo Dina. Êsêac latuņio to ņac samob sêpi tagenj têtôm 33.)

¹⁶ Gad latui Sipion, Hagi, Suni, Esbon, Eri, Arodi ma Areli.

¹⁷ Aser latui Imna, Iswa, Iswi, Beria ma luņio Sera. Ma Beria latui Heber agêc Malkiel.

¹⁸ (Silpa latui tau tonan. Laban kêkênj enj gêdênj latuo Lea. Ma Jakob kêka êsêac lasê, lau 16 sêpi tagenj.)

¹⁹ Jakobnê awê Rahel latui Josep agêc Benjamin.

²⁰ Ma anja gamênj Aiguptu Josep kêka Manase agêc Epraim lasê, tan dabuņwaga Onja Potipera latuo Asenat kêkêc nanj.

²¹ Ma Benjamin latui Bela, Beker, Asbel, Gera, Naman, Ehi, Ros, Mupim, Hupim ma Ard.

²² (Rahel latui tau tonan, tan Jakob kêka lasê, lau 14 sêpi tagenj.)

²³ Dan latu Husim.

²⁴ Naptali latui Jasel, Guni, Jeser ma Silem.

²⁵ (Bilha, tan Laban kêkênj gêdênj latuo Rahel nanj, latui tonan, tan Jakob kêka lasê, lau 7 sêpi tagenj.)

²⁶ Jakobnê lau samob, tan sêô lasê Aiguptu nanj, ma sêsa anja enj tau nê sêpi tagenj 66, mago Jakob

latuinêḡ lau sêwiḡ namba tonan atom.

²⁷ Ma Josep latui tan kêka lasê anḡa Aiguptu nan, luagêc, tec lau samob anḡa Jakobnê gôlôac, tan sêo lasê Aiguptu nan, sêpi tagen 70.

²⁸ Jakob kêsakinḡ Juda gêdêḡ Josep gêmunḡ en gebe etenḡ Josep êo lasê Gosen êmunḡ. Ma êsêac sêo lasê gamêḡ Gosen.

²⁹ Go Josep kêmasanḡ nê kareta ma kêpi gêja gebe êpuc tama Israel tôḡtôḡ anḡa gamêḡ Gosen. Ma gêdêḡ tan en gêlic tama nan, kêmbôêḡ en kêsêp gêsutêkwa ma kêtanḡ ḡasawa baliḡ gêsac en gêsutêkwa.

³⁰ Israel kêsôm gêdêḡ Josep gebe “Galoc gabe jamac êndu gebe aê galic lanḡomanô ma kajala gebe gôḡgôḡ matam jali.”

³¹ Josep kêsôm gêdêḡ lasitêwai to gêdêḡ tamanê lau gebe “Aê gabe japi jakêḡ amac ḡawae êndêḡ Parao ma jasôm êndêḡ en gebe ‘Noc lasitêwai to tamocnê lau, tan sêmoa gamêḡ Kanaan nan, dêdêḡ aê sêmêḡ su.

³² Lau tau gejobwaga bôcḡa gebe êsêac senḡen bulimakao ma sêkôc nêḡ domba to bulimakao ma nêḡ gêḡ ḡagêdô samob sêmêḡ.’

³³ Parao embe êkalem amac ma êtu kênac amac gebe ‘Amacnêm kôm amboac ondoc,’

³⁴ go asôm gebe ‘Aôm nêḡ sakinḡwaga aêac anḡen bulimakao gêdêḡ aêac ḡapalêḡen e mênḡgêdêḡ galoc, atôm tamemai.’ Asôm biḡ tonan ec êlôc gebe amoa gamêḡ Gosen gebe lau Aiguptuḡa sêlic gejobwaga bôcḡa samob amboac gêḡ alôb-alôb.”

Jakob langwa kêtôc tau gêdêñ Parao

¹ Amboac tonañ Josep kêsô jakêkêñ ηawae gêdêñ Parao ma kêsôm gebe “Tamoc to ηoc lasitêwai ma nêñ domba to bulimakao ma nêñ gêñ samob sêmêñ anga gamêñ Kanaan jasêñgôn gamêñ Gosen.”

² Eñ kêtôc têtawai lemeñ teñ sêwiñ eñ ma kêtôc êsêac gêdêñ Parao.

³ Parao kêsôm gêdêñ eñ têtawai gebe “Amac ajam kôm amboac ondoc.” Ma êsêac sêsôm gêdêñ Parao gebe “Nêm sakiñwaga aêac ajop dombageñ atôm tamemai.”

⁴ Go êsêac sêsôm gêdêñ Parao gebe “Aêac amêñ gebe amoa gamêñ tonec amboac lau jaba gebe nêm sakiñwaga aêac ma gamêñ alôm ma dombaña teñ gêc gamêñ Kanaan atom gebe têtôm gêjam gamêñ auc samucgeñ. Tec aêac atenñ aôm gebe ôlôc gebe nêm sakiñwaga aêac anğôn gamêñ Gosenmañ.”

⁵ Go Parao kêsôm gêdêñ Josep gebe “Tamam to nêm lasitêwai dêdêñ aôm sêwac.

⁶ Gamêñ Aiguptuña kêtû aôm nêñ gêñ. Ôjalîñ gamêñ ηajamanô teñ sa ma ôkêñ êndêñ tamam to nêm lasitêwai sêñgôn. Ôkêñ êsêac sêñgôn gamêñ Gosenmañ. Ma aôm embe ôlic lau tokauc anga êsêacnêñ, go ôkêñ êsêac sejop ηoc bulimakao sêwiñ.”

⁷ Josep gêtê tama jakêtôc gêdêñ Parao ma Jakob gêjam mec Parao.

⁸ Ma Parao kêtû kênac Jakob gebe “Aôm nêñ jala tendocgeñ.”

⁹ Jakob gêtô Parao awa gebe “Jala, tañ gamoa nom amboac ηac jaba teñ nañ 130. Jala, tañ gamoa nom ηatêm tau dambê to ηawapac ma taêsam kêtôm

tamocinêḡ jala sêmoa nom amboac lau jabaḡa naḡ atom.”

¹⁰ Ma Jakob gêḡam mec Parao ma gêwi eḡ siḡ kêsa gêḡa.

¹¹ Go Josep kêkêḡ gamêḡ gêdêḡ tama to nê lasitêwai gebe sêḡgôḡḡa ma kêkêḡ nom gêdêḡ êsêac kêtu êsêacnêḡ gêḡ aḡga gamêḡ Aiguptuḡa, kêkêḡ nom ḡajamanô tau gêdêḡ êsêac aḡga gamêḡ Rameses kêtôm Parao kêḡatu.

¹² Ma Josep gêlôm tama to nê lasitêwai ma tamanê lau samob kêtôm êsêacnêḡ gôlôacnêḡ nam-bageḡ.

Josep gêḡam gôliḡ Aiguptu

¹³ Mo teḡ gêc gamêḡ samuc tonanḡ atom, gebe tôbôm kapôêḡ sec e mo gêḡô lau gamêḡ Aiguptu to Kanaanḡa êndu.

¹⁴ Ma Josep keḡon awa, taḡ gêc gamêḡ Aiguptu to Kanaanḡa naḡ, samob sa gêḡô polom, taḡ lau sêḡam ôli naḡ. Ma Josep kêkêḡ ḡaawa kêsô Paraonê andu.

¹⁵ Ma gêdêḡ taḡ awa samob gêbacnê aḡga gamêḡ Aiguptu to gamêḡ Kanaan naḡ, lau Aiguptu samob dêdêḡ Josep sêḡa ma sêsoḡm gebe “Ôkêḡ mo êndêḡ aêac. Aêac amac êndu anêc aôm laḡômnêḡḡa êtu ageḡḡa, gebe ma awa gêbacnê.”

¹⁶ Ma Josep kêsoḡm gebe “Amacnêḡm awa embe êmbacnê, go akêḡ nêḡm bôc ma aê gabe jakêḡ mo êndêḡ amac êḡô nêḡm bôc.”

¹⁷ Tec êsêac sêkêḡ nêḡ bôc gêdêḡ Josep ma eḡ kêkêḡ mo gêḡô hos to bulimakao ma domba to doḡki. Tec gêdêḡ jala tonanḡ eḡ gêlôm êsêac ḡa mo gêḡô nêḡ bôc samob.

18 Jala tonan gêbacnê, tec gêdêj jala kêtû luagêcña êsêac sêmu dêdêj en jasêsôm gêdêj en gebe “Aêac asinj binj tonec ôkwi êndêj ma natau atôm atom gebe awa gêbacnê ma bôc naton kêtû ma natau nê gêj sugac. Amboac tonan ma gêj akêj êndêj ma natau ta teñ gêc atom, aêac ôlinj to ma nom tagen.

19 Aêac to ma nom anan a nêc aôm lanjôm nê mña êtu agenja. Ônam ôli aêac to ma nom ma ôkêj mo êjô, go aêac to ma nom anam sakinj êndêj Parao. Ôkêj polom nãwê êndêj aêac gebe angônj maten jali ma amac êndu atom ma aêacma nom êtu gasan atom.”

20 Amboac tonan Josep gêjam ôli nom samob anja Aiguptu kêtû Paraonê gêj, gebe lau Aiguptunja samob sêkêj nêj nom gêdêj en gêjam ôli gebe tóbôm kapônj sec gêc, tec nom tau kêtû Paraonê gêj.

21 Mago lau tau tec kêkêj êsêac têtû gêjôma anja Aiguptu namadinj namakenj e gêdêj namakenj.

22 Dabuñwaga taunjen nêj nom tec gêjam ôli atom, gebe dabuñwaga têtap nêj nãôli sa anja Paraonê, tec nãôli tau, tañ Parao kêkêj gêdêj êsêac nan, gêlôm êsêac. Kêtû tonanja êsêac sêkêj nêj nom gêdêj en gêjam ôli atom.

23 Ma Josep kêsôm gêdêj lau gebe “Amboac tonan, ocsalô tonec aê gajam ôli amac to nê m nom atu Paraonê gêngac. Galoc akôc polom nãwê tonec ma asê êsêp kômmanj.

24 Mago kôm nanô tau awa êkôc êna tonj lemenj teñ ma akêj tonj teñ êndêj Parao. Tonj aclê êtu amacnê m gebe asê êsêp kôm wakuc ma aninj êtu amac to nê m gôlôac ma nê m nãsec-nãsec nê m mo.”

25 Êsêac sêsôm gebe “Aôm gôjam aêac sa anğôn maten jali. Ma natau, embe ôlic aêac năjam, go anam sakin Parao anêc năwaegen.”

26 Tec Josep kêkên bin tonan kêtü năgôlin ten gêc e mênğedên galoc gêjam gôlin lau Aiguptu nê nôm gebe sêwa kôm nănô êkôc êna ton lemen ten ma sêkên năten êndên Parao. Dabu năwaga taunğen nê nôm kêtü Paraonê gên atom.

Jakob lanğwa kêmasan bin kêtü taunğa

27 Amboac tonan Israel sênğôn gamên Aiguptu năgamên Gosen. Ac sênğôn têtü têlê ma sêka gôlôac lasê e têtü taêsam nănô lasê.

28 Ma Jakob gênğôn gamên Aiguptu jala 17 e ênê jala kêtü 147.

29 Israelnê noc êmac êndu nă kêdabin nă en kêkalem latu Josep ma kêsôm gêdên en gebe “Aôm embe ôlic aê năjam, go ôkên lêmam êsô lambic ma ôsôm êtu tôn gebe ômansan aê năpеп ma totêmtac êwi nğen gebe ônsun aê anğa Aiguptu atom.

30 Mago ôkên aê janêc jawin tamoci. Ômbalan aê anğa Aiguptu năônsun aê anğa nê nê sêô.” En gêjô en awa gebe “Aê gabe janğôm êtôm bin, ta nă kôsôm nă nğen.”

31 Ma Israel kêsôm gebe “Ôtôc lêmam.” Ma Josep kêtôc lêma. Go Israel gewec gêdên nê mê năğedô mômêapac nă.

48

Jakob lanğwa gêjam mec Josep latuagêc

1 Tonan su acgom, go sêkên năwae gêdên Josep gebe “Ôlic acgom, tamam gêmac gêc.” Tec en kêkôc

latuagêc Manase agêc Epraim sêwiņ en jasêo lasê Jakob.

² Ma sêkêņ ȳawae gêdêņ Jakob gebe “Latôm Josep gêdêņ aôm gêwac.” Go Israel kêpuc tau tônia ma gêdi gêņgônia nê mê.

³ Ma Jakob kêsôm gêdêņ Josep gebe “Najana ȳatau Anôtô geoc tau lasê gêdêņ aê anġa Lus, taņ ġêc gamêņ Kanaan naņ, to ġêjam mec aê

⁴ ma kêsôm gêdêņ aê gebe ‘Ôlic acgom, aê gabe jakêņ aôm ôka gôlôac lasê e têtũ lau taêsam. Aê gabe jaņġôm aôm ôtu laum kapôêņ ma jakêņ gamêņ tonec êndêņ nêm wakuc êtu nêņ ġêņ enden tôniaņ.’

⁵ Ma galoc latômagêc, taņ kôka êsêagêc lasê anġa Aiguptu gêdêņ taņ aê gamêņ Aiguptu atomġen naņ, têtũ aêņoc. Epraim agêc Manase têtũ aêņoc kêtôm Ruben agêc Simeon.

⁶ Gôlôac, taņ kôka lasê têdaguc êsêagêc naņ, têtũ aômnmêm, ma êsêac sêwê kaiņ ġêņġlênsêm sêwiņ tewenġagêc.

⁷ Gêdêņ aê ġawi Mesopotamia siņ ġaô lasê Kanaan naņ Rahel ġêmac êndũ anġa intêna, taņ kêdabiņ Eprat ma aê kasuņ en anġa intêna Epratņa ȳatali,” ȳaê teņ gebe Betlehem.

⁸ Israel ġêlic Josep latuagêc ma kêsôm gebe “Asaagêc tonec.”

⁹ Josep ġêġô tama awa gebe “Aê latucagêc, taņ Anôtô kêkêņ gêdêņ aê anġa tonec.” Go Israel kêsôm gebe “Ôkôc êsêagêc têtũ ġasuc sêmêņmaņ gebe janam mec êsêagêc.”

¹⁰ Israel kêtũ ȳamalacanô su tec mataanô kêtũ waô e ġêlic gamêņ amboac ġêmuņņa atom. Ma Josep ġêwê êsêagêc dêdêņ en sêġa, ma en kêlêsoņ

êsêagêc aliñanô ma kêmbôêñ êsêagêc.

11 Go Israel kêsôm gêdêñ Josep gebe “Aê gaboc oc jalic aôm lañômanô êtiam atom, mago galoc Anôtô kêkêñ aê galic aômnêm gôlôac amboac tonañeñ.”

12 Go Josep kêkam êsêagêc sa aña ênê labum ma gewec e lañôanô jagêdêñ nom.

13 Ma Josep kêkam êsêagêc, kêkam Epraim ña lêma anôña, tañ kêkanôñ Israel lêma gasêña to Manase ña lêma gasêña, tañ kêkanôñ Israel lêma anôña ma gêwê êsêagêc têtú gasuc eñ.

14 Mago Israel gêjac lêma keso tau ma kêmetôc lêma anôña jagêu gêsac ñac saun Epraim môkêapac ma lêma gasêña gêsac Manase môkêapac. Manase eñ ñacsêga.

15 Ma eñ gêjam mec Josep ma kêsôm gebe “Anôtô, tañ tamocagêc Abraham agêc Isak sêsa nêñ lêñ sêmoa eñ lañônêmña, Anôtô, tañ kêtú ñoc ñacgejob gêdêñ ñoc bêc samob e mênghêdêñ galoc,

16 añela, tañ gêjam aê kêsi gêdêñ gêñwapac samob nañ, ênam mec ñapalêagêc gebe ñoc ñaê to tamocagêc Abraham agêc Isak nêñ ñaê elom-elom aña êsêagêcnêñ e têtú taêsam ma seola nom ñagamêñ auc.”

17 Josep gêlic gebe tama gêu lêma anôña gêsac Epraim môkêapac e keso ênê ñalêlôm, tec kêkôc tama lêma aña Epraim môkêapac gebe naênsac Manase môkêapac.

18 Ma Josep kêsôm gêdêñ tama gebe “O tamoc, amboac tonañ atom. Ñac tonec ñacsêga, tec u lêmam anôña ênsac eñ môkêapac.”

19 Mago tama gedec ma kêsôm gebe “Aê kajala, latucenec, aê kajalagac. Ñac tonec oc êtu laum an-

boac tonan ma êtu kapôên, mago lasi êtu kapôên êlêlêc enj ma ênê wakuc têtû laum taêsam.”

²⁰ Tec gêjam mec êsêagêc gêdên bêc tonan ma kêsôm gebe” Lau Israel sêsam amagêcnêm ñaê gebe sênam mec tauj ma sêsôm gebe’ Anôtô êngôm aôm ôtôm Epraim agêc Manase.’” Kêsôm amboac tonan tec ketoc Epraim sa kêlêlêc Manase.

²¹ Go Israel kêsôm gêdên Josep gebe “Ôlic acgom, galoc jamac êndu, mago Anôtô êwiñ amac ma êkên amac aô lasê tameminên gamên êtiam.

²² Ma aê jatoc aôm sa êlêlêc nêm lasitêwai su ma jakên gamên ñabau, tan kajango su anga lau gamên Amornja nêñ ña ñoc sinj to talam nanj êndên aôm.”

49

Jakob langwa geoc binj lasê kêpi nê gôlôac

¹ Go Jakob kêkalem latui ma kêsôm gebe “Akac taôm sa api tagenj gebe jasôm binj, tan êtap amac sa êndên têm, tan gêc nêm ña nanj, lasê êndên amac.

² “Jakob latuiac, akac taôm sa ma akên tanjem tamemi Israel awa.

³ “Ruben, aôm kôtu ñoc ñacsêga, ñoc ñaclai to ñoc ôlicwalô ñamêc.

Ñac ñamata waenja to ñac ñamata ñaclainja.

⁴ Aômnêm lêñ êtôm bu, tan gêc ñasamac nanj, tec ôtu ñac ñamata atom gebe aôm kôpi tamamnê mê ma gôgôm mê, tan aôm kôpi nanj, kêtû sec.

⁵ “Simon agêc Lewi êsêagêc lasitêwai.

Êsêagêcnên sinj kêtû ñaclai sec ñawaba.

6 O ñoc katuc, naô lasê êsêacnêñ sêkac sa atom.
 O ñoc ñalêlôm, ôwiñ êsêacnêñ lau atom
 gebe êsêac embe têtac ñandañ,
 go sênac ñamalac êndu.

7 Aê japuc boa nêñ têtac ñandañ,
 gebe têtac ñandañ ñawaôboa
 to nêñ ñalêlôm kêmoatiñ ñajaña.
 Aê gabe jawa êsêac êkôc aña Jakobnê gamêñ
 ma jata êsêac salin-salin aña Israel.

8 “O Juda, lasitêwai oc sêlambiñ aôm.
 Aôm lêmam êkam ñacjo êndêñ gêsutêkwa.
 Tamam latui oc sewec êndêñ aôm.

9 Juda kêtôm lewe ñalatu.
 O latucenec, aôm kôjañgo gêñ,
 tec gêlôm aôm kôtu kapôêñ.
 Eñ kêluñ tau jakêlêwanñ tau amboac lewe,
 kêtôm lewe têna teñ. Asa gebe ensoc eñ êndi sa.

10 Kiñnê gêbôm oc endec Juda atom
 ma tôc gôlinña endec asawa atom
 e elom ñac, tañ gêjac gêñ tau ñawae nañ,
 ma tentenlatu oc tañeñ wamu êndêñ eñ.

11 Eñ kêkô nê donki tôñ kêpi wain ñamôkê
 to nê donki ñalatu kêpi wain ñalaka.
 Eñ kêkwasiñ nê obo kêsêp wain
 to nê ñakwê kêsêp wain ñanô ñatekwi.

12 Wain gêgôm mataanô ñawasi kêsa
 ma su gêgôm lulunñ kêtu sêp.

13 “Sebulon êngônñ gwêctali.
 Eñ êtu wanñ ñasêcluñ to ênê ñamadiñ
 ênêc e naêndêñ Sidon.

14 “Isakar enj n̄atêkwa kêtôm donki,
tañ jakêlêwanj tau gêmoa domba n̄alêlôm.

15 Enj gêlic gebe mala lêwanja n̄ajam
to gamênj tau têtac kêsa lan̄gwagenj,
tec enj gewec gebe êôc gênj wapac
ma kêtû gênjôma gêjam kôm e kêtônij enj.

16 “Dan êmêtôc nê lau
amboac Israelnênj gôlôacnênj tonj tenj.

17 Dan êtu moac tenj, tañ gêc intêna,
êtu moacwêm, tañ kêtênj gêjac intêna n̄ataligenj nanj,
ma ênjac hos êsêp agêsu e njac,
tañ gêngônj hos n̄aô nanj, embenj êsêp muña êna.

18 O Apômtau, aê gaônj aôm gebe ônam aê kêsi.

19 “Sêjan̄gowaga sêjanda Gad,
mago enj êjanda êsêac êjô.

20 “Asernê mo tonjalêsi n̄ajam
ma êmansanj gênj êtôm kinj sênij.

21 “Naptali kêtôm mojava, tañ kêtêti n̄agaôgenj nanj.
Binj n̄ajam kêsa enj awasuj.

22 “Josep kêtôm ka wakuc, tañ gêjam n̄anô,
ka wakuc, tañ gêjam n̄anô ma kêtô bumata nanj,
ênê n̄alaka jagê gêsac tunbôm.

23 Sinjwaga totalam sêlênsônj enj
to sêpê nênj sôb ma sêjac sinj gêdênj enj.

24 Mago ênê talam n̄ajanja
ma enj lêma kata
gebe Jakobnê n̄ajanja n̄atau gêjam enj sa
to njacgejob, lau Israel nênj poclabu, kêtupuc enj tônj.

25 Tamamnê Anôtô ênam aôm sa
to njaña natau Anôtô ênam mec aôm
êkên mec nãmoasiñ anãa undambê ôña
to mec nãmoasiñ anãa ñagêdimbob, tañ kêpoac
ñalabuña nañ,

ma mec nãmoasiñ, tañ kêsa su to têtacclêlôm nañ.

26 Tamamnê mec nãmoasiñ tolêlôm-tolêlôm
kêlêlêc lôc tengeña ñamec nãmoasiñ su,
kêlêlêc gamên ñabau lanãwa sec nãmoasiñ.
Gên tonañ ñai ênsac Josep môkêapac ñaô,
ênsac ñac, tañ gêmoa jaêc lasitêwai nañ ñaô.

27 “Benjamin kêtôm kêam sec, tañ kêkac gên gêngic-
gêngic nañ.

Êndên bêbêcgen en êndanãgôn nê gwada
ma êndên êtula ênac sam gên, tañ kêjanãgo nañ.”

28 Israelnên gôlôac 12 tau tonañ. Ma biñ, tañ
tamenï kêsôm gêdên êsêac nañ tonañ. Ma en gêjam
mec êsêac, en gêjam mec êsêac gêdên-gêdêngeñ ña
mec gêdên-gêdêngeñ.

Jakob lanãwa gêmac êndu ma sêsuñ en

29 Ma en kêjatu êsêac to kêsôm gêdên êsêac gebe
“Anôtô embe êkalem aê najawiñ ñoc lau, go ansuñ
aê jawiñ tamoci anãa pocgêsuñ, tañ gêc ñac gamên
Hetña Epron nê kôm,

30 anãa pocgêsuñ, tañ gêc kôm Mak-Pela gêmu
kêsô Mamreña anãa gamên Kanaan, kôm, tañ Abra-
ham gêjam ôlí anãa ñac gamên Hetña Epron nê gebe
êtu gamên sêôña.

31 Anãa ônê êsêac sêsuñ Abraham agêc nê awê
Sara. Anãa ônê êsêac sêsuñ Isak agêc nê awê Re-
beka. Anãa ônê aê kasuñ Lea.

³² Kôm to pocgêsun, tañ gêc ñalêlôm nañ, êsêac sêjam ôli aña lau gamêñ Hetña nêñ.”

³³ Jakob kêjatu biñ tonañ ñai gêdêñ latui e gêbacnê, go Anôtô kêkalem eñ jagêwiñ nê lau. Eñ gê akain kêpi mê ma gêwi katu siñ.

50

¹ Go Josep gêu tau gêsac tama lanôanô ñaô ma kêtan kêpi eñ to kêlêsoñ eñ.

² Ma Josep kêjatu dokta, tañ têtù ênê sakinwaga nañ, gebe sêmansañ tama. Tec dokta señ oso Israelnê ñawêlêlan.

³ Ac sêjam bêc 40, gebe kôm taniñ oso ñawêlêlanña kêtôm ñasawa amboac tonañ. Ma lau Aiguptu têtan tañiboa kêtôm bêc 70 kêtù eñña.

⁴ Têm tañiboanña gêbacnê, go Josep kêsôm biñ gêdêñ Paraonê gôlôac gebe “Amac embe alic aê ñajam, go jateñ amac gebe amansañ biñ êndêñ Parao ma asôm gebe

⁵ “Tamoc kêsôm gebe Kêdabiñ gebe jamac êndu, tec ônsun aê jasêp ñoc sêô, tañ kasap kêsêp poc aña gamêñ Kanaanña. Tec katôc lemoc gêdêñ tamoc gebe jañgôm ñanô êsa. Kêtu tonanña aê jateñ aôm gebe ôlôc gebe japi najansun tamoc, go jamu jamêñ êtiam.’ ”

⁶ Ma Parao gêjô eñ awa gebe “Ôpi ôna, ônsun tamam amboac kôtôc lêmam gêdêñ eñ.”

⁷ Tec Josep kêpi gêja gebe ênsun tama, ma Paraonê sakinwaga samob to ênê gejobwaga andunña ma gamêñ Aiguptu ñagejobwaga samob sêpi sêwiñ eñ sêja.

8 Ma Josepnê andu ñagôlôac to nê lasitêwai ma tamanê andu ñagôlôac sêwiñ amboac tonañ, tagen nêñ gôlôac ñasec-ñasec ma nêñ bulimakao to domba tec gacgen sêwi sinj sêmoa gamêñ Gosen.

9 Kareta to lau tohos sêpi sêwiñ enj sêja amboac tonañgenj. Lau tau tônê nêñ toñ kapôêñanô.

10 Gêdêñ tañ sêô lasê polom ñamala Atadña, tañ gêc bu Jordan ñamakeñ ônêña nanj, êsêac sêpuc tañiboa sa ma têtanj ñanô tonêñ ñalêlôm ñawapacgenj. Josep kêmasanj biñ gebe lau têtanj tañiboa êtôm bêc 7 êtu tamaña.

11 Ma malacm tau, lau gamêñ Kanaanja, sêñô tañiboa kêpi anja polom ñamala Atadña ma sêsôm gebe “Lau Aiguptu têtanj tañiboa kapôêñ anja ônê.” Tec sê gamêñ tau ñaê gebe Abel-Misraim. Gamêñ tau gêc bu Jordan ñamakeñ ônêña.

12 Tec Jakob latui sêgôm biñ, tañ enj kêjatu êsêac nanj, kêtú anô

13 gebe latui sêbalañ enj sêja gamêñ Kanaan ma sêsunj enj kêsêp pocgêsunj, tañ gêc kôm Mak-Pela ñalêlôm, tañ gêc gêmu kêsô Mamreña. Abraham gêjam ôli pocgêsunj tau tokômgenj anja ñac gamêñ Hetña Epron nê gebe êtu ênê gamêñ sêôña.

14 Josep kêsunj tama su, go enj to nê lasitêwai ma lau samob, tañ sêpi sêwiñ enj sêja gebe sênsunj tamaña nanj, sêmu sêja Aiguptu kêtiam.

Josep kêsuc têtawainêñ biñ ôkwi

15 Josepnê lasitêwai sêlic gebe tamenji gêmac êndu su, tec sêsôm gebe “Moaê Josep êkêñ kisa aêac ma êkêñ ñagêjô êjô sec samob, tañ dagôm gêdêñ enj nanj.”

16 Amboac tonan êsêac sêsakiñ biñ gêdêñ Josep gêja ma sêsôm gebe “Kêdabiñ gebe tamam êmac êndu, tec kêkêñ jatu tonec gebe

17 Asôm êndêñ Josep gebe ‘Aê jateñ aôm êtu têwamiña gebe êsêac sêgôm aôm sec. Mago ôsuc êsêacnêñ keso to sec ôkwimañ.’ Ma galoc aêac atenñ aôm gebe ôsuc tamamnê Anôtônê sakiñwaga aêac ma keso ôkwi.” Gêdêñ tañ sêsôm biñ gêdêñ eñ sêmoa nañ, Josep tau kêtañ.

18 Têwai samob dêdêñ eñ sêja jasêu tauñ sêc eñ lañônêmña ma sêsôm gebe “Gôlicgac me, aêac atu nêñ sakiñwaga.”

19 Mago Josep kêsôm gêdêñ êsêac gebe “Atêc taôm atom. Aê jajô Anôtô su me.

20 Amac abe añgôm aê sec, mago Anôtô gêjam keso tau ôkwi kêtu moasiñ. Eñ gebe êngôm gêñ tônê gebe lau taêsam sêngônñ matenñ jali amboac talic gêdêñ galoc.

21 Amboac tañ, atêc taôm atom, aê gabe janam amac to nêñ ñasec-ñasec sa.” Eñ gêjam malô êsêac amboac tonan ma gêjac êsêac têntac tôn.

Josep gêmac êndu

22 Amboac tonan Josep to tamanê gôlôac sêngônñ Aiguptu ma Josepnê jala kêtu 110.

23 Ma Josep gêlic Epraim latui to dêbui, ma Manase latu Makir nê gôlôac, tenenñi sêkôc êsêac sêngônñ Josepnê labum.

24 Ma Josep kêsôm gêdêñ nê lasitêwai gebe “Kêdabiñ gebe jamac êndu. Mago Anôtô ênam amac kêsi ma êwê amac awi gamêñ tonec siñ e aô lasê gamêñ, tañ Anôtô gêôc lêma sa ma kêsôm kêtu tôn gebe êtu Abraham agêc Isak ma Jakob nêñ nañ.”

²⁵ Go Josep awa gêjac Israel latui gebe têtôc lemenj ma kêsôm gebe “Anôtô embe ênam amac kêsî, go ambalanj ñoc ñatêkwa anğa tonec api ana.”

²⁶ Tec Josep gêmâc êndu, nê jala kêtû 110, ma êsêac senj oso ênê ñawêlêlanj ma sêkêj enj kêsêp wan anğa Aiguptu. *

* **50:26:** Abel-Misraim ñam gebe Aiguptunêj tanjiboa.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb